

Primo libro dialecticorum rhetoricumq; communes loci explicantur.

Secundo quæ ex locis inueniendi, & amplificandi ratio sit in genere demonstratiuo.

Tertio ut ex locis inueniendum, & ad fidem motumq; animorum amplificandum sit, in genere deliberatiuo.

Capita librorum post Prologum ponuntur.

AMPLISSIMO

PRINCIPIQVE VIRO INCLY-

tæ Bononienſis Reip. Præſidi grauiſſimo

Franciſco Guicciardino Gerardus

Bucoldianus S. P. D.



VANQVAM non
iniqui ijs eſſe hoſpiti-
bus ſoleamus, qui, un-
decunq; gentium ue-
niât, nos ſibi uel qua-
licunq; munuſculo
cõciliare ſtudēt, quod
natura aſſert, ut bene-
uolentibus nobis uiſ-
ciſſim faueamus, me-
tamen hoſpitem, hos

ſcriptos à me de inuentione & amplificatione orato-
ria libros pluribus communicaturum, neſcio quis de
hominum iudicijs timor inuaſit: ut quos ſtudioſos iu-
uandi, mihi q; demerendi ſtudio impuſus conſcripſe-
rim, ædere nunc, atq; in lucem dare formidem. Itaq;
plurimum in hoc poſitum eſſe ratus, ſi is, cui primum
offeram, dedicemq; , non modò dignitate, ſed & eru-
ditione iudicioq; excellat: ut ſi quid meum hunc las-
borem ſtudioſæ iuuentuti profuturum putet, non
modò timidum ſua autoritate protegat, ſed & animo

2 metum

metum de hominum iudicijs omnem eximat. Quare equidem, dum oculos circumferens hunc quæro, plures quidem Heroas summo dignitatis splendore honoratissimos cerno: qui uero summis Fortunæ bonis plurimarū, maximarumq; artium cognitionem, ceteraq; animi pulcherrima bona adiunxerat, unus uisus es Princeps prudentissime, qui ceteros omnes multis passibus præcurris. Neq; enim insigni modò utriusq; linguæ, minimèq; uulgari cognitione, quod in Principe uiro rarissimū est, te præditum agnoscimus, sed & eundem te iureconsultum expertissimū, historiarū scientissimū, oratorem uero maxime insignem cū cæteris multis, præclarisq; prudentiæ, iustitiæ, fortitudinis, modestiæ, humanitatisq; uirtutibus ornatū planè admiramur. Atque his tot tantisq; ingenij, animiq; dotibus fretus, maximis in rebus prudenter, dextræq; gerendis, ea etiam felicitate semper es cognitus, ut cum humana cōsilia Fortunæ telis obnoxia esse intelligatur, tibi hæc celsisse, atq; in te, quasi nimis munitum & 70 fuisse uideatur. Itaq; cum te ad res bene gerendas natura fecerit, humanitatis studia instruxerint, ratio exercuerit, & ipsa Fortuna sola in te hostis uideri, suamq; prudentibus tuis inceptis consilijsq; felicitatem denegare noluit. Quapropter summis his spectatis in te bonis sapientissimi, maximiq; Pontifices Romani Leo & Clemens, non pace modo in recte administrandis primarijs Ecclesiæ ciuitatibus, atq; prouincijs, multis abhinc annis felicissime tua usi sunt opera, sed

EPISTOLA NVNCVPAT.

ra, sed & difficilimis illis belli temporibus, quibus hominum temporumque uitio, potentissimos in Reges arma sumere sunt coacti: ubi te semper in ducendis exercitibus, rebusque fortiter gerendis, primum consilij atque autoritatis locum obtinere uoluerunt. Itaque cum pace gubernandi dexteritate, non unius modo Reip. sed totius prouinciæ splendor atque ornamentum, bello autem idem ipse rem fortiter gerendo, recteque in futurum consulendo, ad frangendos, declinandosque hostium impetus quasi propugnaculum, firmamentumque esse uideare, non mirandum, si Clemens Pontifex Maximus proximis his annis, nouo plane exemplo te, cum sacerdotalibus infulis id munus debeatur, ad nobilissimæ, potentissimæque Urbis Bononiensis gubernacula constituerit: quibus acceptis, sic te geris, ut quamuis maximam, tranquillissimam tamen, optimeque constitutam Rempub. teneas. Ita enim pro tua prudentia longius in futurum prospicis, & nocitura declinas, ita quæ adsunt præsentia iuste, fortiter, temperanterque administras, ut consilia quidem tua, summamque prudentiam admirari, facta autem omnia laudare uel inimici cogantur. Neque enim tuo in imperio ulla uiolentia, tyrannisque, sed æquitas, clementiaque: non fastus, & cuiusquam contemptus, sed humanitate, facilitatque moderata grauitas: non denique ullius rei negligentia, sed summa uigilantia, diligenterque conspicitur. Quare his tot, tantisque animi tui bonis summo Pontifici sæpius cognitis atque perspectis, non contentus te, quamquam potentissimam

EPISTOLA NVNCVPAT.

tiffimam, pulcherrimâq; hanc Bononiensem, unicam
 tamen Rempub. feliciffime administrare, sed & ad se
 uocatū, cum aliâs sapiffime magnis de momētis, tum
 hac tempeftate, dum nunc pro falute Reipub. Chris-
 tianæ cum Carolo Cæfare, nunc maximis de rebus
 cum Gallorum Rege cōfultat, præcipuū in cōfiliū
 adhibet: ubi, quo plus cæteris præftas, meliorq; es,
 hoc te magis de rebus humanis bene mereri, tuæ pru-
 dentix eft poffe, iuftitiæ uero etiā uelle. Iam uero cum
 & nobiliffimū hic Bononiæ gymnaſium, à Theodo-
 ſio optimo Imperatore maximis ad id datis uectigali-
 bus eo cōfilio fit inſtitutū, ut hinc eruditi in reliquam
 totā Europā mitterētur, qui religionē, Rerūquepub.
 ſtatum rectē cōſeruarent, gaudet iuuentus, te Urbis,
 ſuiq; gymnaſij gubernatorem, rectoremq; cōtigiffe,
 quē de literis, rectisq; ſtudijs optime iudicare, & bene
 conſultū uelle intelligūt. Magnū proſecto, & ſanctū
 huius urbis apud exteras gentes omnes nomen eſt:
 quod ſuos huc mittat, hinc repetat, per quos diuina,
 humanaq; omnia rectē cōſeruari poſſe cōfidūt. Itaq;
 ſi quid hic forte lapſum ſit, ex omniū uotis feceris, ſi
 cū munificētiſſimo Senatu rurſum erigas, atq; confir-
 mes. Nulla proſecto res eſt, cū honeſtior, tum rebus
 humanis magis neceſſaria, quàm ut literarum ſtudia,
 quibus neglectis obbruteſcendū eſt, rectiſſime cōſer-
 uentur. Vident hoc & Veneti prudētiffimi homines:
 qui liberaliſſimis datis ſtipendijs, iuuentutis ſtudijs
 optime Patauij conſulūt, Cum igitur te Princeps hu-
 maniffime

EPISTOLA NVNCVPAT.

manissime, & dignitate excellentissimum, & eruditione, pulcherrimisq; animi bonis ornatissimū, inter cæteros coryphæum esse intelligā, hos à me hic Bononiæ scriptos de inuentione, & amplificatione oratoria libros, quod à me primū, qualecūq; sit, tractatū argumentū est, tuæ amplitudini offero, dedicoq;: ut si quid pro tuo iudicio, quod exactissimū est, studiosis profuturos putes, de hominū iudicij solicītū me tua autoritate protegas: sin minus, meæ tibi in studiosos uoluntatis testimonium existant. Fecimus autē quælia hospes potuit, cui nec magna librorum comes esse supellex, nec honor, præmiū ue solet, quæ magnas res agentibus, multumq; defatigatis, addere calcaria solent: quæ si probabuntur, maiora aliquādo nobis moliēda erunt:

sin minus, argumento erunt,
rectis me studijs bene
prospectum
uoluisse.

Vale.

Bononiæ Calendis Ianuarij,

M. D. XXXIIII.

PROLOGVS.



V M omnium animantium solus ho-
mo, rationis, doctrinaeque capax, literarum
beneficio, non modò animi sensa
stylo mandet, aliorumque uicissim legē-
do intelligat, sed & de rebus diuinis hu-
manisque recte iudicet, eos profecto, ut de rebus huma-
nis optime meritos, semper magni putauī, qui hāc in
animis hominū literariam industriam scriptis suis, uel
qualibuscunque aluerūt, cōseruaruntque. Nam cū edu-
care factum, quærere uictū, declinare mala, sequi bo-
na, aliaque id genus multa, ipsa nobis natura cū brutis
animantibus cōmunia esse uoluisset, sola est literarum
cognitio, quæ res diuinas, humanasque cōplexa fouet,
cōseruatque: qua qui animū excoluerūt, nō secus rudis
bus præstare hominibus, quàm ipsi subinde brutis
antecellere, suo iure creduntur. Caterū in dandis, cū &
aliarum artium, tum maxime rhetoricæ præceptis, tot,
tantique diligētes extiterūt, ut qui post hos ad scribē-
dum se contulerunt, quia nihil ferè, nisi inde sumptū,
aliena subinde fide traderēt, partim cōsilio, quod cō-
pendio suo uia iuuētuti sternere ad ipsos autores uo-
luerūt, partim solo iuuādi studio, uoluntateque potius,
quàm ipsa opera, laudē meruisse uidetur. Itaque omnē
hactenus operā in docēdo collocās, aut interpretan-
dis, aut scholijs utcūque illustrādis clāssicis autoribus,
quos potui, iuuui: tenuissemque hūc cursum lubēter, nisi
iuuandi

iuuandi studio impulsus, ea me allaturū in præsencia
putarē, quæ nō tam ab alijs ex p̄fesso tradita uiderē,
quàm profutura quidē, si quis recte tractet, intellige-
rem. Utinā onus hoc, quod in humeros grauissimū
suscepi, tam ad finē perferre possem, quàm multos iu-
uare ex animo cuperē. Quod si ex uoto minus succe-
dit, hic tamen, qualiscūq; meus labor, argumēto erit,
humanitatis studijs ex animo me bene consultum uo-
luisse. Scripturus igitur de locis, & quæ sit ex his, in
unoquoq; caussarū, seu potius rhetorices genere inue-
niendi, amplificandiq; ratio: ostēsurusq;, ex paucis nu-
mero locis, omnia ad faciendā fidem, amplificandū,
affectusq; mouēdos, deniq; ad omnē orationis orna-
tum, ueneresq; trahi. Quod dum ago, & apparebit,
qui quibus in rhetorices generibus autores uersan-
tes, alij simul ad fidem, exornādumq;, ut rhetores, alij
ad delectandū modo, amplificādumq;, ut heroici uas-
tes, historiciq;, ex paucis admodū, ijsdemq; ex locis
omnia duxerint. Atq; hic quidē inuitus de inuentio-
ne scribo, quam à multis, clarisq; autoribus traditam
uideo. Verū cum ita natura comparatū sit, ut ijsdem
ex locis, & ad fidē, & ad amplificandū ducant omnia,
licebit mihi omniū pace, ea cōiuncta tradere, quæ na-
tura iuncta, seiungi nulla ratione possunt: in quo ta-
men & operā dabo, ut quantā potero, & his rebus lu-
cem adferam. Primum igitur locos explicādos sumo:
deinde horū usum in unoquoq; rhetorices genere tra-
do. Quàm autem non modò iucundū studioso, sed &

PROLOGVS.

maxime necessarium sit, uidere in clâssicis autoribus, atq; adeo in omni genere scriptorū rerū tam diuinarum, quàm humanarū, quæ ad probandum, quæ ad delectandū solum dirigātur, quid splēdide, copiosēq; sit dictū, quid contra breuiter, atq; ieiune: & cum tria sint dicēdi genera, qui sublimi illo, omniq; amplificādi ratione sint usi, qui mediocri, qui demum humili, subtiliq; quotidiano sermoni proximo, quis Deū im mortalem tam nullius iudicij, qui nō uideat? Siquidē cū necessum sit, quicūq; feliciter in studijs literarū uersari, fructumq; aliquē demū ferre uolet, rectissime ut de autoribus iudicet, optimeq; imitetur: is profecto toto cœlo errat, omnemq; ludit operā, qui, cum nihil horū in autoribus aliena præsertim lingua loquutis spectet, recte tamen se iudicaturū, imitaturumq; putet: non hercle secus, quàm si quis rudis colorū, rationumq; omniū ducendi lineas, uisā probe depicta imagine, simile statim corpus penicillo adumbrandū temere suscipiat. Equidē hic, dum diligentius apud animum expēdo, imprimis in autoribus hæc esse spectāda, neminē, tam Græcorū, q̃ Latinorū, imò ne eorum quidē, qui in Poētas, historicosq; cōmentarios ediderūt, aut obiter indicasse, aut ex professo tradidisse, mirari potius diu, quàm certam causam reddere, mihi posse uideor. Iam uero uates ipsos heroicos, historicosq; insigniores, omni genere eloquētiæ usos, omnibusq; modis rhetoricatos esse, quis negabit? quantū ijs Cicero? quantū Fabius tribuit? qui futuro rhetori, ab

PROLOGVS.

ri, ab Homero, & Vergilio incipiendū esse præcipit, ut ijs, qui in omni genere eloquētiae clarissimi existāt: quantū, cum Græcis multis historiographis, tum ex nostris Liuius, & Sallustio: illum copiosum, hunc breuem esse: illū lacteæ eloquentiæ fonte manantē supra quā dici potest eloquētē, hunc mirabili uelocitate, quæ uoluit breuissimè explicantē. Quæ cum ita esse summi ipsi rhetores scriptū reliquerint, nullamq; tamen in ijs amplificādi uiam indicarint, me multū admirantē, causamq; indagantē, ipsa demū eò deducit ratio, ut credā illos, qui cōmentaria in autores scripserunt, ea modò, quæ ad grammaticen, rerumq; sententiam pertinerēt, explicāda sumpsisse: cetera ab oratoribus petēda esse uoluisse. Oratores uero, circa ciuiles solū quæstiones occupatos, locorū usum, amplificandi rationē, cæteris in autoribus ostendere, sui muneris esse non putasse. Quanquā interim minime nego, dari posse, qui diligēter introspectis rhetorū scriptis, hanc in Poëtis, historicisq; amplificationē, quibusq; ex locis petita copia sit, uideant: uerū id, ut leuiter dicam, nō segnis erit ingenij, nec cuiusuis lectoris. Quæ cum ita sint, quo rectius de aliorū scriptis iudicemus, nostrumq; stilū exerceamus, ostendā in singulis rhetorices generibus, grauissimisq; autoribus, omnia ex paucis numero locis ad fidē, amplificandū, motusq; animorū, deniq; ad omnem ornatū, quo incrementū capit oratio, quas figuras uocāt, petita esse. Equidem non tantū meis hic uiribus tribuo, ut non sentia gra-

PROLOGVS.

uissimū me onus in humeros suscepisse : intelligamqꝫ
 undecūqꝫ doctissimos, eloquētissimosqꝫ huius seculi
 homines, felicissime quidē hanc rem tractare potuisse
 se : meoqꝫ labori cōsuluisse: quos cum grauiora forte
 occupatos teneāt, uicit certe meū hic multos iuuandi,
 demerēdiqꝫ studiū, ut hunc laborē subierim. Siquidē
 non me fugit, pauciores, qui studia sequuntur, in ijs
 recte uersari : alios, & hos quidē haud parū multos,
 quia nihil huiusmodi per se spectare in autoribus pos-
 sunt, nec à professoribus suis accipiūt, male collocare
 bonas horas : alios, qui iam feliciores erunt, nōnulla
 quidē audire, sed ita, ut tenebras sibi magis offundi,
 quàm lucem admoueri putent. Itaqꝫ horū studijs, ut
 quantū in meis uiribus positum esset consulerem, si-
 mulqꝫ meis auditoribus, quos in Germania reliqui,
 quo in præsentia possem absens gratificarer, huc sum
 progressus : remqꝫ perdifficilē, & mihi quidem non
 necessariā, tractandam suscepi. Quòd si doctioribus
 hic minus satisfecisse uidebor, Mercuriū sibi à me ad-
 huc rudem, & utcūqꝫ figuratum, propositū esse ad
 expoliendum putabunt : cæterorum, iudicij uitio,
 animiqꝫ morbo laborantium calumniam, non plus
 apud me ualuisse ad deterrendum, quàm candido-
 rum, studiosorumqꝫ profectum ad suscipiendum, ui-
 deri uolui.

FINIS.

CAPITA PRIMI LIBRI.

Vnde tria rhetorices genera cadant & cur ita uocentur.

pagina 1

Omnia ad fidem amplificandūq; in unoquoq; genere ex locis peti.

pag. 4

Locorum diuifio in internos & circumftantes.

7

Internorum locorum explicatio.

8

Exactior definitionis expositio quæ per omnes locos ducitur.

10

Loci à partibus explicatio.

14

Loci ab etymologia uocabuli explicatio.

17

Quæ per metaphoram definiendi ratio.

18

Deducitur per reliquos omnes locos definitio.

19

Locorum qui proxime rem circumftant & primum loci à coniugatis explicatio.

25

Locorum à genere & specie expositio.

26

Similitudinis & difsimilitudinis explicatio.

26

Contrariorum explicatio.

30

Adiunctorum explicatio.

30

Testimoniorum explicatio.

35

Antecedentium consequentium repugnantiumq; explicatio, quæ per omnes ducuntur locos.

36

Cauſarum & euentorum explicatio.

40

Comparisonis expositio.

42

Omnes ad unum locum unde manant referri poſſe, & cur diuerſa nomina ſumant.

45

7 Capita

CAPITA SECVNDI LIBRI.

Quid genus demonstratiuum, & quæ huius cum cæteris cognatio sit.	49
Certa laudari seu uituperari oportere.	50
Res omnis generis quæ cernatur tangatur'ue seu in tellectu cõprehendatur laudari aut uituperari.	51
Qui hoc in genere autores uersentur.	52
Quæ laudari oporteat uituperari'ue, ex uno adiun ctorum loco sumi.	59
Quæ ab adiunctis inuenta cæteris ex locis amplifi candi ratio sit : & primum in hominis encomio pa triæ laus per locos ducitur.	61
Diuisio studiorum factorumq; patriæ in sua uirtu tum genera.	64
Primū prudentiæ factum per locos ducitur.	58
Secundū prudētiæ factū ex locis amplificatur.	72
Tertium & postremum prudentiæ factum.	75
Genus hominis ut ex locis sit extendendum.	75
Parentum laus per locos ducitur.	76
Laus hominis à fortune per locos ducitur.	80
Quæ corporis bona in homine ex locis amplifican di ratio sit.	81
Quæ ratio animi bona ex locis amplificandi.	83
Vt ea ex locis augēda, quæ post mortē acciderut.	87
Eadē quæ laudandi & uituperandi hominis ratio	90
Quæ urbes ex locis copiose laudandi ratio.	90
Vrbis laus à conditore, per locos ducitur.	91

Vrbis laus ab ijs, quæ huic simul tempore cōiuncta, & primū ab aëris temperie per locos ducitur.	94
Laus urbis ab agris, fluminibus, publicis itē munitionibus, tectis, iplisq; ciuibus, per locos ducit.	96
Quæ facta ex locis copiose laudandi sit ratio.	99
Exemplum facta ex locis amplificandi apud Ciceronem.	104
Exemplum res ex locis amplificandi apud T. Liuium historicum, breuiterq; easdem explicandi.	105
Nullis non ex locis heroicos uates augere.	110
Eadem uituperandi quæ laudandi ratio	111
De dispositione ipsosq; exordio & unde locorum sumatur.	112
De narratione & cur Homerus & Maro à fine narrare cœperint.	121
De confirmatione & epologo.	123
De eloquutione leu exornatione.	123
De perspicuitate ipsaq; periodo.	124
De numeris & pedibus in oratione seruandis,	128
De figuris quæ duo in genera uerborum & sententiarum sparguntur.	132
De uerborum figuris.	133
De figuris sententiaru, quibusq; ex locis cadant.	138
Quid loci communes, & unde cadant.	148
Quid affectus, quot genera, & unde ducatur.	151
De tribus dicendi generibus: & qui quo in genere autores uerlentur.	157
De actione & memoria.	161
Capita	

CAPITA LIBRI TERTII.

Quid genus suaforium, & qui hoc in genere uersantur.	164
Diuisio & explicatio eorum quæ suaderi seu contra dissuaderi oporteat.	165
Quæ suadentur aut dissuadentur ab adiunctis quidem non male, sed potius à causarum & euentuum loco sumi posse.	168
Quæ ab adiunctis seu causis inuenta, ad maiore animorum motum cæteris ex locis amplificandi sit ratio : & primū honestum per locos ducitur.	171
Vtilia ut ex locis extendantur.	178
Necessarium ut per locos ducendum.	179
Possibilitas ut ex locis sit amplificanda.	18
Exemplum copiose ex locis suadendi apud Cicero- nem pro lege Manilia.	182
Exemplum ut in petendo ex locis sit amplificandum : notat apud Ouidium Penelopes epistola, quibus ex locis sit sumpta.	191
Exemplum copiose ex locis dissuadendi apud Titum Liuium.	199
De dispositione & exordio.	211
De narratione, & propositione : & quibus illa sumatur ex locis.	212
De confirmatione.	213
De epilogo.	214
De eloquutione seu exornatione.	214

FINIS.

GERARDI BV

KOLDIANI DE INVENTIO
NE ET AMPLIFICATIO
NE ORATORIA LI-
BER PRIMVS.



Vnde tria rhetorices genera cadant, & cur
ita uocentur.

CAPVT I.



ERV M IGI-
tur omnium, de quib-
us copiose, breui-
ter uel dicturi, scriptu-
ri uel sumus, aut præ-
teritum, aut instans,
aut futurum est tem-
pus: unde tria causarum,
seu potius rhetorices
genera cadunt.

Nam ea quæ præter-

ierunt, atque instant, modò laudamus, modò uituperamus: unde ab ipsa laude, genus Laudatiuum, seu Demonstratiuum dicitur. Quæ uero futura sunt, cupimusque, seu nolumus fieri, suademus, aut dissuademus: unde genus hoc Suasorium uocatur. Rursum sæpenumero in iudicio & ipsa præterita iam accusamus, iam defendimus: tertiumque inde genus Iudiciale nominatur: ubi ea, quæ fieri non oportuerat, facta

a crim

criminamur. Verum ne hoc cum superiori genere misceatur, ubi quæ hic accusari, laudari præterita diximus, discernenda hæc diligētius erunt. Præterita igitur omnia, aut certa sunt, aut controuersa, dubiaq; illa pro cuiusq; arbitrio, interim laudantur, interim utuperantur, hæc iudicium sentētijs dijudicanda committuntur. Quæ cum ita sint, perspicuum est, tria esse diuersa rhetorices genera, in quibus certe singulis tota uersatur rhetorica. Atqui Ciceronem, & hunc secutum Fabium rhetorum maximos, hæc tria caussarū potius, quàm rhetorices genera uocasse, remq; latissime patentem, tam paruis circūscripsisse terminis, hoc magis miror, quòd hos ipsos, omnia, de quibus dici polsit, intra horum trium generum complexum uenire, ipsumq; oratorem de rebus omnibus copiose, splendideq; dicere posse, affirmarint. Quàm uero alterum late pateat, alterum angustis notatum sit finibus, ut omnino eluceat, quid ipso caussarū nomine acceperint, debeatq; indicandum est. Putarunt multi oratorem nulla de re, nisi de qua quæreretur, dicere posse. Quæstionum uero duo esse genera, passim & Cicero scriptum reliquit: alterū infinitum, nullis personarum, locorum, temporūue circūstantijs notatum, quod Græci *ῥητορικὴ*, ipse Propositum, & Consultationem uocauit: alterum rebus, personis, temporibusq; finitum, Causam, & Controuersiam appellauit; illi *ἐπιθετικὴ*. Constituit igitur tria hæc genera in quæstionibus, & quidem definitis; uoluitq; caussarum genera

nera, hoc est definitaræ quæstionū, dici: quod ipsum cum in Topicis, tum ad Quintum fratrem perspicue docet. Iam uero cum in confesso sit, omnia in hæc tria incidere, sintq; duo quæstionum genera, cur nō tam consultationum, quā causarum dicenda sunt genera? Quod si hic respondeatur, ὑπόθεσις διείσις complexcti, ut species genus, quod omnino negari nō potest, tamen extra controuersiam est, in infinitis quæstionibus, totam ita sæpenumero uersari orationem, ut ad certarum personaræ rerum uel complexum non descendatur. Nisi uero quis nō putet iustitiam, innocentiam, modestiā, aliasq; id genus uirtutes, summis laudibus recte uehi posse, quin, quoræ uirtutes, uitia uel sint notetur. Quid? ne causaræ quidem, & iuxta consultationum, quod est, tam definitarum, quā infinitarum quæstionum hæc genera recte dicas. An non uel Ciceronis Fabijq; testimonio, multis de rebus dicit orator, quæ quæstionem omnino habent nullam? An non certorum hominum perspectas uirtutes, cognitaq; præclare facta, tum urbium certaræ, portuū, locorumq; diuulgatam celebritatem citra quæstionē, omnemq; controuersiam, copiosa, splendidaq; oratione extollam? Necq; enim laus ferè contentionē habere solet. Itaq; Menander rhetor, cuius de partitione rerum laudabiliū in genere demonstratiuo scriptum extat, quas oratores laudes appellassent, ciuiliū certaminum conflictum potius esse putandum, his uerbis disputat, αἱ γὰρ ἐπιδείξεις λόγων πολιτικῶν οὐ δικαστικῶν καλεῖσθαι

ποιῶνται, μελέτῃ ἀγόνων εἶναι φασί, ἢ ἐπίδωξιν. Cum igitur nostris, Græcisq; concedentibus, multa sunt ijs in generibus, quæ quæstionem nullam habent, hæc tria, nō caussarum, sed potius rhetorices genera cum Aristotele uocemus. Is enim ijs in libris, quos ex p̄fesso hac ipsa de re conscripsit, tria hæc, ἐπιδεικτικόν, συμβουλευτικόν, δικαινικόν, nō caussarum, sed ἐνδεκτικῆς γένεως uocauit: q̄ tribus in ijs, ipsa certe uersaretur rhetorica. Quod ut magis probem, ijs ipsis quas dixi causis adducor. Quare cū summo uiro, contra summos sentiens, hæc admonenda, liberaq; iudicaturis in medio ponenda putauī; ut pro suo quisq; arbitrio, quemadmodū uellet appellaret. Equidem ne rerum uis ipso nomine uergeretur, mei hic officij esse duxi, quid mihi uideretur, alijsq; placuisset, non dissimulare. Patiar sanè, cum præsertim & Græci hic sibi non constant, atq; hæc tria interim πολυτελεῶν λόγων genera uocent, nostros hic defendi; nec ita male caussarum genera appellasse: q̄ rhetorum olim ingenia, in ciuilibus causis, contentionibusq; uel solis propemodum defudarint: modò intelligamus, latius hæc patere, nullamq; sæpe quæstionem habere.

Omnia ad fidem amplificandumq; in unoquoq;
genere ex locis peti.

CAP. II.

Cum igitur præterita, instantia, futuraq; atq; ad
Ceo omnia in hæc tria rhetorices genera incidant,
sintq; generales quidam, communesq; dialecticorū,
rhetorūq; loci in quouis genere dicturis, scripturis ue
arg

argumenta, rerumq; copiam administrātes, cognito genere, nostriq; consilij scopo, quem primū spectandum esse, ipsa nobis ratio præscribit, ipsis ex locis ad fidem, copiamq; orationis inueniēdum est. Inuenienda autem sunt, & res, & uerba. Verum in rebus proprie inuenire, in uerbis eloqui dicitur. Nam res, nescio quo pacto & uerborū supellectilem secum ferāt: & quasi in se inclusam offerant. Quare de rerū inuentione, de quibus proprie inuenire dicitur, dicendum est: quod ad uerba attinet, quæ nō tam rerū copiam suppeditant, quàm ipsam significant, suo loco dicemus. Cum igitur generales quidam loci, dialecticorū disputationibus, rhetoricorū generibus omnibus seruiant, de ijs primum dicendum: ut appareat, quæ singulis in generibus, classicorumq; autorum scriptis, siue ad fidem posita sint, siue ad amplificandum, deletandūq; siue deniq; ad motum animorum, ornatūue, quo corpus orationis augeatur, hinc sumpta esse, & huc referri posse. Vtinam hęc natura rerū pareretur, ut rem, quod pictores faciunt, ob oculos ponere possem, & non animorum profundis cogitationibus, sensibusq; seruirem. Nā aut nulla ars est, aut hęc certe ars, præceptaq; maxime putāda. Quid em̄ magis admirabile, magis humanum propemodū excedat captum. quàm paucis numero locis, quasi à natura datis sedibus, uniuersas res, de quibus dici, scribi, cogitari deniq; possit contineri? Hinc dialecticos ductis argumentis uel inuitis fidem facere: hinc oratores

tores sumptis rerum ponderibus copiosa splēdidaq̃
 oratione, nunc uolentes ducere, nunc nolentes, repu
 gnantesq̃, in suam sententiā pertrahere: hinc poētas,
 ducta rerum ad amplificandum copia, non tam nar
 rare, quā res quasi ob oculos depictas dare, omni
 busq̃ modis delectare: hinc historicos sumere, quo
 inter exponendum res gestas ita augeāt, illustrentq̃
 omnia, ut uariē lectoris animū afficiant, pascantq̃: de
 niq̃ oēs omnis generis autores, omnia his locis acces
 ptū referre: Hæc autē uidere, quāta res est: q̃ ad iudi
 candū imitādūq̃ necessaria, nō in generalibus modò
 illis linguis, Græca Latinaq̃, studijsq̃ grauioribus,
 sed et uernacula nostra dicturis plura aut scripturis:
 Vbicunq̃ enim perpetua, longioreq̃ oratione uten
 dum est, siue concionator nunc in diuorū laudem di
 utius, nunc ad fidem faciendam probabilius plura
 sis dicturus: siue senator, & ad multitudinem mouen
 dam dicturus orator ueneris, ijs rebus instructus si
 accedas, quod uoles feliciter efficies. Quòd si plerof
 q̃ uidemus, uel in uernacula sua lingua, quòd hæc
 ignorant, male suum obire munus, cui dubium esse
 possit, eos omnem lufuros operam, qui cū nihil horū
 ne à limine quidē salutarint, in alienis tamen linguis,
 magniq̃ nominis autoribus, recte se uersaturos cre
 dant: Cæterum ut locorū saltem nomina, numerūq̃
 scire parum est, ita horum usum nosse, omniaq̃ hinc,
 nunc ad fidem, nunc ad amplificandū, exornandūq̃
 certam sumendi rationem tenere, id ipsumq̃ in diuer
 sis

sis rerum scriptoribus spectare, meo quidem iudicio magni putanda res est. In quo equidem, quantum in meis positū est uiribus, enitar sedulò, ut explicatiora pluracq; tradendo, studiosos mihi demerear. Sequar porrò in tradendis locis Ciceronem : quòd hunc potissimū iudicio in imitandis Græcis usum, breuissimè omnes, multis in locis, non tam ferè explicasse, q̃p enumerasse intelligo : tantum abest, ut amplificandi rationē in omnibus rhetoricis generibus, diuersisq; autoribus hinc petendam esse docuerit. Quin etiā de dita opera, nihil, nonnullorū exemplo aut mutando, aut addendo, ijsdem quibus ille, nominibus utar. Si quidē usitatis uerbis, generatimq; hæc tradēda sunt: quòd certe per species ire, natura rerum minime patiatur: quod qui facere cœperunt, Fabij iudicio duo simul mala incurrerunt, ut et nimium dicerent, nec tamē totum. Verum quod ad me attinet, ita tamē hic me geram, ut nec Ciceronis, aut ullius mihi autoritas magis præscripsisse, ac ipsa rerum natura uideatur.

Locorum diuīsiō in internos & circumstantes.

CAPVT III.

LOcorum igitur, qui sedes sunt argumentorū, argumenta uero, probabilia inuenta, ad faciendum fidē, alij in ea ipsa re, de qua agitur, hērent fixiq; sunt: alij circa hanc sunt, proximēq; quasi circumstant: ut quibus ea desident, latentq; quæ eam ipsam ad rem, de qua agitur, quodammodo sunt affecta. In ipsa re inclusi loci sunt, definitio totius, partiū enumeratio, uerbi

uerbi notatio, quæ à Græcis *ἑτυμολογία* dicitur, Qui circa rem sunt, proximèq; hanc circūstant, sunt coniugata, genus, species, quam formā Cicero dicere maxime uult, similitudo, dissimilitudo, contrarium, adiuncta, quibus testimonia item subijcio, antecedentia, consequentia, repugnātia, causæ, effecta, & comparata.

Internorum locorum explanatio. CAP. IIII.

Definitione res tota quid sit explicatur. Omnia porro, quæ in dubium uocata, definitione sunt explicanda, aut res sunt, quæ cerni, tangi uel possunt, ut homo, pecus, ciuitas, mons, flumen, aut quæ ipso solum intellectu percipiuntur, ut iustitia, temperantia, ira, odiū, tutela, aliaq; id genus innumera. Vt homo est animal rationale risibile. Iustitia est cōstans, & perpetua uoluntas, ius suum unicuiq; tribuens. Sic Iustinianus, & ante hunc Vlpianus iureconsultus definiuit. Verum cum constantiam, perpetuitatemq; magis ad iustitiā, quæ semper sui similis est, quàm ad animorum habitus, uoluntatesq; referas, quæ pro re, & tempore fluxæ, suntq; dissimiles existunt ferè, sitq; in omnibus recte factis iustitia, malisq; interim recte faciant, in hanc sententiā forte tutius definias. Iustitia est animi uirtus, qua rectum quod est, in omnibus fit. Hic & suā cuiq; rem, dignitatemq;, tum poenam scelerato tribuis. Per partes item, totum quid sit, explicamus: ut, urbs est ædium priuatarum frequentia, plateis discriminata, portis, fossis, moenibusq; circūmunita. Rhetorice est recte inueniendi, & disponendi, & eloq

eloquendi, cum firma memoria, & cum dignitate actionis scientia. Quin & definimus uocabuli etymologia, ut, Iuppiter est dictus, quod iuuans sit pater. Philosophus est sapientiæ amator, Iustitium est iuris statio. Hæc, & superiora in argumentum uertere, omnibus procul dubio in procliui est: ut, Si Iupiter dictus, quod iuuans sit pater, perdere neminem debet. Si philosophus sapientiæ est amator, non ut sophista nugarum erit admirator. Si iustitium iuris est statio, Prætor per id tempus, non ius dicet. Verum multa sunt definiendi genera: quod cum Cicero non inficias eat, miror equidem, duo hæc, à partibus, & uerbi notatione definitioni adiecisse: reliqua non persequutum: aut hæc persequi, aut illa omittere, ipsa quoque definitione complecti potuisset. Adde uocabuli *ἰτυμα λυγία*, & coniugata, recte in adiunctorum, seu caussarum locum conjici potuisse. A causis nanque est, primum Deorum, Iouem dictum, quod iuuans sit pater: & philosophum, quod sapientiæ sit amator. Iustum item dici, qui iuste fecisset, quod à coniugatis est, in causa sunt recte facta: unde, dū homines metimur, nomen hoc tribuimus. Sic item quod compascuum est, compascere licere, à coniugatis quidem est, sed & idem à causis. Quinetiam similitudo, dissimilitudo, & contrariū, commode in comparisonis locum referantur. Neque enim hæc minus, quàm maiora, minora, paria quoque, conferuntur, comparantur quoque. Antecedentia item, consequentia, repugnantia, per omnes locos

sparguntur: omniumq; naturam induunt: quod suo ostendetur loco. Quare hinc ducta argumenta, ex cæterorum locorum aliquo deprompta esse, cõuincas. Hæc à me cò dici, nemo suspicabitur, quod præscriptum à Cicerone locorum numerū hic magis criminer, quàm admoneam, ne, si in rhetorices generibus, ubi ex his locis generalibus omnia, & ad fidem, & ad amplificandū, petenda esse ostendam, illorum, quos ad suos ueluti fontes remissi, mentionem forte perinde, ac aliorum tam crebro non fecero, negligi quicquam à me, usumq; minus indicari, quisquam arbitretur. Nihil autem uetat, cur non generales magis locos, in sua ueluti membra, ad unam, eandemq; rem ubique, commodiusq; inuestigandam suo iure spargeret: quemadmodum plures còdem tendentes sæpe sterni uías uidemus, ut si nō hac lubet, alia uia còdem perueniatur.

Exactior definitionis expositio, quæ per omnes
locos ducitur.

C A P. V.

CVm igitur plures definiendi sint rationes, adeo, Cut ex singulis, quod ostendemus, enumeratis locis definiamus, sitq; magni negotij recte definire, tum potissima dialectices pars, quàm poterimus diligētissimè hanc rem excutiamus. In præceptis est, extraq; omnem controuersia, definitionē, quæ firmissima esse debeat, ex genere & differētjs constare: subiiciuntq; pleriq; omnes definitioni genus, speciem, differentiā, & proprium, Cicero quanquam genus, & speciem, quam

quam formam dici mauult, ſciungat, atque inter eos locos ponat, qui rem ipſam, totumq; quod definiatur proxime circūſtent, in partitionibus tamen idem, his uerbis docet. Non dubium eſt id quidem, quin definitio genere declaretur, & proprietate quadam; aut etiam communium frequentia, ex quibus proprium quid ſit, eluceat. In eandem ſententiam, quam mutatis uerbis, & in topicis diſputat. Ceterum hoc à pleriq; uariat, quòd proprii uocabulo & diſferentiam complectatur. Idem eodem in libro, cum à toto, à partibus, à ui uerbi, diuiſioneq; definiri docuiſſet, plures præterea uias, rationesq; definiendi eſſe non diſſimulat: ſed quia ad ſui libri inſtitutum minus pertinere putaret, non eſt perſequutus. Porro in partitionibus, cum genere, & proprietate quadam definiendum eſſe præcepiffet, ſubiicit, quoniam de proprijs oriatur ſæpe magna diſſentio, definiendum eſſe, ſæpe ex contrarijs: ſæpe etiam ex diſſimilibus: ſæpe ex paribus: tum per deſcriptionem: per conſequentium enumerationem, uocabuliq; explicacionem. Hæc quidem docet, ſed nulla quibus declarafſet, exempla adiecit. Mihi quidem rationem ducem ſequenti, locorumq; uim introſpicienti, omnibus ex locis definiri commode poſſe, haud dubie uidetur: nullamq; niſi ex locis petitam, definitionē eſſe putandam. Si quidem ſi mihi omniū pace in uniuerſum dicere licebit; nulli dubiæ rei, niſi ductis ex locis argumentis fidem fieri, definiendæ item rei, quæ inuo-

luta, perplexaꝗ est, ex locis accedat necessum est, quo quid ipsa sit, eluceat. Neque enim res ulla, quæ dubia, perplexaꝗ est, per se explicari potest, ut dicam, homo est homo: uirtus est uirtus: sed, aut ex genere, & differentijs, aut alijs ex locis id præstetur oportet. Quod autem ipsa definitio locus, & recte quidem primus omnium consensu dicatur, inde est, quòd uera nusquam ulla inueniatur, quæ non ex locis desumpserit, quo totum ipsum quid sit, explicet. Hæc ut patecant, ad locos redeundum est: definitioꝗ per singulos ducenda: quod dum fit, in quos & à Cicerone diuersis in locis indicatæ explicandi formulæ recidunt, apparebit. Felicissime igitur omnium consensu, genere, & differentia, proprioꝗ definimus. Genus Cicero uocat notionem, ad plures differentias pertinentem. Vulgo id temporis scholæ, id esse dicunt, quod de pluribus differentibus specie, in quid est prædicatur. Differentiam autem id, quo res ab alijs rebus maxime differat, secernaturꝗ: ut, quia homo animal sit rationale, hoc ipso à relijs quibz animantibus potissimum secluditur. Proprium alij aliter dici uolunt. Cicero profecto, quod & mihi probatur, ea omnia propria dici uult, quo & differentiam complectitur, quæ rei definiendæ ita peculiariter, aut insunt, aut accidunt, ut ijs ipsis, cæteris à rebus maxime differre, atque distare uideatur: ut in homine ratio, risusꝗ, ea sunt, quibus à relijs quibz animantibus maxime sciungitur. Definitio
igitur

igitur hominis ex genere, & differentijs, atque adeo proprijs, quæ certissima hebetur, hæc est. Homo est animal: hic animal genus est: &, quāquam homo totus, quantus quantus est, aliud nihil, quā animal sit: tamen, cum id commune habeat cum equo, leone, cæterisque brutis, quæ animalia sunt, addam necessum est, ea, quæ propria homini sunt: dicamque, homo est animal rationale. Hic hoc ipso, quod ratione præditum dico, à brutis sedudo: idque satis erit. Sed quia una, eademque res plura sepe propria habet, adijci potest, risibile, & mortale. Cæterum quæ cuiusque rei propria sint, non semper elucet, definimus itaque sæpe à partibus, sæpe ab adiunctis, sæpe à vi nominis. Ut si hominem id esse dicamus, quod capite, humeris, manibus, pectore, uentre, cruribus, pedibusque constet. Ab adiunctis erit, si hominem à creatore, qui extra hominis substantiam est, quod suo loco patefiet, definiamus: dicamusque, hominem id esse, quod deus creavit, rationemque præ cæteris animantibus imbuat, ut se agnosceret, coleretque. A vi nominis erit, si hominem humo, quæ terra est, natum animal dicamus. Verum & cæteris ex locis omnibus definiri potest, quod mox ostensuri sumus. Atqui cum nō modò quæ cerni, demonstrarique possunt, genere & differentijs, seu proprijs, quod idem haberi uolo definiamus, sed & ea, quæ intellectu comprehenduntur, exemplo res demonstretur. Fortitudo est considerata periculorum susceptio, & laborum perpessio.

Hic genus est susceptio, & perpessio, reliqua sunt differentia. Penelope Ouidiana amorem definiuit rem esse plenam solliciti timoris: sic illa, Res est solliciti, plena timoris amor. Catilina apud Sallustium ueram dixit amicitiam esse, idem uelle, atque idem nolle. Hic genus est uelle, ac nolle, idem, autem differentia. Hic imprimis danda est opera, uero ut genere, & differentijs, quantum modo fieri potest, utamur. Hæc de primo præcipuoq; definitionis loco, quæ genere & differentijs, atque adeo proprijs declaratur,

Loci à partibus explicatio.

CAP. VI.

Sequitur autem locus à partibus. Partium enumeratione rem explicamus, cum ipsa in re, differentia, propriumq; ut in homine ratio, risusq; aut non eluceat, aut omnino non reperiatur. Ut domum si definiendam suscipio, in qua nihil reperio, qua potissimum differre rebus cæteris uideri possit, definiam ab ijs, quibus cõstructa sit partibus: dicamq; id esse, quod fundamento, parietibus, tabulatis, tectisq; confiet. Sic & ciuitatem priuatarum ædium frequentiam esse, plateis discriminatam, portis, mœnibus, fossisq; circummunitam. Definimus & per partitionem ea, quæ non cernuntur, tanguntur uel, sed intellectu ipso cognoscuntur. Ut ius ciuile est, quod in legibus, senatusconsultis, rebus iudicatis, iurisperitorum autoritate, edictis magistratuum, more, æquitate cõsistit. Huc pertinet & diuisio: per hanc ita definias, Animal est substantia, quæ uel sensu tantum, uel sensu & ratione

& ratione nitatur. Amplitudo est, aut potentiae, aut maiestatis, aut aliquarum copiarum magna abundantia. Porro diuifio est eadem per omnia cum partitione: nisi quod illa sit totius, hoc est generis in species, hæc totius in partes discretio: quemadmodum iam uidimus domum in suas partes, urbemque, in suas, nempe ædes, plateas, portas, mœnia, follasque partem esse. Fabius de diuisione ita dicit: Diuifio est rerum plurium in singulas: partitio singularum in partes, discretus ordo, & recta quædam collocatio, prioribus sequentia annectens. Locus hic plurimum commune habet cum superiore, adeo, ut unus idemque haberi ferè possit. Nam quid interest, siue totum ab ijs, quæ ipsi propria insunt definiam, dicamque, hominem animal esse rationale, mortale: Siue à partibus, quibus totum est compositum, & dicam, hominem esse id, quod capite, humeris, manibus, uentre, cruribus, pedibusque constat. Quemadmodum ibi, hoc ipso, quod hominem animal rationale, & mortale dico, quæ differentiae sunt, ueluti è turba animantium omnis generis eripio, solumque constituo: ita hic, partes enumerando, caput, humeros, manus, & cætera quæ differentiae erunt, & propria hominis, idem præsto. Verum hoc quis interesse putet, quod genus hic, cum non tam manifestum, ut supra appareat, omnino desideretur: qua in opinione Boëtium fuisse, scripto in Topica Ciceronis commentario, minus certe probo. Etenim absurda per omnia definitio hinc exit,
præter

prætermisso genere, ut dicam, caput, humeri, manus, pedes, & cætera, sunt homo. Siquidem abscessa hæc suo toto, seiuncta, atque diuersis in locis posita uideri possunt. Quare & hic semper, aut tacita uis generis, aut ipsum erit expressum. Equidem neminem fore existimo, qui inficias eat, perinde esse, siue dicā, Homo est quod constat capite, humeris, reliquisque enumerandis partibus, siue dicam, homo est animal, quod constat capite, humeris, & cætera. Eadem ratio est, & in ijs à partibus definiendis, quæ intellectu comprehenduntur. Nemo dicit, inuentio, dispositio, eloquutio, actio & memoria sunt rhetorica: sed rhetorica est inueniendi, disponēdi, eloquēdi cum actione, firmitasque memoria sciētia: ubi genus planè expressum est. Quod si quis urgeat, nullum hic genus uideri: ideoque diuersum esse locum à superiore, qui genere & differentijs constet semper, quæram, si quod licet ita definitionem: homo est quod ratione præditum est, mortique obnoxium, quem in locum, cum non ex partibus definitio sit, hanc conijciat? Quod si superioris loci esse dixerit, ut certe est, aut genus adesse, aut & ibi sine genere definiri fatebitur. Natura ita comparatum est, ut undecunque locorum, potest autem ex omnibus, petita definitio sit, semper, aut genus expressum, aut tacitam huius uim inclusam habeat. Petita est contrariorum ex loco definitio hæc: Virtus est fuga uitiorum: sed & eadem ex genere, & differentia. Fuga namque genus est: uitiorum autem differentia. Dies est

est solis cursus supra hemisphærium nostrum: sumpta hæc à caussarum loco diffinitio est. Nam lucis causa est solis cursus supra hemisphærium nostrum. Sed & hic genus est cursus, solis autem differentia: & cum noctu etiam feratur, nostrisq; Antipodibus luceat, necessario & altera adijciebatur differentia, supra nostrum hemisphærium. Adde & hanc à partibus definitionem, & illam ex genere & differentijs superiore, ex uno, eodemq; trahi adiunctorum loco: sed hanc semper, illam sæpius. Cæterum in medio pono, siue quis unum, eundemq; hunc, cum superiore, siue diuersum locum arbitretur. Non equidem diffiteor, paulo aliam à partibus, aliam à genere, & differentijs definiendi rationem in speciem uideri posse: sed idem intelligo, non magis hic, quàm supra genus abesse: plurimasq; præterea, nunc à simili, nunc à contrario, nunc à causis, deniq; ex alijs alijsq; locis, definiendi formulas esse: quas cum superiore definitionis loco, quia non attingit, sit complexus Cicero, huius certe solius à partibus loci, cum & etymologia in suos locos recidat, se iungendi, non ita magna mihi uisa est causa.

Loci ab etymologia uocabuli explicatio.

C A P.

V I I.

Tertium definiendi locum esse uoluit Cicero, uocabuli etymologiam, quando ex ipsa uocabuli interpretatione definimus. Atqui cum uel ipsa luce magis sit perspicuum, aliud ipsam esse substantiam, aliud nomen, quo ipsa significetur, inter eos locos

c

hunc

hunc potius constituendum cum Agricola puto, qui extra ipsam sunt, proximèq; circūstant. Locauit autē hunc Agricola inter accidentia, quæ Cicero adiuncto loco complectitur, quòd rebus alijs, alio modo nomina accidunt: ut eum, qui iam nactus sit ampliores possessiones, à locorum copia locupletem, à pecorum pecuniosum dicamus. Atq; id quidē negari non potest, posse inter accidentia, siue adiuncta, qui idem locus est, locari. Verum cum ita natura comparatum sit, ut nunquam ferè à ui uocabuli definiamus, nisi simul causa inditi nominis aperiatur, malui, ut supra indicaui, in causarum, quàm adiunctorum locum reijcere. Nam Musam, si deam inquisitricem esse dicam, ἀπὸ τοῦ μᾶλιστα, seu μᾶ, quod est inquirō, causam certe inditi nominis in definiendo aperiā necessum est: sic & Ceres, à gerendis frugibus Dea, quasi gerēs dicitur: & iustitium, iuris statio, tempus id, quo prætor ius dicere prohibetur.

Quæ per metaphorā definiendi ratio. CAP. VIII.

Nihil quod ad definiendi locos à Cicerone præscriptos attinet restat, nisi quod & per metaphoram definiri interim doceat: cui cum locum propriū non constituerit, nos in quem recidat, utq; per hanc definiatur, paucis perstringamus. Metaphora est, quam nostri translationem uocant, qua uera uocabuli significatio transfertur in suam cognatam: ut florem ætatis, pro uiuida optimaq; ætate dicimus. Definimus per metaphoram loco generis, adiecta differentia, ut mors

mors est occasus uitæ, pro terminus uitæ: hic genus est occasus, uitæ uero differentia. Sæpe etiam per plures accumulatas metaphoras, ut Antonius apud Ciceronem: Historia uero, inquit, est testis temporum, lux ueritatis, uita memoriæ, magistra uitæ, nuncia uetustatis. Nihil interest, inter hanc, & superiorē illam definitionem, quæ genere & differentijs constat, nisi quòd ibi genus suam propriā, genuinamq; significationem, hic uero metaphoricam, cognatamq; sumat. Quare & superiorē illum definitionis locum iure sibi uendicat. Porro poëtis frequēti in usu est: cecinit ille: Mors ultima lineā rerum, pro finis rerum. Hæc de tribus illis ipsa in re fixis definiendi locis, toto, partibus, etymologia: de quibus quid iudicem, non dissimulaui. Partes cum toto idem uideri posse putaui: unamq; & eandem à toto, & partibus definiendi rationem esse, quæ genere & differentijs constet. Etymologiam uero in causarum locum reieci: quod qui minus probat, stomachari non debet, quòd eo ordine, quo Cicero descripsit, & me tradidisse intelligat.

Deducitur per reliquos omnes locos definitio.

C A P.

I X.


NVnc subinde, quod polliciti sumus, ducamus definitionem per reliquos omnes locos: ostendamusq; nō solum ex ijs, qui in toto defixi sunt, sed & ex ijs omnibus, qui extra id sunt, proximeq; circumstant, definitiones sumi. Vocauimus autē Ciceronis exēplo, has explicatas definiendi rationes, locos ipsa

c : in re

in re defixos: quanq̃ ex locis, uel rem ipsam circūstā-
 tibus magis sumāt, quo totū ipsum, quid sit, explicāt.
 Nā definitio ex genere, & differētijs, partiūq̃ enume-
 ratione, ab adiūctis sc̃rē sumitur. Verū cū adiuncta la-
 tius pateāt, & plāraq̃ ab re longius absistāt, has defi-
 nitiones, quę aut ab ijs, quę rei, totiūq̃ suo propria in-
 sunt, accidūtq̃, aut partes, membra uē sunt sumūtur,
 quod ita proxime toti suo adhærētia, adiūcta q̃ sint,
 ut unū idemq̃ uideri possint, locos sanē cum Cicero-
 ne, ipsa in re positos, fixosq̃ potius uocemus, quā
 quicq̃ immutemus: modò tamen intelligamus, libe-
 riores definitiones sapius, ac nescio an sapiissime, &
 cæteris ex locis omnibus, rē circūstantibus, duci. Or-
 dine igitur eo ipso, quo enumerati sunt, breuiter defi-
 niemus: postea uero ad principium reuertemur: ordi-
 neq̃ rursum singulos, quantū ad nostrum institutū
 attinet, & explicabimus, & argumēta inde ducendi ra-
 tionē indicabimus. Primus itaq̃ eorū, qui extra rem
 positi sunt, locus est coniugatorum: hinc ita definias.
 Si iustitia est animi uirtus, & iusta facta ea sunt, quę
 ex animi uirtute proficiūtur. A genere ita: Si quic-
 quid auri, argentiq̃ terra effoditur, malorum irrita-
 mentum est, & signata pecunia malorum erit irrita-
 mentū. A specie: Homo est, qui ratione duce, ex præ-
 teritis, præsentibusq̃, longius sibi in futurum prospi-
 cit: ergo animal est, quod ratione præditū est. Possu-
 mus & aliter ijs ex locis definire, ut à genere per diuis-
 sionē ad species descēdamus, & econuerso, à specie ad
 genus

genus ascendamus: quas quia definiendi formulas cognouimus, nihil attinet hic repetere. A' simili definitio eiusmodi est, Si patrem enecare parricidium est, & matrem occidere parricidium erit. Si continentia animi uirtus est, erit & abstinencia. A' dissimili, quam Cicero differentiam uocat. Non si lætitia animi bonum est, & uoluptas animi bonum erit. A' cōtrarijs: Virtus est uitium fugere, & sapientia prima, Stultitia caruisse. Adiuncta sequuntur, quæ ut latissime parent, maximeq; sunt obuia, ita hinc oratores, & Poætæ, reliquiq; omnis generis autores sapissime definiunt: qui non ieiune, per genus, & differentiam solum, more dialecticorum, sed fufius rem explicare, magisq; communem ad captum, loqui student. Huius generis est, si hominem, ut supra indicauimus, à creatore suo definiam. Eadem ratione, & equum ab homine licet, dicamq; esse, quem homo suū ad usum alat, nunc ad equitandum, nunc ad arandum, sarcinasq; ferendum. Hinc item erit, si ab ijs definiam, quæ rei definiendæ, aut accidunt, aut ab ipsa fiant, aganturq;: ut, lupo terrestris animal est, forma, magnitudineq; paulo maiore canina, ex raptu ferè pecorum uitam trahens. Iustitia est uirtus, quæ homines in officio retinet, ne alter alteri suum eripiat. Quòd si forte plura in definiendo sumantur, descriptio appellatur: quo definiendi genere, sæpe autores utuntur. Itaq; Vergilius, cum & alia multa, Famam hoc ex loco copiosissime depinxit his uerbis:

c 3 Fama



Fama, malum, quo non aliud uelocius ullum;
 Mobilitate uiget : uiresq; acquirit eundo:
 Parua metu primo : mox sese attollit in auras:
 Ingrediturq; solo : & caput inter nubila condit.
 Illam terra parens, ira irritata Deorum,
 Extremam, ut perhibent, Cœco, Enceladoq; sororem
 Progeniuit, pedibus celerem, & pernicipibus alis,
 Monstrum horrendum, ingens : cui, quot sunt cor-
 pore plumæ,
 Tot uigiles oculi subter, mirabile dictu,
 Tot linguæ, totidem ora sonant : tot subrigit aures.
 Nocte uolat cœli medio, terreq; per umbram,
 Stridens : nec dulci declinat lumina somno.
 Luce sedet custos, aut summi culmine tecti,
 Turribus aut altis : & magnas territat urbes,
 Tam ficti, prauiq; tenax, quàm nuncia ueri.
 Hæc porro omnia ab adiunctis sunt petita : ut quæ
 partim, aut accidunt Famæ, aut agat ipsa, temporis,
 lociq; adiecta mentione. Accidunt autem, malum
 esse uelocissimum, mobilitate uigere, in eundo uires
 acquirere, primo paruam metu, deinde incrementum
 sumere, & ad nubila usque caput erigere, matre terra
 ultimo partu editam sororem Cœco, Enceladoq; gi-
 gantibus, celerem pedibus, pernicipibusq; alis mon-
 strum, horrendum, ingens, cui, quot plumæ, totidem
 uigiles oculi, ora, auresq; essent. Quæ uero agat ipsa,
 ubi recte temporis, lociq; fit mentio, ea sunt. Nocte
 hanc per æra, umbrasq; cum sonitu uolare, nec unq;

somnum

somnum capere: die uero ipso, custodem sedere in
summis aut tectis, aut turribus, magnasq; urbes ter-
ritare, tam falsa, quàm uera nuntiando. Omnia hæc,
ut diximus, ab adiunctis sunt petita: id quod in ex-
plicando hoc loco, infra patefiet. Est & illud hinc
sumptum, siue eiusdem, siue alterius sit:

Liuor, tabificum malis uenenum:

Intactis uorat ossibus medullas &c.

Ab ijs, quæ agit, ipse definitur liuor. Naso item inui-
diam, solisq; regiam, cum & alia multa, descripsit,
Regia solis erat, sublimibus alta columnis:

Clara micante auro: flamasq; imitante pyropo, &c.

Verum passim hæc obuia sunt. Quid multa: hic ille
est locus, qui non modò in definiendo, sed & ampli-
ficando, omnibus autoribus, & maxime poetis, non
tam calamus, quàm penicillum ministrat: ut res, nō
tam scribant, quàm depictas ob oculos ponant. Se-
quuntur antecedentia, consequentia, & repugnantia.
Horum ea est natura, ut per omnes ferme locos dedu-
cantur: singulorumq; naturam induant: quod suo
dicetur loco. Ab antecedentibus ita definias: si ho-
mo est, in quo ratio, risusq; intelligatur, & animal
erit, quod ratione, risuq; sit præditum. Cæterum
cum Cicero hūc locum dialecticorum proprium esse
uoluerit, hunc in modum, magis arcte, atque diale-
ctice, quod illi probatur, definias. Ab antecedenti-
bus: si iustitia est, uirtus animi est suum cuiq; tribuēs:
sed iustitia est, uirtus igitur animi est suum cuiq; tri-
buens

buens. A' consequentibus : si iustitia est, uirtus animi
 est suum cuiq; tribuens : sed uirtus animi est suum
 cuiq; tribuens, iustitia igitur est. A' repugnantibus:
 Virtus est placidis abstinuissse bonis. Sequuntur cau-
 sæ & effecta : à causis ita ; Literæ humaniores sunt,
 quæ homines ciuiliores, rerumq; humanarum pru-
 dentiores reddunt. Maximus Deorum, Iupiter di-
 ctus, quod mortalibus iuuans sit pater. Ab effectis,
 domus est, quæ extructa est ad inhabitandum, aduer-
 sus tempestates, omnesq; aëris iniurias. Dies est solis
 cursus, supra hemisphærium nostrum. Postremus lo-
 cus est comparationis, ubi maiora ex minoribus, mi-
 nora ex maioribus, paria ex paribus confirmantur.
 A' maiori, si omne animal est substantia, erit & homo.
 A' minori : si furtum scelus est, & sacrilegium scelus
 erit. A' pari: si abstinentia est uirtus, erit & continen-
 tia. Hæc de definiendi ratione : quibus utcunq; de-
 claratum esse puto, non solum ijs ex locis, qui toti
 ipsi, reiç de qua agitur inhaerent, nempe genere, dis-
 ferentijs, partiumq; enumeratione definiri, sed & ex
 ijs omnibus, qui totum ipsum proxime contingunt:
 unde, si non semper, sepissime tamē grauiissimi quicq;
 autores definiunt. Nam dum uariando delectare stu-
 dent, constrictam illam dialecticorum, quanquam
 certam, unicam tamen ieiunamq; definiendi formam,
 quasi seruitutem, quæ ad certa uerba astringat,
 oderunt. Neque herde uideo, cum præsertim possi-
 tum id, in uulgari usu intelligamus, cur minus ad
 cuiusq;

cuiuscq; arbitrium liceat rem, modò breuiter, modò copiose, aliter atq; aliter, quid ipsa sit explicare. Quare, cū omni dubiè rei, atq; adeo definiendæ, ex locis ijs adducatur oporteat, quo fides fiat, nulla iam cuiuscq; incidet definitio, quæ non in aliquem horum recidat. Hoc porro animaduertendū, omnes definitiones naturaliter ab adiunctis duci, quæ rebus omnibus, de quibus agitur, adhærent maxime: fieriq; ut cū hic locus in cæteros cōuertatur, quod suo ostēdetur loco, genus simul, differētiæq; per plures sparſe uideātur.

Locorum qui proxime rem circūstant, & primū loci

à coniugatis explicatio.

C A P.

X.

Restat igitur, ut cum hæcenus de definitione dixerimus, ad locos hos ipsos, extra rem positos, reuertamur, paucisq; & cuiusq; uim, naturamq; & inde argumenta ducendi rationem indicemus. Primus ordine coniugatorū locus est. Sunt autem coniugata, uerba eiusdem generis uarie inflexa, ut homo, humanus, humaniter: iustus, iustitia, iuste: sapiens, sapientia, sapienter &c. Hinc Terentianus ille trime tro hoc ita argumentatur: Homo sum, humani nihil alienum à me puto. Homo nanque, & humanum, coniugata coniunctaq; uerba sunt. Sic item iustum credi oportere, qui iuste fecisset, & compascere licere, si ager sit compascuus, & humanum esse mortem timere, cum homo sit mortalis, eiusdem generis sunt. Fabius, nisi Ciceronem usum uideret, locum hunc ridiculum putat. Negari hoc certe non potest, quod su

d

pra dix

pra diximus, reiſci commodè in adiunctorum, ſeu potius cauſarum locum poſſe: quod & Fabium ſenſiſſe uidemus, qui inter cauſas, quibus adiecit, huius loci mentionem fecit. Verum & hic ſeorſum tradatur, cum uel plures uias unius inueſtigandæ rei, nihil uetet monſtrari,

Locorum à genere & ſpecie expoſitio. CAP. XI.

GENUS, qui locus ſequitur, quid ſit ſupra diximus. Habet porro parum uirium ad probandam ſpeciem: ad refellendam autem plurimū. Neq; enim neceſſum eſt, ſi arborem eſſe dicas, nucem eſſe oportere. Hinc ita argumentum ducas. Si nulla uirtus eſt, ne temperantia quidem erit. Si nullus eſt magiſtratus, nec erit cōſulatus. Quod ſi uocabulum omne generi adijciatur, quod Cicero fecit, omnes ſpecies completaris neceſſum eſt: ut, ſi omne argentum mulieri legatum eſt, & ſignata pecunia legata erit. Si omnes artes conſeruari Reipub. intereſt, & rhetoricen conſeruari Reipub. interfuerit. A ſpecie item, quam formam Cicero appellare mauult, argumentum trahitur. Hanc idem notionem eſſe dicit, cuius differētia, ad caput generis, & quaſi fontem referri poteſt. Habet autem firmam generis probationem, infirmam refutationem: ut, ſi homo eſt, animal eſt: ſi rhetorice eſt, bene dicendi ars eſt: ſi temperantia eſt, uirtus eſt.

Similitudinis & diſſimilitudinis explicatio. CAP. XII.

SIMILITUDINEM, qui locus ſequitur, in comparationis locum commodè referri poſſe diximus: ſed & hanc,

hanc, ut nonnulla alia, seorsum tradi nihil uetat. Est autem similitudo, rerum similium collatio. Hinc sæpe nunc ad faciendam fidem argumenta sumuntur, nunc, ut ferè poëtæ faciunt, ad augendum, illustrandumq; copia. Cicero pro L. Muræna, accommodatissima una atque altera similitudine argumenti loco usus contra Catonem, contendentem præter decorum fieri, Consulem Ciceronem, legisq; ambitus authorem, L. Murænam consulem designatum, ambitus reum, defendendum suscipere. Quod si inquit, in his rebus repetendis, quæ mancipij sunt, is periculum iudicij præstare debet, qui se nexu obligauit, profecto etiã rectius in iudicio COSS. designatis, is potissimum consul, qui consulem declarauit, auctor beneficij populi Romani, defensorq; periculi esse debet. Et paulo infra: Quod si portu soluentibus, ij, qui iam in portum ex alto inuehuntur, præcipere summo studio solent, & tempestatum rationem, & prædonum, & locorum, quod natura affert, ut eis faueamus, qui eadem pericula, quibus nos perfunditi sumus, ingrediantur, quo tandem animo me esse oportet, propè iam ex magna iactatione terram uidentem, in hunc, cui uideo maximas Reipub. tempestates esse subeundas? Ex hoc loco Poëtæ, sapius ad amplificandum, illustrandumq;, quàm probandum, copiã petunt: id uno exemplo monstrari, cum innumeris posset, sit satis. Maro, cum infelicem congressum Daretis cum Entello in singulare certamen

magis enucleare uellet, cuiusmodi usus est similitudine:

Stat grauis Entellus, nisi cūq; immotus eodem,
Corpore tela modo, atq; oculis uigilantibus exit.
Ille, uelut celsam oppugnat qui molibus urbem,
Aut montana sedet circum castella sub armis,
Nunc hos, nunc illos aditus, omnemq; pererrat
Arte locum: & uarijs assultibus irritus urget.

Duo autem similitudinis genera esse Cicero docet: alterum, quo unum uni comparatur, ut iam ostendimus: alterum, quo ex pluribus collationibus aliquò peruenitur, ut, si tutor fidem præstare debet, si socius, si cui mandaris, si qui fiduciam acceperit, debet etiam procurator. Quinetiam exempla ex hoc ipso petuntur loco. Vfus hinc sumpto exemplo Cicero, cum alibi passim, tum pro lege Manilia, ubi Mithridatis fugam, cum Medæ ante eodem in loco fuga confert: & sparsa à Medea fratris membra, cum Mithridatis relicto auro atq; argento. Primum, inquit, ex suo regno, sic Mithridates profugit, ut ex eodem ponto Medea illa quondā profugisse dicitur: quam prædicant in fuga, fratris sui membra, in his locis, qua se parens persequeretur, dissipauisse: ut eorum collectio dispersa, moerorq; patrius, celeritatem persequendi retardaret: sic Mithridates fugiens, maximam uim auri, atque argenti, pulcherrimarumq; rerum omnium, quas & à maioribus acceperat, & ipse bello superiore ex tota Asia directas in suum

suum regnum cōgesserat, in Ponto omnem reliquit. Huc & parabola pertinet: quæ est remotior, longiusq; petita similitudo. Hic equidem miror Agricola, hominem ut leuiter dicam, & ingeniosum, & eruditum, de hoc loco scrupulosius, quàm utilius differuisse: adeoq; à Cicerone, reliquisq; dissensisse, ut quæ illi similia uocarint, uideri omnino non posse putarit. Non enim similitudinem uideri, sed comparisonem, si duo, aut plura in aliquo tertio, quod utrisq; sit commune, conferantur. Vt, si Catoni licuit sequi bellum ciuile, & Ciceroni licuisse sequi: ubi sequi bellum ciuile, ambobus esset commune. Similia uero putanda, non quæ in tertio aliquo, quod ambo commune esset, iungantur, sed suam singula naturā, uimq; collata ostendant: quod eo docuit exemplo. Quemadmodum uascula oris angusti, superfluum humoris respuunt copiam, sensim autem instillantibus replentur, sic tenera puerorum ingenia, grandia non percipiunt, modica, & uiribus suis apta, commodius addiscunt. Hic ut paucis dicam, nulla profecto mihi uisa est caussa, similia arctius contrahendi: atque à Cicerone dissentendi. Nam primum illud exemplum, comparisonem dici posse, nemo negat: sed, cum comparatio latissime pateat, sitq; similitudo huius quædam species, idem illud exemplum, & simile cum Cicerone, alijsq; uocare nihil impedit. Dissimilitudo sequitur, quam Cicero dissentiam uocat. Est autem dissimilitudo, rerum repu-

gnans similitudo ; ut, Brutus occidit liberos proditi-
 tionem molientes, Manlius uirtutem filij morte mul-
 ctauit. Mire hinc auxit Cicero corpus orationis pro
 Muræna : ubi Seruij Sulpitij iureconfulti, & L. Mu-
 rænæ imperatoris dissimilia studia confert. Vigilas
 inquit, tu de nocte, ut tuis consultoribus respondeas :
 ille, ut eò, quò intendit, mature cum exercitu perue-
 niat : te gallorum, illum buccinarum cantus exusci-
 tat : tu actionem instituis, ille aciem instruit : tu ca-
 ues, ne tui consultores, ille, ne urbes aut castra capian-
 tur : ille tenet & scit, ut hostium copiarum, tu ut aquarum
 pluuiarum arceantur : ille exercitatus est in propagandis
 finibus, tu in regendis.

Contrariorum explicatio.

CAP. XIII.

A Contrarijs item argumenta trahimus. Sunt au-
 tem contraria, ea, quæ secum è diametro pugnant :
 quo uel ipso, satis apparet, quid inter hunc, & super-
 iorem intersit locum. Dissimilia namque sunt, atque adeo
 differentia, quæ inter se differant : minusque modo com-
 ueniant. Contraria uero, quæ sibi maxime aduersa,
 atque opposita intelliguntur : ut, uiuit, ergo non mor-
 cuit. Marcellus ornamenta Syracusanis hostibus res-
 tituit : Verres eadem socijs abstulit.

Adiunctorum explicatio.

CAP. XIIII.

A Diunctorum locus sequitur, qui ut latissime pa-
 tet, ita maximam autoribus rerum copiam sup-
 peditat. Sunt autem adiuncta, quæ ipsi rei, de qua
 agitur (siue corporea sit, cernique atque tangi possit,
 ut homo

ut homo, equus, adamas, ciuitas, siue solo intellectu comprehendatur, ut cædes, matrimonium, iustitia) proxime adiacent, cohærentq;. In homine, cui præ cæteris animantibus, rebusq;, plurima adiacent, acciduntq;, primum ea spectanda uidentur, quæ in animo posita sunt: quod genus sunt, aut uirtutes, ut prudentia, iustitia, temperantia, fortitudo, religio, pietas, modestia, beneuolentia, & contraria ijs uitia. Aut artes omnis generis, ut grammatica, rhetorica, musica, physiologia, medicina, iurisprudentia, pictura, fullo, nia, agricultura, militiæ, aliæq; id genus multæ, quæ partim cognitionis, partim actionis sunt. Aut affectus ipsi, tam mali, quàm boni, ut amor, desiderium, gaudium, spes, misericordia, ira, odium, inuidia, & cætera. Huc deniq; omnes animi cogitationes, iudicia, consiliaq; pertinent. Istiusmodi ferè in animo: in corpore uero spectantur, ætas, forma, ualetudo bona, seu aduersa, sitis, fames, somnus, uigilia, pallor ex metu, rubor ex pudore, &c. Iam uero omnes actus huius loci sunt, ut scribere, dicere, bellare, ædificare, bibere, dormire, & id genus innumera alia: quare sua cuiq; dicta, factaq; sunt adiuncta. Sunt item adiuncta, nō homini modò, sed & cæteris rebus omnibus, locus, & tempus. Neque enim fieri potest, ut quicquam extra locum, tempusq; consistat. Hinc firmissima sæpe petuntur argumenta: ut si eum, qui quid male fecisset, diuerso in loco id temporis fuisse conuincas, A' loci natura, cum passim, tum pro Milone

lone Cicero argumenta duxit. Quinetiam ijs annu-
meranda, quæ personis non ita ex proximo, ut ferè
hactenus dicta, sed ex magis longinquo adiacent: ut
coniunx, liberi, parentes, patria, & quæ à Fortuna
obtingunt bona, res familiaris, ædium, agrorum, pec-
corumq; possessiones. Hæc ferè sunt, aut his similia,
quæ personis sunt adiuncta: unde & quæ cæteris
animantibus adiaceant, facile colligi potest: ut in mas-
nete uis attrahendi, in adamante, fugandi ferri con-
spicitur. Animaduertendum autem, locum hunc, nō
solum tria complecti tempora, præteritum, præsens,
& futurum, ut si à præteritis dictis, factisq; , à præsen-
tibus item copijs, atque facultatibus, tum à futuris
commodis, aliquem ad honeste faciendum, magnasq;
res consequendas adhorteris, sed & in ijs, quæ præ-
terierunt, quosdam temporum gradus, atque inters-
ualla: nempe quod antecessit: simul extitit: & in se-
quutum fuit. Vt si quem uita defunctum landan-
dum suscipias, primum commode ab ijs, quæ tem-
pore antecesserunt, nempe natione, patria, parenti-
busq; commendes: deinde ab ijs, quæ cum eo simul
tempore extiterunt, fortunæ, corporis, animiq; bo-
nis, quibus recte sit usus: postremo ea prædices, quæ
demortuo ad honorem, & nominis gloriam accide-
runt. Factis etiam, rebusq; quæ non tam cernuntur,
quàm intellectu comprehenduntur, & in iudicium
ueniunt, adiuncta sunt ea omnia, quæ has ipsas antes-
cedunt, simul sunt, & subsequuntur, Rem porro an-
tecesserunt

tecesserunt, apparatus, colloquia, locus, constitutum conuiuium, & similia. Cum re sunt, pedum strepitus, murmur, hominum umbræ, & his similia. Post rem uero, rubor, pallor, titubatio, cruentus gladius, & id genus alia facti signa. Cicero, quia hunc locum præcipue ad coniecturales causas, quæ in iudicium ueniunt, pertinere putauit, ea breuiter, dilucideq; indicauit, quæ ad facti coniecturam pertinerent: nos simul & quæ in reliquis generibus hinc sumi possunt, utcūq; aperuimus. Quare usum huius loci, quanquam alibi suo loco fusiùs declarabimus, hic tamen, quis in unoquoque genere sit, paucis obiter perstringamus. In laude igitur, aut contra uituperio, ubi non tam ad probandum, quàm delectandū exornandūq; oratio suscipitur, mirabilis hinc rerum copia ducitur: dum hominem, qui ferè laudandus suscipi solet, primum à patria, à parentibus, amicisq; laudes: deinde, si is ordo placet, alius nanque atque alius esse potest, quas opes consequutus sit: tum corporis bona attingas, robur corporis, formam, staturamq;: postremo ad animi bona, quæ imprimis laudem merentur, peruenias: quæ ut multæ, & uariæ sunt, aliæq; in alijs, ita nemini hic oratio deesse potest. Ab his animi bonis Cicero Pompeium laudando, suasit Quiritibus, eum potissimū Mithridatico bello ducem esse præficiendum: ubi laus in suasionē uersa est. Quod si forte hic ordo minus placet, licet primum animi uirtutes laudandas suscipias, deinde ad corporis, postremo

c

ad Fort

ad Fortunæ bona peruenias. Copia hæc omnis ab adiunctis ducitur: quæ ex comparationis loco, alijsq; mirabiliter augeri potest. In suadendo autem, ubi argumentis res agitur, ad præclare aliquid faciendum aliquem adhorteris à patre, parentumq; expectatione: ab ipsius fortiter ante dictis, recte q; factis: ab ætate, corporis robore, facultatibus, amicorumq; operaturum à nominis gloria, & cōmodis, quæ sit consequuturus. Iam uero causis coniecturalibus, quæ in forum ueniūt, familiaris admodum hic locus est. Vt si forte cædes facta sit, ab ijs, quæ eedem antecesserunt, simul fuerunt, postq; secuta sunt, percussorē prodas. Antecedentia sunt, inimicitias eum cum interfecto gessisse, sæpeq; iurgatum, atque mortem minatū esse. Cum re cōiuncta sunt, auditum clamorē esse, atq; interfectoris nomen sæpius inculatū. Post insecuta sunt, solum eum ex eo ipso loco, ubi cædes facta fuit, gladio, uestibusq; sanguine cōspersis uenisse: & appellatū de cæde, palluisse, fugamq; quæsisse. Quæ omnia, & his similia, hinc ducta, ut singula parū, ita plura congesta, plurimū ad probandū uirium habent, ac penē nullū dubiū relinquūt. Rodolphus Agricola adiuncta in sex aut septem locos distraxit. Mihi profecto nouādi hic aliquid nulla uisa est causa, cum præsertim & teste Fabio, hæc magis secari citra obscuritātē, natura rerum non patiatur: & apud illū, non modo res distractæ, quæ natura cōiunctæ erant, sed ne ipsa quidem locorum nomina, ita magnā præ se differentiā ferunt. Quare,

quæ ille adiacētia, cōtingentia, cōnexa, actus, locū itē,
& tēpus uocat, nos cum Cicerone adiūcta uocamus.

Testimoniorum explicatio. CAP. XV.

A Diunctis nos quidem & testimonia adiecimus:
quæ Cicero extra rem posita, longeq; disiuncta,
extrinsecus assumi dixit. Sunt autem testimonia, diui
na & humana. Diuina nunc recte Saluatoris nostri,
Prophetarū, Euangelistarū, Apostolorumq; dicta,
scriptaq; uocemus: unde sumpta argumenta, suo iure
plurimū in animis Christianorū ualebunt. Humana
autem sunt, authoritate præstantiū uirorū dicta, ius
sacq; testata, scripta, ut leges, instrumenta, iurata, pro
missa, pacta, quæstionibus expressa, rumores, aliaq;
id genus. Hæc omnia esse huius loci ab adiunctis, non
minus, quàm superiora illa, nemo mediocris iudici
inficias eat. Nā iurata, testata, promissa, deniq; omnia
dicta, scriptaq; suis de rebus, ad quas referri possunt,
scripta, dictaq; esse necessum est. Sic & euāgelia, Apo
stolorumq; scripta, ad Christianos sunt referenda.
Quod autem Cicero locorum numero hæc exemerit,
atq; arte carere dixerit, nulla alia causa est, nisi quod
hæc orator, nō ita ut superiora inueniat, sed causa se
cum adferat: quemadmodum Cicero, Archiam poë
tam, ciuem Romanum esse, non tam argumentis à se
inuentis, quàm amplissimorū hominum testimonio
probat. Quæ causa fuit, cur & Aristoteles testimonia,
πίστις ἀνθρώπων, hoc est inartificiales probationes uocarit:
quem Fabius, & interdum Cicero sequuti, eodem pa
cto app

cto appellarunt. Quare, cum testimonia per omnia eadem sint cum adiunctis, non propterea seiungenda putavi, quod non tam orator inuenire, quàm caussa secum ferre uideatur: cum præsertim, & suam inuentionem habeant, summaçq; arte tractari uelint. Adde, quòd in laude & uituperio, inter testimonia, & adiuncta omnino nihil interest: quin tam inde, quàm hinc susceptam rem laudes, seu uituperes.

Antecedentium, consequentiũ, repugnantiumq; explicatio: quæ per omnes ducũtur locos. CAP. XVI.

Sequuntur antecedentia, consequentia, & repugnãtia: de his, quot autores, tot diuersæ sententiæ. Cicero in topicis hunc locum dialecticorũ propriũ dicit: longeq; ab adiunctis esse diuersum: quod adiuncta non semper, consequentia uero semper eueniant. Fabius Quintilianus antecedentiũ non meminit: consequentia autẽ adiunctis copulat: esseq; interim naturæ, interim tẽporis dicit. Repugnãtia uero eiusmodi exemplo indicat, ut quo à cõtrarijs differãt, planè nescias. Agricola, qui proxime hanc rem ex professo tractauit, antecedentia, consequentiãq; temporũ ordine uult esse distinguẽda: minimeq; peculiare locos habẽda: quòd sparsa per omnes inueniãtur: nullũq; hinc, nisi ex alijs locis ductum, sumatur argumentũ: accõmodatissime autem naturæ, proprietatĩq; contingentĩũ accedere posse. Cum igitur alij aliter hæc tradiderint, in re quidem obscura, sed eadem utili, quantum in nobis est, demus operam, lumen ut ijs uel qualecunque adfera

adferatur. Quod si igitur Ciceronem sequamur, necessum est, totum hunc locum cum Boëtio, qui in Ciceronis Topica scripsit conditionalem esse dicamus: argumentumque ab antecedenti duci, si proponas aliquid, & quod hoc ipsum, quod proponis, sequatur, deinde ad antecedens redeas, atque concludas: ut sit ab antecedenti. Si homo est, animal est, sed homo est, ergo & animal. Si peperit, cum viro concubuit, sed peperit, quare cum viro concubuit. Hic proponis aliquid, & quod inde sequitur: nempe, si homo est, animal est: deinde ad id, quod proposuisti, redis, atque concludis: sed homo est, ergo & animal. A consequenti uero argumentari, si quid proponas, & quod inde sequatur, deinde hoc ipsum, quod sequitur, iterum sumas, atque concludas: ut si peperit, cum viro concubuit: sed non cum viro concubuit, ergo ne peperit quidem. Hic Agricola non tam locos Ciceronis, quam potius certas quasdam argumentandi formulas præscripsisse, meo quidem iudicio non male disputat. Siquidem ex locis quod ducitur, statim quas vires habet ostendit, citra ullam, quam hic uisemus legem, nunc conclusionem, nunc antecedens repetendi. Porro Fabius, uir acerrimi iudicii, adeo hanc seruitutem non probauit, ut ne meminerit quidem: dicatque consequentia, quo nomine & antecedentia complecti uidetur, nunc naturæ, nunc temporis esse. Quid? an non ipse Cicero, qui in Topicis hæc nihil commune habere cum adiunctis disputat,

de oratore ad Quintum fratrem; ea consequentia esse exemplo declarat, quæ ipsam rem sequuta sunt adiuncta signa? Quare huius pace nobis licebit, rem late patentem, non arctius, quàm ipsa postulet contrahere. Sunt igitur antecedentia, consequentiaq̃, quæ sparsa per omnes locos, partim naturæ, partim temporis sunt. Naturæ autem uocamus ea antecedentia, consequentiaq̃, in quibus temporis gradus, quem ipsa præ se ferunt nomina, non deprehēditur; sed positis antecedentibus, naturaliter consequens sequatur. Quæ huius generis sunt, ab omnibus locis trahas. A' definitione, quæ genere & differentijs constat, atque adeo ab adiunctis petitur. Si homo est animal rationale, turpem uoluptatē non sequitur. Si iustitia est uirtus suum cuiq̃ tribuens, recte à bonis iudicandum est. Si perfidia est malum, non est fallendum. A' partibus; Res est quæ fundamento, parietibus, tabulatis, tectisq̃ constat, ergo domus est. A' uinominis: Iupiter est iuuans pater, ergo mortales iuuat, & non perdit. A' coniugatis: Compascuus ager est, quare compascere licebit. A' genere: nulla arbor est, ergo nec platanus; nulla ars, quare ne rhetorica quidem. A' specie: si homo est, animal est; si dies est, lux est. A' simili: si patri pietas debetur, debebitur & matri. A' contrario: si iniquitas malum, æquitas bonum erit. Ab adiunctis, non omnibus, sed ijs, quæ citra temporis ordinem, cum ipsa re maximè iuncta sunt, coherentq̃; ut, si homo est, animal risibile est; palluit

palluit, ergo timuit. A causis item, quæ nullum temporis interuallum habent: ut, sol fertur supra nostrum hemisphærium, quare dies est. Ab effectis: Dies est, ergo sol fertur supra hemisphærium nostrum. Sic & comparata tibi hæc suppeditent. Possunt autem magna ex parte conuerti: quam causam nonnullis fuisse puto, cur hæc antecedentia, & quæ hic naturaliter sequuntur, uno nomine consequentia appellarent. Temporis uero antecedentia, consequentiaque sunt, cum ex temporis interuallo, quod ipsa uolunt nomina, ex antecedentibus consequentia, & hinc uicissim illa indicamus, & confirmamus. Locos & hæc plures habent: maxime tamen proprios, adiuncta, causas, & effecta. Antecedentia ab adiunctis istiusmodi sunt: ferro ante petiit, in mortemque minatus fuit, quare & eadem fecit. Cum uirgine sæpe collusit, solusque cum sola aliquoties inuentus, quare & demortuæ partum suum esse non negabit. A causis: Datum uenenum insciens haussit, ergo & morietur. Hic ex ijs, quæ antecesserunt, postea facta prodo, atque confirmo. Consequentia autem ab adiunctis, hoc pacto sumas: Diducti uerbis inter se non constituerunt, quare sceleris consilia agitarunt. Res ablata domi ipsius inuenta est, quare furtum fecit. In pedes se coniecit, salutemque fuga quaesuit, ergo eadem fecit. Ab effectis: Hausto poculo statim concidit, mortuusque est, ergo uenenum bibit. Ostendimus utcumque antecedentia, consequentiaque, sparsa per omnes locos, partimque naturæ

tura esse, cum absq; temporis gradu, ex antecedentibus naturaliter aliquid consequatur: quod genus ferè & conuerti possit: partim temporis, cum iuxta ipsorum uim nominum, temporis interuallo, ex antecedentibus consequentia, & hinc uicissim illa comprobamus: quibus, qui uolet, probetq; & illa Ciceronis, quorum supra meminimus adijciat. Repugnãtia restant, quæ sunt secum quasi pugnantia: ut, Cœlius cum literarum studiosus sit, turpi amore non capitur. Repugnant namq; literas, & uoluptatem sequi. Fabius repugnantia eadem esse, quæ contraria, exemplo declarauit. Verum hoc inter sit, omnia quidem cōtraria repugnantia, sed non cōtra omnia repugnantia, contraria dici posse. Dissimilia namq; atque adeo differētia, quæ non secum è diametro pugnant, ut contraria, sed collata modo sese non ferant, hoc item nomine ueniunt. Quare, quanquā hi loci, quod sparsi per reliquos proprii uideri non possint, seorsum tamen tradi, & quasi plures uias ad unam, eandemq; inuestigandam rem munitas monstrari, nihil uetabit.

Causarum & euentorum explicatio. CAP. XVII.

CAusarum locus, qui latissime patet, sequitur. Sunt porro causæ, quæ efficiunt aliquid, quod adeo ferè abesse non potest, ut nisi appareat, causa esse, diciq; nequeat. Harum autem aliæ naturaliter, necessarioq; efficiunt: ut sol exortus est, quare dies est; ignis est, ergo comburit; natum est, ergo morietur

rietur. Alię non necessario, ut uirginem sæpe alloquitur, quare amat; in studia literarum incubuit, ergo doctus. Hic animaduertendum, materiam, instrumentum, locum, tempusq̃, efficiendi per se naturam habere propemodum nullam, sine ijs tamen ipsis, fieri omnino nihil posse. Neque enim sine materia, instrumentoq̃, ne dicam loco, & tempore, domus extrui, aut quicquam fieri potest. Verum locus, tempusq̃, interim tamen & per se efficiant, ut si locum paludis nosum pestis, & tempus longum ruinæ ædium causam dicas. In causis item, quæ non necessario, naturæ literq̃ efficiunt, finis etiam, cur aliquid fiat, spectandus est. Ea porro omnia, quæ animi humani præmeditatione, consilioq̃ fiunt, finem suum destinatum, utilem, honestum uē spectant: qui, quanquam effectus, usuq̃ sit postremus, ipsa tamen agentis destinatione, institutioneq̃ primus est, efficiensq̃ causa appellandus: ut nauigat mare, & cum uitæ periculo merces auerhit, nempe ut rem faciat, feliciorq̃ inde uiuat: domum extruit, non certe alium in usum, finemq̃, quàm ut inhabitet: literas discit, ut de rebus tam diuinis, quàm humanis recte iudicet. Effecta quę sint, ex causis, unde sequuntur, apparet. Natura namque hæc ita coniuncta sunt, ut altera sine alteris esse nequeant: & ut causæ effecta, ita hæc uicissim illas indicant, produntq̃. Vt, dies est, quare sol est supra hemisphærium nostrum. Hic ab effectis causam ostendo, Solis namq̃ cursum, supra hemisphærium nostrum,

strum, causam dici esse, certum est: Emoritur, quare
 & natum fuisse constat. Loci hi à causis, & effectis,
 omnibus, siue dicturi scripturiue sint, summam co-
 piam suppeditant: plurimusq; horum, in omni rhes-
 torices genere usus est. In laude nanque, aut contra
 uituperio, quantam hinc copiam poetæ, historici,
 rhetoresq; sumunt. In suaserijs item, dum aut ab uti-
 li, honesto, necessario, possibili, faciliue argumenta
 trahimus, an non à causis efficientibus ductis argu-
 mentis persuademus? Quanquam autem ex his, uti-
 lia maxime, atque honesta, à fine effectisq; sumi ui-
 deantur, si ad res suas gestas, unde manarunt refe-
 ras, tamen, si ad agentem accommodes, cuius anis-
 mum ad agendum, suscipiendumq; negotium pri-
 mum impulerunt, causæ efficientes, hincq; sumpta
 argumenta, à causis efficientibus ducta putabun-
 tur. Necessitudinem uero, possibilitatem, facilita-
 temq; cōficientes causas esse satis liquet. Iam uero in
 iudicio, quot hinc argumenta petuntur: dum à causis,
 effectisq; criminando, nunc factum conuincimus,
 nunc iniquum impiumq; ostendimus. Sed hæc suo
 loco indicabuntur.

Comparisonis expositio. CAP. XVIII.

Postremus, latissimeq; patens comparisonis lo-
 cus est: ubi maiora minoribus, & contra minora
 maioribus, paria paribus comparantur. Plurimus
 huius ubique usus, maximeq; obuius est, in conie-
 ctura,

ctura, definitione, & iuris quæstione. Coniectura à maiori: Si de patris uita cogitauit, & de nepotis cogitare non dubitabit. A' minori apud Ciceronem pro Archia poëta: Etenim cum mediocribus multis, & aut nulla, aut humili aliqua arte præditis, gratuito ciuitatem in Græcia homines impertiebantur, Rhegynos credo, aut Locrenses, aut Neapolitanos, aut Tarentinos, quod scænicis artificibus largiri solebant, id huic summa ingenij prædito gloria noluisse: Ex pari: Qui ob rem iudicandam pecuniam accipit, & ob dicendum falsum testimonium accipiet. Definiendi hinc ratio quæ sit, supra ostendimus. De iure si quæretur, ita à maiori probetur: Si furem nocturnum per leges occidere licet, qui domi depræhensum uulnerauit, nihil peccasse credetur. A' minori: Si parentibus, unde in lucem editi, educatiq; sumus, præstanda pietas est, maxime ipsi Deo, cui, cum uitam, tum ipsius animæ immortalitatem, salutemq; debemus. A' pari: Quæ pietas patri, eadem & matri debetur. Exempla item huc pertinent: quæ sunt res gestæ, aut ut gestæ, ad persuadendum accommodatæ. Ducuntur autem à maioribus ad minora, & hinc uicissim ad illa. A' maiori: Si reges suos Tarquinius Romani nondum Christiani, quod inuitæ Lucretiæ pudicitiam eripuerint, urbe, regnoq; deturbarunt, idem hoc flagitium, in priuatis ciuibus, & Christianis, non est ferendum. A' minori, apud Ciceronem in Catilinam; At uero uir amplissimus, P. Scipio Pontifex

tifex maximus, Tiberium Gracchum mediocriter la-
 befactantem statum Reipub. priuatus interfecit, L.
 uero Catilinam, orbem terrarum cæde, & incendijs
 uastare cupientem, nos COSS. perferemus? Du-
 cuntur item à simili, & dissimili, & contrarijs, quos-
 rum locorum, cum supra exempla posuerimus, &
 uel hinc, quæ istorum natura sit pateat, breuitati hic
 studebimus: cum præsertim, plures huius loci spe-
 cies sint, quàm persequi facile, aut poterimus, aut
 opus sit. Comparantur nanque, alia numero, dum
 unum pluribus, pauca bona, mala uel multis, diu-
 turna breuibus, & id genus alia conferuntur: ubi,
 quid quibus anteferri debeat, nemo non uidet. Alia
 specie: ubi ea omnia, quæ per se expetuntur, ijs an-
 teferuntur, quæ propter aliud: ut salus, cum per se
 expetatur, melior medicina est, quæ ob hanc expe-
 titur. Conferuntur hic & innata aduentitijs, à natura
 accepta uitia, uirtutes uel assumptis, integra corru-
 ptis, iucunda iniucundis, honesta utilibus, facilia dis-
 ficilibus, totum partibus, rara uulgaribus, necessa-
 ria non necessarijs, efficientia non efficientibus, ni-
 hil indigentia indigentibus, animi bona, uirtutesq̃,
 omniaq̃ quæ in nostra potestate sunt, ijs, quæ For-
 tunæ telis sunt exposita, stabilia caducis, publica pri-
 uatis, ab optimis laudata, cum ijs, quæ à pluribus.
 Atq̃ hæc omnia, aliaq̃ id genus, quanquàm partim
 nouam, propriamq̃ faciem ostendent, maiora tamen,
 minoraq̃ esse, aut similem uim habere deprehendun-
 tur. Si

tur. Similia autem, paria'ue, nullos in significando gradus habere, ipsa testimonio sunt nomina. Quare hoc in uniuersum sit edictum, ex hoc comparationis loco, in omnibus rhetorices generibus, tam ad ornandum, delectandumq̃, quàm ad fidem argumentis faciendam, copiam peti maximam.

Omnes ad unum locum unde manant referri possẽ, &
cur diuersa nomina sumant. CAP. XIX.

EXplicatis locis omnibus, ut nulla præterea sedes quærenda sit, unde ad fidem, copiamq̃ sumas, quo horum natura, uisq̃ magis pateat, intuendum nobis, quæ inter hos cognatio sit, quæ tanta est, ut ad unum adiunctorum locum, unde manant, omnes referas: quod eo ipso, quo expositi sunt ordine, ostendamus. Rem igitur ipsam, totumq̃, quod nisi adsit, nihil est de quo tibi oratio esse potest, si definitione, quæ genere & differentiis constat, firmissimâq̃ est, explicare uoles, ab adiunctis sumas necessum est, quo id præstes. Vt si hominem definias, dicasq̃ animal esse, nihil præterea, quàm substantiam quãdam esse, quæ ei cum omnibus animantibus communis est, significasti. Quare ab ijs, quæ ei propria insunt, acciduntq̃, erit definiendus, ut à cæteris animantibus, brutisq̃ secludatur, solusq̃ constituatur, hoc pacto: homo est animal rationale, risibile, mortale. Insunt autem homini hæc propria, acciduntq̃, ratio, risus, ipsaq̃ mortalitas: quæ eadem ipsi & adiuncta sunt
f 3 omnia

omnia. Eodem pacto, si hominem partes, membraq; enumerando definias, hinc te definiuisse puta. Sunt namq; sua cuiq; membra, adiuncta maxime. Quin & etymologia uocabuli, & uicinus huic coniugatorum locus, hinc cadunt. Accidit namq; maximo Deorū, adiunctumq; est, à mortalibus cum Iouem, quasi iuuantem patrē dici: & iusto item, sua recte facta, unde nomen accipit, sunt adiuncta. Genere autem, & specie, totum id de quo agitur, significatur, cuius hic adiuncta explicantur: quod, ut diximus, si absit, nihil est de quo oratio suscipiatur. Iam & similitudinis, dissimilitudinis, contrariorum, comparisonisq; locus hinc oritur, omnemq; copiam sumit. Siquidem ea, quæ rei de qua agitur, sit homo, adiuncta sunt, aut inter se conferendo ostendis, modo similia esse: ut si qua impietate in patrem, eadem postea illo demortuo & in matrem extitisse dicas: modò dissimilia: alterum ex liberis natu maiorem uix filium agnoscit, alteri nimium indulget: modò contraria: coniugem suam principio plurimum amabat, eandem postea odit maxime. Hinc maiora, minora, paria uel quæ sint, satis liquet. Hic porrò eiusdem hominis facta, quæ ipsi adiuncta sunt, conferuntur. Aut ex huius, de quo dicis hominis externis, corporis, animi uel bonis, malis uel, atq; adeo factis omnibus, quæ huic adiuncta sunt sumis aliquid, cui, quod foris est, externaq; personæ adiunctum est, comparas: atq; ostendis id, aut simile, aut dissimile, aut contrarium; aut maius, aut minus

minus, aut denique par esse: Vt si cius, de quo dicis opes, tantas esse dicas, quantæ Crassi illius olim apud Romanos fuerunt. Sumpta hæc ab adiunctis similitudo est. Nam sua utriusque bona sunt adiuncta, quæ collata similitudinem præ se ferunt: & inde hoc nomen accipiunt. Hinc, cum omnia supra abunde exemplis sint declarata, & cætera satis liquere arbitror. Quid de antecedentibus, consequentibus, repugnantibus dicemus? quæ cum ut demonstratum est, sparsa sint per omnes locos, qui ab adiunctis oriuntur, & ipsa simul hinc nasci, nulli dubium esse potest. Restat caussarum, & euentorum locus: qui item, ut cæteri, ab adiunctis nascitur. Sunt autem cuiusque sua facta, animique bona, & uitia, adiuncta maxime: quæ tamen ipsa, in causas & euenta conuertuntur, cum à causis euenta, & hinc uicissim illas ostendimus. Vt si honestatem ipsam, causam Cæsari nostro fuisse dicamus, cur contractis maximis copijs, armatus in Turcam processerit. Decebat namque Imperatorem, suorum salutem armis, aduersus infestissimum hostem tueri. Sic & iram, causam esse dicamus, cur alter alteri uulnus inflexerit. Et Naso, desidiam Aegistho causam fuisse dicit, cur factus sit adulter.

Quæritur Aegisthus quare sit factus adulter,

In promptu causa est, desidiosus erat.

Facta igitur omnia, animorumque uirtutes, & uitia, ijs, quorum ea sunt, adiuncta sunt maxime: quæ tamen in causas, & euenta commutantur, cum ab animorum

morum uirtutibus , uitij's'ue , ut causis , quæ euen-
 rint bona,mala'ue,facta indicamus. Porro in suaden-
 do,ubi de futuris adhuc,agendisq; rebus agitur , ea-
 dem hæc adiuncta in causas conuertuntur. Vt si
 quemquam , ad faciendum aliquid adhorteris ab
 ætate,opibus, amicorum numero,& potentia. Sunt
 autem huic, cui suades , adiuncta hæc omnia , ætas,
 opes , amicorum multitudo , & potentia. Verum,
 cum hinc argumenta ducis , & ad faciendum homi-
 nem impellis , eadem hæc , causarum nomen acci-
 piunt : atque id, quod fiet , quò diriguntur omnia,
 euentum appellabitur. Ostendimus breuiter,ex uno
 adiunctorum loco, reliquos omnes emanare. Quod
 autem loci , diuersa nomina sumant, inde est,
 quod hinc nati,alibi aliam faciem, uimq;
 ostendant. Hæc de locis illis , unde
 tam dialectici,quàm rhetores,
 reliquiq; omnis generis
 scriptores , omnia
 sumant neces-
 sum est.

GERARDI BV

KOLDIANI DE INVENTIONE
ET AMPLIFICATIONE
ORATORIA LIBER
SECYNDVS.

Quid genus demonstratiuum, & quæ huius cum
cæteris cognatio sit.

CAP. I.



EST AT igitur, ut ad tria illa rhetorices genera, unde digressi sumus reuertamur : atq; in singulis, quæ hinc inueniendi , amplificandiq; ratio sit ostendamus. Demonstratiuum itaq; genus id esse diximus, quo præterita præsentiaq; nunc laudamus, nunc uituperamus. Plurimum hoc genus commune habet cum suaſorio, adeo, ut alterum alteri sæpe coincidat. Siquidẽ ita ferẽ fit, ut quæ laudamus, hæc ipsa & suadeamus : & contra , quæ suademus, propemodum & laudemus. Itaq; oratio Ciceronis pro lege Manilia, quanquam magna ex parte nil nisi laudem Pompei contineat, suaſorij tamen generis est. Neque enim orator ad laudandum Pompeium, sed ad persuadendum Quiritibus uenit, eum recte Mithridatico gerendo bello Imperatorem præfici, qui tot tantisq; tum animi uirtutibus, tum sæpius spectata cognitaq; feliciter administrandi belli scientia, unus tantum eniteret, omnibusq; antecel-

g leret.

leret. Itaque laus hic in suasionem est uersa : contraq; hæc in illam potest. Quare de genere iudicaturus, quis rei scopus sit, quò argumenta orator dirigat, imprimis spectabit. Induit & naturam generis iudicialis. Sæpe nanque in clarissimorum hominum laudibus inuenias aliquid, quod nisi purges, multorum animos turbet alienetq;. Vt si Cæsaris nostri multas præclareq; res gestas oratione laudandas suscipias, excusandum forte erit Romam oppidanis nihil grauius timentibus captam direptamq; : non eius id iussu, qui tum longius absuit, sed aut Ducis, aut militis imperio abutentis, & ad prædam audioris culpa factum. Quemadmodum autem laus sæpenu-mero defensionem, ita illa uicissim laudem accersit; & ad suum quasi corpus melius uestiendum sumit. Quod ipsum cum alibi passim apud Ciceronem uideas, tum in oratione pro Archia poëta: quæ cum iudicialis sit generis, ut qua uatem apud iudices defendat, summis tamen laudibus humanitatis ibi studia uexit. Verum nulla propemodum oratio est tam certi generis, quæ ex alijs non aliquid assumat, sui-que corporis faciat.

Certa latidari seu uituperari oportere.

C A P. II.

II.

HOc item huius generis proprium, capita rerum quæ laudabuntur certa ferè esse oportere, alios qui non ad laudandum, sed aut ad suadendum, aut ad defendendum uenit orator. Incerta enim dubiaq; laudem

laudem mereri in animis hominum omnino nullam possunt. Quòd si forte dubijs incertisq; argumentis lucem adferat, iam aut suaforis, aut defensoris personam sumit. Quanquã nihil uetat, quod & diximus, inueniri nonnulla in laudibus posse, quæ interim recte probentur, interim defendantur, modò rerum pondera firmamentaq; certa esse constet. Quid? nulla igitur in hoc genus quæstio, nullusq; status incidit? Non equidem id omnino disputo. Nam quamquam ea natura laudis sit, ut uera esse uelit, fieri tamen posse minime nego, ea interim quæ pluribus probentur, pauciores, forte doctiores, in dubium uocare posse; & contra, quæ apud hos laudem mereantur, multitudini minus probari: atque ita uel omnes status, coniecturalem, definitiuũ, iuridicalem, in hoc genus incidere posse: cum & de certissimis quæri, nihil omnino uetet.

Res omnis generis, quæ cernantur tanganturue,
seu intellectu comprehendantur, laudari aut uituperari.

C A P. III.

Porro præterita, instantiaq; atque adeo omnia quæ nunc laudamus, nunc contra uituperamus, res sunt omnis generis, quæ aut cerni tangiq; ut homo, equus, urbs, flumen, aut animo intellectuq; cognosci atque percipi possint ut facta, dictaq; uirtutum item uitiorumq; tum artium uaria genera, ut prudentia, iustitia, fortitudo, temperantia, eloquentia, medicina, architectura, scientia rei militaris, aliaq;
g : id gen

id genus multa. Vitia autem quæ sint, hinc cognosci facile possunt: nempe iniustitia, luxuria, inuidia, & cætera. Ipsius item Dei laus, quanquã quid huic aut nostra laude accedat, aut uituperio adimatur, non uideo, tota huc pertinet. Rerum autem quæ cerni tan-
giq; possunt, primas partes homines tenent: qui cum cæteris animantibus brutis rebusq; mutis ratione & sermone, tum multis alijs animi naturæq; dotibus antecellant, laudem imprimis sibi uendicant. Laudamus igitur præcipue personas, urbes, portus, loca, & his similia: præclare item facta, dictaq;, quæ cum uirtutibus coniuncta atq; inde orta esse constat. Iam & iuxta uirtutes artesq;, aut in certis hominibus, aut seorsum suis ipsas laudibus exornamus.

Quis hoc in genere autores uersentur.

CAP.

IIII.

LAtissime autem genus hoc demonstratiuū patet: plurimiq; in hoc uel diuersi generis autores uersantur. Neq; enim ij modo, qui oratione perpetua rē quampiam laudandam sumpserunt, sed & heroici uates, historiciq; omnes. Quid enim aliud in Iliade Homerus agit, quàm ut Græcorū gloriā, ulciscendi uiolati ab Alexandro hospitij, raptæq; Helenæ causā ad Troiā uenientiū, decemq; hic annos pugnantīū, diuino carmine immortalē redderet. Neq; tamē ingeniosus uates ita suis lenocinatus est, ut quācunq; urgeret, Troianorū ut ignauorū imbelliūq; hominū fuga cædesq; sit facta. Utrobique fortitudinē ignauiamq; esse uoluit.

uoluit. Nihil in Hectore Troiano requiras, quod ad fortissimum & ad agendum promptissimum ducem attineat. Therpsitem contra Græcorū Principū unum non modò ignauissimum, sed & ipsa corporis forma capitisq; figura pene monstrum introduxit. Alexandrum autem ipsum effeminatiorem quàm fortiorem nobis depinxit. Achillis contra uirtutem quis Græcorum omnium æquauit? quem non fortissimum modò, sed ipsum belli fulmen, hostiumq; terrorem esse cecinit. Iam uero reliquarum maximeq; uariarum uirtutum uitiorumq; quæ non in alijs atq; alijs simulachra nobis exhibuit? Agamemnonem potentia quidem, ijsq; quæ à fortuna ueniunt bonis insignem, nempe omnium Principem constituit: sed ad plæraq; obeunda, eundem hunc, prudentem minus circumspectumq;: ut qui nec hominum Deorumq; iram tanti penderet, ut unicum mancipiū ipsam Briseida patri suo Apollinis sacerdoti repetenti reddendam putaret, numenq; reconciliaret. Non uniuersorum Græcorum, quos quanquam sui fratrisq; gratia arma sumpsisse, & ad Troiam uenisse intelligeret, peste tamen ab irato Apolline immissa emori passus est. Nō ipsius Achillis, cuius unius omnium cum summam militiæ felicitatem, fidemq; sanctissimam in eum diem expertus esset, non modo tamen cum temere à se abalienauit, sed propemodum hostem fecit. Non denique ab irato Apolline, cum in uniuersos Græcos, tum in suum ipsius caput grauiora pericula

tinuit. In Nestore autem sene quantam prudētiam, quantamq̃ eloquentiam uidemus? Quid de Vlysse dicam? qui armis multum, eloquentia plurimum ualuit: & ubi res non tam uim, quàm technas poscebat, ad struendum dolum uersutissimum & accommodatissimum ingenium habuit. In Aiace autem Telemonio bellicam quàm eloquentiæ laudem maiorem cognoscimus. Gradus etiam eloquentiæ in Principibus esse uoluit. Vlysi sublime illud dicendi genus tribuit: quem rerum & uerborum copia, supra quàm dici potest locupletem, nec tam orātem, quàm fulminantem introduxit. Nestori autem ipsi genus mediocre, cui quidem tum suauem, tum copiosam splendidamq̃ orationem tribuit: adeo, ut huius ab ore melle dulciorem orationem fluxisse memoriæ proderet. Menelao breue laconicumq̃ assignat genus: cuius oratio, quanquam breuis, nec exquisita rerum uerborumq̃ copia instructa flueret, dilucida tamen, & ad cuiusq̃ captum perquam accommodata. Iam uero in Odyssæa quantum nobis fortitudinis, continentiae, ueræq̃ ad omnes fortunæ casus patientiæ, & propemodum omnium animi uirtutum exemplum Vlyssæm proposuit? Hic dum à bello decem annos mari errat, adeo animum non abiecit, quin; ubi res posceret, suam, suorumq̃ salutem uel armis protegeret: & cum ad Cyclopi antrum deuenisset, claususq̃ ibi deuoratis sex socijs periculose teneretur, forti animo ingenioq̃ sibi suisq̃ excæcato Polyphemo

phemo salutem quæreret. Hic Calypsus Circesq;
blanditias elusit: effœminatisq;, & in bestias, quia in
uenerem procliues rationem ducem non sequeretur,
commutatis focijs, infractum animum solus tenuit:
solus ad inferos descendit: cognitisq; hic quæ uo-
luit, ad superos redijt. Has eandem autem uirtutes &
in huius coniuge Penelope quantas uidemus: ut nes-
cias, in hoc ne, an in illa magis admirari debeas. Nam
decem annos dum ad Troiam pugnabatur, non mo-
do castissimam uitam duxit, sed ueræ pudicitia, con-
iugalisq; amoris de se exemplum uniuerfis præbuit.
Deinde capta Troia, omnibusq; reuersis ad suos
unoquoq; Principibus, cum suum diutius emanere
cerneret, nec certò nuntiari ubi gentium aut mortem
obierit, aut impeditus moram traheret, non modò
multis expetentibus nemini nupsit, sed pudicum &
inuiolatum corpus ingenij artibus, cum uiribus non
posset, in uigefimum usque annum reseruatum suo
demum redeunti Vlysi læta restituit. Nam cum à
procis, nobilissimis potentissimisq; suæ gentis iuue-
nibus, undiq; ad se confluentibus, ad nubendum in-
dies magis ac magis sollicitaretur, remq; suam familia-
rem, quæ uel sola res magnum ad maturandas nu-
ptias momentum esset, dilapidarent, & parum consis-
lij, minusq; præsidij in suis domi, Laërte iam decre-
pito, & Telemacho tum adolescentulo, positum ani-
maduerteret, ut simul animi curas qua posset arte le-
uaret, simul honestam procis nuptias suas differendi,
in q;

inçꝫ plures dies protrahendi excusationem afferret, ne aut mortuo suo Vlyſſe contempſiſſe quenkam, aut tandem redeunte polluta à quoquam deprehenderetur, telam texendam ſuſcepit ad cōficiendum Laërti iam è ſenio ægre uitam trahenti *ταφθιον* : quo confecto, promittit & ſe demum deſituram de ſui cōiugis reditu ſperare, atque in nouum matrimonium conceſſuram. Verum dum ſola de ſui Vlyſſis reditu bene ſperat, quantum interdium cōfecit, nocte ruruſum abſcidit : unde intelligi poterat, ad ſolas animi curas utcunqꝫ mitigandas, & honeſte potius proferendas, quàm maturandas nuptias hanc ſumpliſſe operam. Quid hic deum immortalem aut de ſcœmina admirabilius, aut ad coniugalem fidem ſanctius, aut deniqꝫ ad ſummam animi uirtutum laudem non dico dici, ſed omnino excogitari à uate potuit ? Sed quæ interrim Clytemneſtræ in ſuum abſentem coniugem fides extitit ? hæc contra, pugnante ad Troiam Agamemnone ſuo marito nō modo turpiſſime cum Aegiſtho rem habuit, ſed inſuper adultera cum adultero de uita coniugis cogitauit : Troiaqꝫ redeuntem ſcœdiſſime trucidauit. At quorſum hæc tendunt ? quò ſpectat oratio ? eò certe, ut pateſcat, utrunqꝫ hoc Homeri poëma in demonſtratiuo conſtitutum genere : nihilqꝫ hic niſi aliorum uituperia, aliorum laudes contineri : & quaſi quoddam ſpeculum rerum humanarū eſſe. Quod de Homeri poëmatis diximus, idem de Vergilij noſtri Aeneide poteſt : ubi cum multis magniſqꝫ

Fortunæ

Fortunæ corporisq̃, tum maximis animi laudibus, quæ solæ propemodum uerèq̃ existimandæ sunt, Aeneâ suum uexit. Quæ enim uir ille capto Illo complures annos mari patienter tulit, & deinde terra strenue fortiterq̃ gessit, summis prosequutus est laudibus. Quo autem ordine uterq̃ uates id fecerit, suo dicetur loco. Iam & historiographos in hoc uersari genere cui dubium esse potest: qui si hoc nomine appellari uolent, res gestas, non secus ac gestæ sunt, nihil falsi addendo, aut ueri reticendo, seruato temporis ordine narrabunt. Quod dum faciunt, quando recte facta cum honestate, & quæ cōtra cum uitijis sint coniuncta, fieri non potest, quin inter exponendum, eos quorum 'probe facta sunt laudent, quorum contra male, turpiterq̃, hos uel inuiti historiæ lege cogente uituperent. An non Titus Liuius Patauinus, ut de nostris, qui in omniū manibus uersantur dicam, egregius est buccinator uirtutum uitiorumq̃ Romani populi: ut qui lactea eloquentiæ copia, perpetuaq̃ oratione, res gestas ab Vrbe condita ad sua usq̃ tempora, summumq̃ imperium perduxit. Quibus artibus, consilijisq̃, populus ille modicus tenuisq̃ primum uiam strauerit ad summā democratiam. Deinde cum imperio unā & uitijis in animis hominū 'crescentibus, eadem ipsa arma, quibus terrarū orbem domuerat, in sua ipsorum uiscera cōuerterit: & quemadmodum multis magnisq̃ animi uirtutibus parsimonia, iustitia, innocentia, atq̃ imperandi æquitate incrementum

hump

sumpserat imperium, ita contra uitrijs, luxu, rapinis, priuata iniustaq; dominandi cupiditate conciderit. Quid? non Sallustius adeo corruptos sui temporis mores perstringit, ut non defuisse, uel senatorij ordinis homines dicat, qui cum Catilina de euertendo Reipub. statu coniurarint? Non defuisse, qui acceptis largitionibus sceleratissimum Iugurtham defendendum putarint? Quod de nostris, idem de Græcis censendum. Huc & Plinij nostri Secundi Veronensis historia naturalis pertinet: ubi, quanquam non personas aut facta, ut poëtæ historiciq; aut laudet, aut uituperet, sed rerum naturalium cognitionem tradat potius quàm iaudet, tamen, cum citra argumentandi probandiq; necessitatem quæ rerum coelestium terrestriumq; natura sit non sine summa delectatione doceat, huius generis eius scriptum esse negari non potest. Delectare enim sine contentione argumentisq; cum docere uniuscuiusque sit, epidicticæ orationis proprium est. Quanquam & hunc, plerisque rebus suam amplificando adiecisse laudem, testimonio est ipsum opus. Est ubi res narrantur cum maiori delectatione, quàm amplificatione: quod ipsum Ouidius in metamorphosi rerum uariarum transformationem canendo fecit. Quinetiam huius generis sunt Satyrici, Comiciq; quorum illi, hominum uitia uel nominatim insectantur: hi sumpto figmento uerisimili, rerum uerborumq; elegancia hoc consequuntur, ut sui uoluptate nunc lectorem, nunc audit

auditorum spectatoremq; retineant. Adde præcepta dantium diuersa autorum genera : rerum rusticarum; ut Maronis Georgica : Columellæ Catonisq; scripta : rhetorices, ut Fabij Institutiones : compluraq; Ciceronis: medicorū item, & physicorum multa: denique artium rerumq; præcepta omnia: quæ ingredi molestum, persequi prope infinitum foret. Nec me præterit, uideri pluraq; horum suaserij potius generis, qui cum hoc multum commune habere diximus faciem ostentare: quod præcepta, cum ieiuna ferè sint omnia, paruā copiam delectationemq; adferant, & sola rerum utilitate legantur. Verum cum ea quæ traduntur certa ferè sint omnia, citraq; omnem probationum argumentorumq; pugnam perpetuo orationis ductu exponantur, etiamsi nuda ieiunaq; sit oratio, nec tam delectet quàm doceat, tamen demonstratiui potius quàm suaserij generis uideri oportebit. Neque enim Crispus Sallustius eo minus historicus est quàm T. Liuius, aut in alio atque ille rhetorices genere uersatur, quòd hic nude breuiterq;, ille copiose splendideq; res gestas perscribat.

Quæ laudari oporteat uituperari ue, ex uno adiunctorum loco sumi.

CAP. V.

Diximus quæ demonstratiui generis cognatio cum reliquis esset: certa item esse oportere, quæ laudari aut contra uituperari deberent: tum res omnes

h : omnis

mnis generis quæ cerni tangiç, aut animo intelles
 ctuç percipi possint, huc pertinere: postremo qui po
 tissimum hoc in genere autores uersentur. Nunc igitur,
 cur maxime hanc suscepimus operam, quæ illis
 ex locis, quos supra exposuimus, hic inueniendi am
 plificandiç ratio sit, subinde prosequamur. Vnus
 igitur adiunctorum locus ea omnia nobis quasi digi
 to monstrat, quæ laudari uituperariue oporteat.
 Admonet enim hic, ea omnia, quæ rebus laudandis
 uituperandisue adiuncta sunt, quandamç ad has
 cognationem habent, aut laudibus uehenda, aut ins
 sectanda esse: ubi & temporis gradus recte seruari
 poterit. Antecedunt autem hominem, quando pers
 onas imprimis laudari diximus, patria, genus, pa
 rentes, consanguinei, cognatiç, unde laus uitupes
 riumue trahi potest. Deinde quæ fortunæ, copiarç
 sint dicendum erit: atque hæc quidem externa sunt
 omnia. In tribus enim generibus laudes & uitupes
 ria uersantur: externis, corporis, & animi: quor
 um omnium unus hic adiunctorum nos admonet
 locus. Corporis igitur bona malaue sunt statura, fis
 guraç corporis, ipsaç ualetudo & robur, impris
 mis autem forma, quæ certissimus ferè animi ins
 dex esse solet. Animi autem laus, ea est, quæ potiss
 simum suo iure prædicari debeat. Atque hic duplex
 se disponendi ratio offert. Aut enim temporum ser
 uato ordine dicendum quæ iam nati, atque in lus
 cem editi educatio, indolesç fuerit: quibus morum
 artiumç

artiumq; magistris sit usus: quantum quo in disci-
plinæ genere profecerit: deinde cum iam adoleuerit
ætas, quæ tam domesticis priuatisq;, quàm publicis
in rebus prudenter, iuste, fortiter, temperanterq; fece-
rit, dixerit, tulerit'ue. Aut quod Cicero in Pompeia-
na fecit, uaria multaq; facta, ad sua uirtutum genera
sunt referenda. Atque hic, cum omnis uirtus posita
sit, aut in cognitione scientiaq;, ut prudentia, callidis-
tas, eloquentia, iurisprudencia, ars militaris, & reli-
quæ multæ & uariæ labore usuq; paratæ, aut in actio-
ne, ut iustitia, fortitudo, temperantia, commode pri-
mum laude prosequimur, quæ prudenter, callide,
docte q;, tum quæ iuste, fortiter, temperanter q;, tam
suis in priuatis domi, quàm foris publicis in rebus fe-
cerit, dixerit, perpeffus'ue sit. Quāquam ne hic quis-
dem, certus ut uirtutum, cum nullus temporum or-
do seruetur, est necessum, quo minus ipsarum rerum
naturæ causæq; seruiatur. Quapropter laudaturus,
diligenter apud animum expendet, quid causâ po-
stulet: temporis'ue potius ordo in exornandis factis
seruetur, an ad sua quæq; uirtutum genera exigatur.

Quæ ab adiunctis inuenta, cæteris ex locis amplifi-
candi ratio sit: & primum in hominis enco-
mio patriæ laus per locos ducitur.

C A P. VI.

QUæ laudari oporteat ex uno adiunctorum loco
petenda esse ostendimus: qui si certis, quas or-
nandas suscipis personis admoueatur, cum singulis
h ; sua

sua quædam fortunæ, corporis, animiçq; propria bona sint, quid in laudem adduci debeat, semper ad manus erit. Nunc igitur subinde, quibus ex locis hæc ipsa amplificari augeriçq; debeant, erit dicendū. Neç enim solum ex uno atque altero, sed ex omnibus illis quos supra commemorauimus locis, extendi hæc possunt. Nam cum in singulis his tribus rhetorices generibus tota uersetur rhetorica, omnium quoq; locorum in singulis usum esse negari non potest. Præcipuus autem horum usus est, definitionis, quæ hic, cum res non ieiune breuiterçq; ad faciendam fidem explicetur, sed pluribus ad delectandum augeatur exorneturçq;, descriptionis nomen accipit: similitudinis item, dissimilitudinis, contrariorum, adiunctorum, testimoniorum, causarum, euentorum, comparatorum: antecedentia & consequentia per omnes sparsa locos supra ostendimus. Verum & aliorum interim creber usus est. Rarior tamen hic locorum à genere & specie usurpatio est: unde cum res petita, non tam ad amplificationem, quàm fidem ualeat, crebrior in reliquis generibus erit. Cum igitur patriam hominis laudandam esse adiunctorum nos locus admoneat, huc & reliquos admoueamus, ut quid ad copiam ex unoquoq; sumi possit, intelligamus. Descriptio ergo quæ materiam ex adiunctorum mutatur loco, ut est ordine prima, ita huc commode primum admota, rem ipsam extendet plurimum, dum describitur, qua in natione, quo in loco, fertili an sterili

ri- ,maritimo an campestri sita ciuitas sit : quæ & pu
blicæ munitiones : quæ ædium frequentia , magnifi
centiaq; : quod genus descriptiones apud poëtashis
storicosq; leguntur plurimæ : adeo , ut illi augendi
delectandiq; studio uel ficta loca describenda interim
fufcipiant. Ab etymologia nominis item copia peti
potest,fi uis huius fit,aut insignis cognitaq;,aut eiuf
modi,quæ dilucide fciteq; à laudante in rem præfens
tem erui poffit : ut fi quis inter laudandum Bononiæ
uocabulo, elifa m litera , bona omnia indicari dicat.
Voluiffe id indito hoc nomine urbis aut primum
conditores,aut auctores fignificare , cum hinc fuma
ma agrorum longe lateq;, hinc beatiffima furgentis
Apennini fertilitate , tum amnium partim agros for
ris irrigantium , partim intrò multiplicem ad ufum
labentium copia maxime infignem locum uiderent.
Commode huc adiunctorum locus adhiberi poffet,
qui rebus , de quibus agitur adiunctus eft maxime,
omnesq; harum circumftantias,quas *περίστασις* illi uo
cant uel folus fuppeditat : quæ deinde , per reliquos
ductæ locos,incrementum fumunt maximum. *Ver*
rum,cum & ea quæ descriptio ob oculos pofuit,hinc
fint petita,nihil uetat & hæc primum, antequam plu
ra inde ducantur, reliquis ex locis dilatare. Augebis
igitur à fimili,fi tuum hunc,cum maxime notæ urbis
infinisq; fertilitatis agro conferas , ostendasq; , in
producendis frugibus, uino , oleo, rebusq; cæteris,
fimilem per omnia in utroq; dexteritatem. A' difis
mili

mili, hanc tui hominis urbem patriamq; duplici circumunitam fossa, tum lata, tum profunda, aggregatq; intermedio altius educto, moenibus autem, propugnaculisq; cum altissimis, summaq; industria ad arcendam vim factis, tum interiori aggregare ad summum usque addensatis firmatisq; illam uero, una modo obmunitam fossa, moenibusq; utcunq; quidam firmis, sed nullo siue loci uitio, siue oppidanorum negligentia, aggregare suffultis corroboratisq;. A contrarijs: huius urbis regiones omnes latissimis discretas uicis, illius arctissimis, huius mundissimis, illius immundissimis, hic ædes magnificentissimas, ibi casas humillimas, hic plerasq; omnes lapide euectas, ibi argilla lignoq; compactas cerni. Possunt quidem hæc, & à causis extendi; sed ad adiunctorum locum reuertamur.

Diuisio studiorum factorumq; patriæ in sua uirtutum genera.

CAP. VII.

VT autem ea, quæ oculis exposita cerni tangiq; possunt amplificanda sint ostendimus: nunc subinde & ea, quæ intellectu comprehenduntur, ipsa uidelicet patriæ studia factaq; in sua uirtutum genera distribuamus: & singula deinde per locos ducamus. Primum igitur ipsa prudentiæ facta honore uerborum extollenda erunt: quod forte humanitatis studiorum scholas instituerint, conseruentq; undecunq; doctissimos accersendo professores, hosq; liberaliter alendo: quod æquissimas leges ad suæ ciuitatis

uitatis consuetudinem rationemq; ciuibus præscripserint, suamq; Rempub. optime constituerint, atq; in futurum firmarint: quod item frumento, sale, cæterisq; rebus omnibus, quarū sæpe penuria premere ciuitates soleat, tot tantaq; copia comparatis sepositisq; ita sibi in futurū prospexerint, ut nec bello oblidionem, nec pace annonam grauiorē fore propemodum timeant. Atq; hæc inter narrandum, à loco, & tempore, tum testimonio uicinarum gentium, alijsq; huius loci circumstantijs augenda erunt omnia. Deinde ad iustitiæ studia factaq; ueniendum: quæ suum cuiq; tribuit, & erga deos religio, erga parētes pietas, creditis in rebus fides, in moderatione puniendi, imperandiq; æquitas uocatur. Neq; enim minimū laudis meretur, religionem uulgo sancte conseruari: suumq; parentibus honorem haberi: dariq; per magistratus operam, ut creditis in rebus fides seruetur, & imposturæ ita puniantur, ut nec remissior pœna peccandi licentiam præbeat, nec uehementior iudicis sæuitiam arguat. Tum subinde dicendum quæ fortiter gesta, aut intra mœnia animaduersis certorum hominum flagitijs, Rempub. eaq; quæ recta sunt defendendo, aut foris fuis sæpius pugna hostibus imperij fines proferendo. Atq; hic, non modò eorum qui in magistratu fuerunt, sed & priuatorum fortiter facta patriam ipsam honestant: ut Horatiorum, Lucretiæ, Horatij Coclitis, Mutij Scæuolæ. Postremo spectemus, quæ sint studia factaq; temperantiæ: quæ cum

posita sit in ijs quæ absunt non inhoneste expectēdis, atq; ijs quæ in nostra potestate sunt recte honesteq; utendis, maximi ad laudem momenti est, consuetudine patria, publicis priuatisq; in negotijs temperanter continēterq; uixisse; aliena non appetuisse; suisq;, non ad luxum turpemq; uoluptatem usum fuisse. Hæc ab adiunctis, unde & plura quidem possent, sumuntur omnia: quæ propterea sua in uirtutum genera, non numero, sed rerum pondere distribuenda putato, quod in urbium encomio, quarum sæpe quod diutissime steterunt, longa annorum serie innumera ferè præclare extant facta, temporis ordinem sequi, præsertim non in harum, sed personæ laudibus, tum infinita, tum perplexa dubiaq; oratio esset. Harum autem uirtutum omnium exempla, prisca illa nobis Romana respub. uel sola suppeditet. Qua in urbe humanitatis studia magis uiguerunt: ijsq; cum premia, tum maiores honores habiti: ubi principes Reipub. uiri, maximiq; Imperatores, aut ipsi Græcorum academias longis itineribus discendi studio petierūt, aut illos ad se Romā rerum uerborumq; magistros pertraxerunt: ubi sæpe literatis quidem, doctisq;, sed ipsam tamē nouis hominibus summi magistratus mandati: maximum imperium concreditum. Neq; enim magis maiorum imaginibus, quàm eruditioni uirtutiq; aditum patere ad Reipub. gubernacula prudentissimi hominēs uoluerunt. Prudenter autem rerum à Romanis gestarum, quæ innumeræ sunt, egregius

unde

unde exēpla sumas buccinator est T. Liuius. Quod genus est, ciuium multitudinem pro cuiusq; facultatibus in classes distributam, ut numero, copiisq; cognitis, pro re familiari Reipub. quisq; penderet; tenuioribus, quos proletarios uocarunt, sola liberos educandi cura esset. Descriptas item Græcorum leges ad huius urbis rationem mutatas, atq; ciuium oculis expositas, ut non extra mœnia ius quærent, sed domi ob oculos positum discerēt. Sed quid multa de hac, quæ nisi summa & propemodum diuina in ijs fuisset, quæ deum immortalem in orbem terrarū imperiū adepti fuissent? Quantum autem ueteribus Romanis iustitiæ studium, in deos, hominesq; fuerit, alterum sacerdotum collegia, cærimoniæq; à Numa rege institutæ, sanctæq; per multa secula conseruatæ declarant; alterum, cum alia multa, tum Saguntinorum in ultimis terris hominum, in fide persistentiū labor ærumnæq; maxime æquum in se moderatūq; Romanorū imperium fuisse testantur. Fortitudinis autem pro innumeris, Brutum, Manlium, Fabiumq; in exemplum adducamus: illi in magistratu cædis filiorum suorum autores spectatoresq; esse maluerunt, quàm Rempub. ab ijs uel leuiter læsam uideri: hic cum cunctando, pugnaq; abstinēdo, non Romæ modò apud omnes, sed & à toto suo ipsius exercitu odiū sibi conflasset maximū, maluit fortiter ferēdo sui nominis estimationē, quàm Rempub. in discrimen adduci. Iam uero temperantiā, continētiāmque, quæ gens pluris fe-

cit: quæ luxū turpitudinēq; magis odit: ubi agricul-
tura parsimoniaq; maximā laudem meruit: & non-
nunq; Consul, Princepsq; Reip. in agro appellatus, à
labore ad curiā sit deductus: ubi puberes filij cū parē-
tibus, generi cū soceris, in balneū descendere, quia res
lasciua & inuerecunda putabatur, patrio more prohi-
bebatur. Sed hæc ipsa ab adiūctis ducta psequamur.

Primum prudentiæ factum per locos ducitur.

C A P.

V I I I.

CVm igitur plurimū referat, in reliquā totam uitā
crecte degendā, quibus à teneris imbuamur, com-
mode primū iuuentutis studia si bona intelligimus,
laudamus augēdo ab ijs, quæ huc spectant circūstan-
tijs: quarum omniū idem hic nos locus admonet, ab
autoritate, doctrina, numeroq; professorum: ab auto-
ribus, ipsisq; quæ docentur rebus: ab auditorū item,
si lubet numero, alijsq; id genus circūstantijs. Atq;
hic eorum prudentiam, quibus autoribus scholæ pri-
mum institutæ sint, siue Princeps senatus ue fuerit,
imprimis prædicabimus: quæ ut eluceat, cernaturq;
quasi ob oculos posita, à causis, euentis, cōparatisq;
explicāda res erit maxime. A causis: uidisse prudentis-
simos homines, ea esse literarum studia, quibus, cum
Rerūpub. status, tum ipsa religio cōseruaretur: impri-
misq; Reipub. interesse, iuuentutē in ijs, quā rectissi-
me uersari: ut hinc lecti in senatores, iudicesq;, illi ro-
gati in Senatu sententiam prudenti oratione, instrus-
taq; exēplis, quæ historia suppeditat, suæ Reip. que
declin

declinanda sequenda'ue sint edoceant : hi legum boni & æqui scientia , suum cuique adiudicent : scelera flagitiaque animaduertenda putent. Reliqui autem, quibus publica non demandantur munera , cognitione rerum humanarum, atque adeo uirtutum uitiorumque, suis in rebus priuatis honeste , iusteque uiuant: liberorum uitam ita instituant, ut eos in uiros abeant, qui si fieri potest, non modo sibi, suisque, sed & Patriæ olim, multisque utiles ciues inseruiant. In communi autem positam religionem , cuius conseruandæ uniuscuiusque interest maxime , puram synceramque uulgo per probos doctosque concionatores retineant : quæ recte culta , cum tantum in animis hominum ualeat, ut uel sine legibus honeste iusteque uiuatur , leges autem sine hac, paucos in officio retineant, quod illæ, delata modo conuictaque crimina puniant , peccandi autem sæpe & in occulto mutoque loco occasio detur, sancte seruandam hanc esse, dubitari non debet. Hæc porro illos pro sua prudentia uidisse neglectis literis labefactari omnia, conuulsaque secum ruïnam trahere: quod ne committeretur , publiceque & priuatim bene uiueretur, institutis scholis rebus humanis optime consultum prospectumque uoluisse. Ab euentis: Plerosque igitur omnes senatores, quod literas historiasque teneant, consilio prudentiaque Rempub. administrare: cauere, ne quid detrimenti capiat. Iudices autem scientia legum, dare operam, ne cuiquam sua , aut ui , aut iuris prætextu inique eripiantur. Quæ omnia , si additis

personis, factisq; demonstrantur, narrenturq; mire
 augebitur oratio. Multitudinem autem ipsam, quod
 literarum beneficio magna ex parte humanior sit fa-
 cta, moderatum æquumq; imperium ferre didicisse;
 tumultus odisse. Vniuersos autem, in id incumbere
 potissimum, ut per bonos doctosq; viros, religio ser-
 uetur: imprimisq;, quod iudicare melius possint ca-
 uere, ne quis pro suo arbitrio affectuq; aliud, quàm
 pium sit, concionando diuulget. Iam & uicinas gen-
 tes hoc ex studio fructum cepisse maximum. Fateri
 enim, quos huc erudiendos misissent liberos, doctis-
 simos accommodatissimosq; Rerumpub. rectores
 rediisse. Quare studium hoc, urbisq; nomen, apud
 exteras gentes magnum sanctumq; haberi. Atq; hic
 nationes urbesq; has enumerando incrementum su-
 met oratio. Restat comparatorū locus, ubi maiora
 minoribus, aut hæc illis, similia similibus, dissimilia
 dissimilibus, contraria contrarijs conferri possunt.
 Hoc itaque ex loco, qui late patet, & plura membra
 locosue habet, mire orationis corpus dilatari potest.
 Primum: si nostrę urbis studia, & inde Reipub. pro-
 fecta commoda, cum aliarum gentium urbiumq; stu-
 dijs conferendo, ostendamus nostra superiora omnia,
 siue numero professorum discipulorumq;, siue spe-
 ctata horum eruditione editisq; in lucem ingenio-
 rum monumentis, siue deniq; felici beataq; adminis-
 tratione Reipub. à doctis uiris, religione, legibus, cæ-
 terisq; ciuilibus rebus optime constitutæ conserua-
 taq;

tæq̃. Deinde à simili laus copiaq̃ parabitur : si cum
 celeberrimis omnium academijis, quæ aut sunt , aut
 fuerunt, nempe Græcorum nostram conferamus, do
 ceamusq̃ paria nostra, aut omnia, aut plæraq̃. Neq̃
 enim semper Platones Aristotelesq̃ extitisse : qui
 uulgi philosophorum, ita multis pascibus præcur
 rerunt, ut qui acutissimi uisus essent , quò tenderent
 ipsa quidem oculorum acie uix assequerentur. Tum
 à dissimili : illos magno docuisse : quare non tenuio
 ribus, sed solis diuitibus aditum ad musarum antra
 patuisse : hic multa magnaq̃ constituta professori
 bus stipendia ex ærario publico liberaliter quotânis
 numerari, tenuioribus iuxta ac ditioribus musarum
 patere fores : illos suis conclauius inclusos, solis sibi
 studuisse, parumq̃ aut nihil Reipub. unde abhorre
 bant aut opera, aut consilio utiles extitisse : nostros &
 ad communem utilitatem sua accommodare studia,
 eò comprimis pertinere arbitantes, ut inde Reipub.
 fructus redeat quàm maximus. Postremo à cōtrarijs :
 illos, dum alij omnia peccata paria uideri contende
 runt, perinde esse gallum gallinaceum, aut hominem
 interfici, alij deos nullos esse, alij esse quidem, sed infe
 riora curare minime, plures mundos uideri, quæ item
 natura tribuisset, naturaliterq̃ fierent, in ijs pudorem
 nullum esse oportere , quare in publico cacare , nu
 dumq̃ incedere honeste fieri , alij honestum uirtu
 temq̃ ipsam summum bonum , alij ipsam uoluptas
 tem credi uoluerunt : hæc aliaq̃ id genus paradoxa
 subinde

subinde noua, atque à communi sensu aliena diuulgando Rempub. conuulsiſſe. Nostros uero, ijs quæ natura præſcribat, communisq; ſenſus probet, ſuas literas accommodantes Rempub. religione legibusq; cõſtituiſſe. Illos metum deorum in animis hominum minuiſſe; nostros auxiſſe. Illos à Repub. maxime fuſiſſe; nostros adminiſtrandam ſuſcepſiſſe. Illos cõmunem ſenſum damnaſſe; nostros probaſſe.

Secundum prudentiæ factum ex locis amplificatur.

C A P.

I X.

Iſdem ex locis, & præſcriptas ciuibus leges ad ſuæ Urbis morem proprias, quod ſecundum prudentiæ factum fecimus, dilatemus. A cauſis: Magnam ſemper incommodorum uim huic ciuitati attuliſſe, orta controuerſia, ciues foris domo procul de iure quærere: iudices patronosq; conciliare: atque illorum fidei litem cauſamq; committere, quibus compoſita damno, tracta autem diutius emolumento eſſet maximo. Quæ ne mala ciues grauarent amplius, ipſorum ad conſuetudinem moresq; leges eſſe deſcriptas: ſemperq; omnibus legendi copiam fieri: ut iuris controuerſia omnino aut nulla exiſtat, aut ſi qua interim oriatur, domi, non foris interpretem quærant. Ab euentis: Incrediblem ex eo facto in animis multitudinis ſuum erga magiſtratum amorem eſſe generatum: Omnes uulgo ferre, fateriq; eam ordinationem in rem multorum eſſe maxime. Neq; enim eos ſubinde, quibus domi res amplior eſt tenuiores ciues

ciues longius domo in ius uocare, forisq; malam causam per subornatos homines tueri, trahendoq; ubi illos res defecit obtinere, quam domi iam aperire pudeat. Vereri enim uniuersorum in se odia, si scriptis, omnibusq; cognitis legibus domi in conspectu iudicum ciuiumq; id defendendum suscipiant, quod parum æquū patroni clamitent, magistratus intelligat, uniuersi ciues improbent. Comparatione autem rem uarie augeas, si hoc senatus principis'ue factū in conscribendis legibus, cum alijs præclare prudenterq; factis conferas: forte auctione ditionis, oppidicq; alicuius adiectione: ostendasq; hinc plus commodorum quotidie pluribus ciuibus, tum laudis ab ijs suo magistratui redire, quàm ex ista finium propagatione. Vætigal namq; quod inde quotannis obueniat, totum propemodum in ipsius oppidi munitiones defensionemq; expendi: hac autem legū præscriptione indies aliorū atq; aliorū ciuiū, in eum usq; diem rem omnē in aduocatos expendentium fortunis bene consultum. Verum animaduertendū maiora minoraq; hic in laude, ubi non ad fidem diriguntur, dissimiliū quidem naturā induere, sed hoc interesse, dissimilia etiā ea habenda, in quibus gradus excessusq; non deprehendatur: ut si dicam alterū optimis legibus Remp. cōstituisse, alterū cum exercitu foris rem felicissime administrasse. Hic in alterutro gradus excessusq; nondum apparet: quem si uerbis inesse declaro, maius hic minusq; credi oportet. A simili item copiā petas, si cum urbe

aliqua celeberrima, & codē pacto quod ad leges attineat, summa cum laude proxime firmatā nostrā hanc conferas; ostendasq; parem utrobiq; in diligēter conscribendis legibus magistratus Principis'ue prudentiam extitisse. Quin & à dissimili, si ijs cū oppidis conferas, ubi quod propriū ius scriptū nondum habeāt, foris ciues de iure quærere disceptareq; non sine magna rei familiaris iactura coguntur. Nostros, si qua de iure cōtrouersia nascatur, aut per se introspecto expolitoq; suo iure litem statim cōponere; aut domi suos apud iudices populūq; sententiæ auditorē, testemq;, tum modicis & ferè nullis expensis, tum minime longo tempore litigare: illos à suis, quibus causa cognita est, ad exteros proficisci: ijs sæpe multumq; dare: causamq; interuallo temporis iterū atq; iterū, quod interrim excidat non uacuis manibus aperire: hic procul domo, dum alter patriæ morē cōsuetudinēq;, cum scriptā nequeat, multorū adductorū hominū testimonio cōfirmat, alter contra impugnat, totam sæpe ætatem & rem familiarē perdere. Dissimilia hæc sunt alteros suæ ciuitatis ius scriptū habere propriū: domiq; cum breue tempus, tum paruo disceptare: alteros foris omnia tēporis rei q; familiaris iactura facere, A' contrarijs autem hunc in modū: hos præscriptū certumq; ius domi ob oculos positū habere, illos nullū: hos apud suos maxime notos disceptare, illos apud exteros maxime incognitos litigare: hos copiarū suarum iacturā nullā facere, illos fortunas omnes in patrimonios

tro nos & aduocatos profundere: hos confectam causam statim cernere, illos temporis progressu perplexiora omnia intelligere: his subitam pacem dari, illis immortale bellum feri.

Tertium & postremum prudentiæ factum. CAP. X.

Postremum prudentiæ factum fuit frumeto, sale, ceterisq; id genus rebus ad belli levandæq; annonæ usum necessarijs cōuectis, longius Reip. in futurum esse p̄spectum. Quod ipsum per eisdem locos ad eundem modum quo superiora, augeri extēdīq; potest. Hæc de patriâ, quæ quantq; extra p̄sonas sit, ex huius tamē laudibus, is quæ laudandū suscipimus ornari pōt plurimum. Iustitiæ autē, fortitudinis, & tēperatiōis facta, quæ ex locis augēdi ratio sit, quia hīc satis liquet, nō p̄sequimur.

Genus hominis ut ex locis sit extendendū. CAP. XI.

Iam & in externis bonis genus esse diximus: quod si clarū à maioribus accepit, ut Aeneas ab Ioue primo sui generis autore, unde illū Ilioneus Orator, qd̄ apud uatem est Regi latino cōmēdat maxime, primū copiā petas ab adiunctis, recēscendo quā longo tempore, quorū splendore factisq; & quibus in locis illustre extiterit. Atq; hīc spatiosus sese ad dicendū cāpus aperit. Deinde à cōparationis loco, cōferendo cum illustriſsimorū hominū genere, ostendendoq; aut nobilitate par, aut illustrius clariūq; credi oportere. Reliquis ex locis hæc res minus cōmode dilatetur. Neq; enim ex omnibus ad omnē rem, copiā petas. Quod si uero aut tēporis tractu fortunæq; casibus obscuratū

in lucem reuocauit, aut humile sua solius uirtute factisq; nobilitauit, quemadmodū nemo laudandū negat, ita cum nō extra eum, quē laudamus, sed ex ipso profecta laus sit, non hic, sed suo loco dicēda amplificandaq; erit. Infame autem genus nemo est tam nullius iudiciij, qui prætermittendum dubitet.

Parentum laus per locos ducitur. CAP. XII.

SEquuntur parentes, cōsanguinei, cognatiq; quorū item laus licet extra filios nepotes'ue sit, laudati tamen & ipsi quasi lumen adferūt: maxime parētes, qui genuisse, educasse, uitamq; suorū à pueris ad optima quæq; instituisse putantur. Quare cum prædicandis filijs cōiunctissimi sint, atq; hinc ducta laus plurimū ponderis adferat, horum laudandorū quæ ipsidem ex locis superioribus ratio sit, subinde prosequamur: unde & sciri poterit, quid in cōsanguineis cognatisq; extollendis commode fieri poterit. Cum igitur de Patria & genere dixerimus, quæ parentibus cum filijs communia sunt, ea in parentibus bona, quæ ipsorum propria maximaq; sunt, nempe animi laudanda augendaq; uidentur. Atque hæc duplicia sunt, alia cognitionis, alia actionis: illorum genus prudentia, scientiaq; horum iustitia, fortitudo, temperantiaq; dicetur: illa posita in rerum humanarum diuinarumq; cognitione: hæc in actione & iuste, fortiter, temperanterq; factis. Vt in Iulio Cæsare præter iustitiæ, fortitudinis, temperantiæq; plurima facta, & scientiæ, utriusque uidelicet linguæ, artis oratoriæ, astron

astronomiæ, aliarumq; pulcherrimarum artium exactam cognitionem recte suis laudibus extollas. Quæ propter, si & in parentum encomio sua in uirtutum genera spargere quæq; placet, non secus ac supra uisum est ex locis singula amplificanda erunt. Verum temporum hic ordinem sequi forte commodius erit; nec leuiuscula, sed grauißima quæq; facta omnium iudicio probata laudibus ferre atque dilatare. Quod dum fit, & liberos suos ingenue educaße, liberaliterq; ad optima quæq; studia aluisse, negligi non debet: quod ipsum si & per plures locos ducas, plurimum extendetur oratio. Erunt autem singula facta primum ex adiunctorũ loco extendenda: quo tempore, quo in loco, qua ætate, multorum auxilio an paucorum, ab ipso solo an per subornatos homines gesta res sit. A loco & tempore Cicero Pompeium Quiritibus commendat maxime: illum in Pyratas, à quibus omnia maria, omnes nationes diu iam multumq; uexabantur, extrema hyeme bellum apparatusse: incunte uere, aditis præsidijsq; firmatis maritimis prouincijs suscepisse: media æstate totum confecisse. Deinde à testimonijs, quæ cur ab adiunctis non se iungamus, supra diximus, rem extendas, si hominis factum, à multis, aut paucis, doctis, aut rudibus, principibus ampliusq; hominibus, aut plebeis priuatisq; approbatum ostendas. Tum à causis, quo consilio fecerit, publicam gloriam utilitatemq;, an priuatam, suam ipsius, an amicorum spectarit. Hinc cum poëtæ

historiciq; , tum rhetores ipsi , non ad probandum modò , sed & delectandum augēdumq; sæpe copiam petunt. Cicero cum alibi falsim , tum pro Archia poëta à causis , non sine summa ipsius uatis studiorumq; humanitatis laude corpus orationis plurimū ampliavit. Quæ res inquit , à nobis Gracche , cur tan-
topere hoc homine delectemur ? quia suppeditat nobis , ubi & animus ex hoc forensi strepitu reficiatur : & aures conuitio defessæ conquiescant : & quæ sequuntur plurima. Excursus namq; longior est , qui à causarum sumptus loco , atque adeo ab adiunctis quæ in illas conuertuntur , corpus orationis mire uestit. Neque hic mirabitur quisquam excursum ex locis summi , cum dixerimus , certumq; sit omnia inde duci , atque adeo ipsas figuras , quod suo docebitur loco. Summa autem digressionis , quæ à causis ducitur hæc est. Propterea se uate delectari , quòd ex ijs quæ sup-
peditat , literisq; quas tenet , non modò se honeste oblectet , sed & suam orationem dicendiq; facultatem augeat : tum præceptis exemplisq; uirtutum , quæ à summis autoribus utriusq; linguæ literis sunt manda-
ta , iisdemq; conseruantur , animum suum iam inde ab adolescentia imbuerit , & ad laudem honestatemq; sequendam præ cæteris rebus omnibus , imprimis conformarit. Vnde factum , ut neglecta sua uita , pro Repub. maximas in dimicationes , & quotidianos profligatorum hominum impetus sese obiecerit. Qui tantus fructus , si non ex studijs rediret , solaq; inde delecta

delectatio caperetur, tamen cum præ cæteris rebus omnibus, quæ delectationem adferant, sola literaria omnium sit temporum, ætatum, atque locorum, hæc manifestissimam liberalissimamque hanc animaduersionem iudicari oportere. Iam uero ita instructum Archiam esse literis, ut uel ex tempore magnum numerum optimorum uersuum faciat: Cimbricasque res adolescentem scribendas suscepisse: charumque Mario Imperatori fuisse. Mithridaticum autem bellum, non sine summa Populi Rom. laude totum conscripisse. Atque hic errare uehementer, qui Latinas Græcis literis anteferant: quod hæc ubique gentium, illæ exiguis contentæ finibus legantur. Postremo, illum res & à se in consulatu suo pro urbis salute gestas, uersibus attigisse, atque inchoasse. Hæc sunt ferè totius excursus firmamenta causæque, cur uati bene uelit: iudicibusque quid facere debeant præscribat: quas ut grauissimæ uideantur, & ex comparatorum loco dum sumptis inde pugnat exemplis, copiosissime instruit. Tum subinde ab euentis factum hominis adaugeas, si quantam inde gloriam utilitatemque Respub. aut ipse, amiciue sint consequuti oratione persequaris: quantoque in honore deinde uixerit: aliaque id genus multa, quæ pro causarum personarumque uarietate alia atque alia erunt. Restat comparationis locus, ad amplificandum accommodatissimus: ubi nostri hominis, cum aliorum præclare factis conferendo, ostēdas nostra, aut maiora, aut similia esse ducenda

da. Quæ in parentibus laudandi amplificandiq; ratio est, quam paucis perstrinximus, eadem in consanguineis cognatisq; putanda.

Laus hominis à fortunis per locos ducitur.

CAP.

XIII.

DE fortunis quæ & externa bona sunt, subinde nobis est dicendum. Hæ autem quantæ sint, quot numero prædia, quo sita in loco, quo tempore siue dono data, siue suorum testamento legata, parentibus uel relicta acceperit, emerit uel, ex adiunctorum loco narrandum locupletandumq; erit. Deinde ex descriptionis loco, situm prædiorum, atque hortorum, ad flumina seu fontes, & factas hic ad uoluptatē structuras pluribus licet uerbis depingas: quemadmodum Homerus Alcinoi hortum: & maxime, si is, quē laudas Princeps sit, urbesq; in quas imperium habet describas. Quin & huius fortunas cum aliorum facultatibus conferendū, ex comparatorum loco mire locupletabitur oratio: ostendēdoq; aut genere, numero, fertilitateq;, maiores amplioresq; putandas, aut situ ad flumina, seu fontes, rebusq; manu factis, atq; ad uoluptatem structuris iucundiores amœnioresq;. Quod si uero eorum, quibuscum nostras cōserimus, omnium iudicio amplissimas esse copias constituerit, pares ostendisse contenti esse possumus. Spectādum etiam, atque cum materia deliberandum, ecqua & à dissimili contrarijsq; copia peti possit. A dissimili hoc pacto: nostro prædia esse agrosq; suburbanos, unde

unde certus ferè quotannis fructus redeat : illis non modò longius domo, sed & aliena in ditione sitos: ipsq; expositos fluminibus, quæ sæpius inundando fata omnia obruant atq; conuellant. A contrarijs: no stro flumina fontesq; irrigādo agros utilitatē adferre maximā, illis in fata erumpendo eademq; conuellendo incommodū adducere summū: huic aquarum cursum prodesse, illis eundē ipsum obesse: huic uoluptatem adferre, illis mœrorem tristitiāq; dare: huic uel exorto bello omnē ex agris fructū redire, illis nullū: huius prædia urbis horreum alimentumq; in hostes esse, illorum cōtra hostium in urbem: his Patriā defendi, illis oppugnari: Quod si uero Principem laudandum suscipias, potētiamq; eius, gentis suæ, urbiumq; genere & numero prædices, quo res maior illustris orq; fuerit, hoc magis his ex locis extendas.

Quæ corporis bona in homine ex locis amplificandi ratio sit.

C A P. XIIII.

HActenus de externis bonis eius, quæ laudamus: quæ quidem pro personarū uarietate, alia atque alia existūt: quæ persequi, cum infinitum, tum minus fructuosum foret. Quare ad fontes ipsos ducere consilium fuit: usumq; locorū in ijs, quæ omnibus communia sunt, laudemq; merentur monstrare: ut horū usu cognito, pro causæ cōditione, quantā quisq; uelit morā ubiq; facere in augēdo posset. Corporis autem bona esse diximus, staturā figuramq; corporis: ualitudinem roburq; ipsam deniq; formā. Hæc quantū
1 leuiora

leuiora sunt, suam tamen laudem merentur : certaꝫ interim animorū indícia esse solent: unde Homerus, cum in Therſite garrulitatem, animiꝫ uitium nobis depingi uellet, nescio quo modo non tam male facta, quàm corporis deformitatem uitiaꝫ explicando, uisioſiſſimum ipſum introduxerit. Idem ſtaturam grandiore, roburꝫ in Principibus magnopere prædicat: ut qui Agamēnoni ſtaturam magnam, cui maiestas ineſſet regia, tribuit: Vlyſſem, illo quidem minorem, ſed latiſſimis humeris & pectore deſcribit. Iam uero Aiaceſ illum, non ambobus modò his, ſed cæteris Achuiſ omnibus corporis ſtatura & robore antecellentem introduxit. Nec noſter hanc in ſuis laudē neglexit: qui cum & in cæteris, tum maxime in Aenea & Turno Principibus corporis bona laudat. Et Daretæ cum alta ſtatura, latiſſimisꝫ humeris, quod certum uirium argumentū eſſe ſolet, in ſingulare certamen produxiſſet, eius tamen antagoniſtā Entellum, uel ſenem, magnitudine corporis uiribusꝫ adeo ſuperiorem facit, ut illum, non ſecus ac qui fruſtra urbem, aut caſtellū oppugnet, hunc temere infeliciterꝫ aggreſſum dicat. Forma plus laudis meretur: præſertim in Principibus uiris, grauitas oris, maiestasꝫ in uultu: hæc imprimis pondus orationi, autoritatemꝫ tribuit: tantumꝫ in animis Gallorum hoſtium ualuſſe T. Liuius ſcriptum reliquit, ut cum urbe capta uidi prædæ in principū atria irruerent, cernerentꝫ hos cum ornatu habituꝫ paulo humano auguſtiorē,
re, tum

re, tum maxime oris grauitate atque maiestate dijs simillimos domi sedentes, ante horum ora, sicuti Deorum simulachra uelut uenerabundi constiterint: nihilq; in hos ferro grauius facturi fuerint, nisi M. Papius Principum unus prior iram mouisset. Atqui & hinc augendi modum, usumq; locorum explicemus. Staturam, robur corporis, orisq; decus quantū sit ubi ab adiūctis satis expresserimus, à causis & euētis deinde dilatemus. Fuisse huius maiores, homines cum insigni statura & robore, tum quadā modestia orisq; grauitate præditos: semperq; operam dedisse hunc, ut quæ à natura ad sui nominis dignitatem amplitudinēq; acceperit, certa uiuendi ratione aleret, prouheretq;: nulla ut Venus, Bacchusq; immoderatio, corporis uires uigoremq; auferret. Quare etiam ualetudine esse, ut nulla corporis imbecillitas obsit, quo minus in rebus cum grauitate agendis, suo, amicorum, & Reipub. tempori seruiat. Quinetiam comparatione rem extendas, si cum alijs amplissimis hominibus conferas: ostendasq; in hoc nostro, aut similitudinem, aut excessum esse, aut etiam dissimilitudinem: si aut proceritate, ipsoq; robore, & ualetudine, aut ipsius uultus grauitate maiestateq; multis partibus sit superior.

Quæ ratio animi bona ex locis amplificandi.

C A P.

XV.

REstant animi bona, quæ ut cuiusq; propria sunt, ita præ cæteris laudem mereri suo iure maxi-

1 : mam

mam solent, Hæc laudandi duplex uia est : aut enim
 ad sua uirtutum genera, ut supra uisum est, quæq;
 referentur: sua prudentiæ, iustitiæ, fortitudini, & tem-
 perantiæ tribuendo facta : aut quod non minus com-
 mode fiat, temporum seruabitur ordo. Itaque dicen-
 dum, quî pueritiam adolefcētiāq; transegerit : quæ
 sequutus studia : quantumq; in ijs & quàm breui sit
 assequutus. Atque hic, si forte insigne ingenij specis-
 men, indolisq; haud uulgaris bonitas eluxerit, plu-
 ribus erit uerbis extollendum : quo uidelicet tempo-
 re, quo in loco, apud quos, qua in re, alijsq; id ge-
 nus additis circumstantijs, quas adiunctorum locus
 suppeditat. Quod si forte operæpretium uideatur,
 & hæc ipsa per plures ducendo locos, plurimum ex-
 tendas. Aetate autem iam magis inualecente, si qua
 scripta honesti sui studij, uoluntatisq; testimonia in
 lucem edidit, primum qualia quantaque ipsa sint
 narrandum, quantusque inde ad plures fructus re-
 deat. Quæ item seu doctorum, seu multitudinis, seu
 uniuersorum de ijs testimonia iudiciæque existant.
 Quæ ubi ex adiunctorum testimoniorumque loco,
 quem eundem esse diximus prosequutus fueris, à
 causis subinde augebis : quod à multis, magniq;
 nominis hominibus, siue rogatus, siue ultro iuuan-
 di studio ad scribendum se contulerit. Ab euentis:
 non modò hominum de se expectationi respondisse
 se, sed & uicisse : nec in una atque altera, sed in
 pluribus nationibus ipsius scripta legi, laudariq;.

Atque

Atque hic & enarrandum, quorum expectatione maiora emiserit: quibúsque in prouincijs plurimum probentur. Iam uero & huius cum probatis magnorum autorum scriptis conferas: ostendasque potiora multo, melioraque hominum consecuta esse iudicia: aut maximis summorum autorum monumentis, paria esse atque iudicari. A dissimili etiã amplifices: si in ijs, quibuscum confers scriptis dissimilitudinem esse ostendas: ut si Hippocratis & Galeni medicorum opera, cum Pauli & Pomponij iureconsultorum scriptis conferas: illos rerum naturalium, hos ciuiliū scientiam tradidisse: illos de uita, hos de fortunis sollicitis bene consuluisse: illos præcepta dedisse ne morbus uincat, & æger moriatur, hos ne avarus triumphet, & suum alteri eripiat: denique illos cauisse ne ipsa præmature uita, hos ne sua cuique res iniuste auferatur. Hinc mire Cicero, non sine delectatione corpus orationis auxit, dissimilitudinem studiorum Murænæ & Sulpitij pluribus uerbis explicando. Hunc in modum singula quidem, tam domesticæ, quàm publicæ facta, quæ laudanda uidebuntur, seruato temporis ordine, enarranda amplificandaque erunt: qua ratione domi uiixerit, liberosque educarit: ad quæ studia miserit, liberaliterque aluerit: quos in uiros aut abierint, aut se euasuros certam de se spem patri patriqueque præbuerint. Quæ si persequaris omnia, ducasque per locos, incrementum res ipsa sumet maximum, Iam & quid commodi ipse, siue re operaque, siue

consilio Reipub. præstiterit. Quale est, si dum aliis quando, ut sæpe, maximis de rebus bene Reipub. cōsulendum fuit, inopsq; consilij multitudo ea facili momento sequenda putasset, quæ probata, Reipub. statum cversura penitus fuissent, hunc in concionem prodijisse dicas: & prudenti oratione, quæ ex his aut illis inceptis commoda, mala uē Reipub. impendeāt, edocuisse: eaq; suscipienda persuasisse, quæ cum singulis tranquillitatem, utilitatemq; tum uniuerfis nomen gloriamq; attulerunt. Atq; hæc aperienda, pluribusq; uerbis ex locis alijs atq; alijs explicāda erūt: quæ res ad ita consulendum animum potissimum impulerit: quæ si honesta, utilisq; fuit, euenta uotis respondisse pulchrum erit. Quanta autē gloria emolumenta q; inde Reipub. euenerint, quis item ad consultorem fructus honosq; ab uniuerfis uicissim redierit, copiose erit exponendum. Postremo comparationibus rem extendas: cum urbis conditoribus, aut munitoribus huius factum conferendo: & aut maius, aut simile, dissimileq; ostendendo. Illos urbem quidem condidisse, hunc conditam prudentia sua ab exitio conseruasse: illos partim fundamenta iecisse, partim moenia turresq; in hostes propugnacula, non sine summis oppidanorum impensis laboribusq; altius eduxisse, hunc unum ipsa modò ratione consilioq;, non moenia solum, urbemq;, sed & fortunas omnium uitamq; seruasse. Quantum etiam ciues grati uicissim postea huic honorem, gratiamq; habuerint

rint, cum ijs conferas licet, quibus ob præclarissima in Rempub. merita, non ingrati extiterunt: doceasq;, aut maiora, aut paria huic contigisse omnia. Quod si uero is quem laudas Princeps sit, exercitumq; duxit, præterquam quòd ex his locis omnibus, ab adiunctis quæ late patent, falsimq; usui sunt, à testimonijs, à causis, ab euentis, ex comparatione maiorum, minorum, à simili, à dissimili, à contrarijs, copiam petas, etiam à descriptionis loco amplifices maxime: cum aut stratagemata genusq; militum, & armorum, aut urbes quas cepit, regionesq;, & gentes, mores, aliaq; id genus suo quæq; loco describas. Porro cum temporis hic seruandus sit ordo, danda est opera, ut leuiora, aut omittamus, aut paucis perstringamus. Quæ uero magna sunt, & prudenter, iuste, fortiter, modesteq; facta, laudem in animis hominum maximam merentur, per plures ducenda locos, plurimūq; dilatanda erunt. Quæ autem laudari facta oporteat, horumq; numerum, personæ quas laudandas suscipis, secum adferent: in quibus singulis augendis, cognitis his locis, quantam ipse uoles, moram trahas.

Vt ea ex locis augenda, quæ post mortem acciderunt.

C A P.

XVI.

CUm igitur hunc in modum quæ toto uitæ cursu recte fecit, uerbis extuleris, dilatauerisq;, non negligendum modo excessit è uiuis, & quæ uita iam defuncto uirtutis ergò magna acciderunt. Nam cum magnis uiris dum uita manet, laudemq; sequentibus comes

comes sit inuidia, sit, ut morte iam sublatis, ereptisq;
 quos nocitura sequitur, sese auertat: patiaturque
 mortuis, quem uiuis noluit, suum honorem deferri.
 Quare si & huic uita defuncto, aut tumba publice
 magnificentius sit extructa, aut statua erecta, aut de
 niq; quotannis ad sempiternam huius memoriam,
 rerumq; ab ipso gestarum aliquid statis diebus fiat,
 quanta hæc sint, quo tempore fiant, quo in loco, à
 quibus, quantis impensis, quanto studio, alijsq; id
 genus explicatis circumstantijs, quarum adiuncto-
 rum locus nos admonet, copiose erit exponendum.
 A' causis item & hæc si uoles amplifies: quæ ipsius
 in Rempub. merita constent: cur tantum, uel emors
 tuo honorem constituerint. Ab euentis hic nihil sus
 mas, cum explicata ex adiūctorum loco, causas suas
 præcesserint: nisi propterea hæc defuncto contigisse
 dicas, ut statuto præclare factis summo honore, plus
 res ad imitandum pellicerentur: exponasq; ea ita ex
 sententia euenisse: pluresq; honoris præmio incitas
 tos, ipsam uirtutem sequendo, nominis immortalitas
 tem uenari. Quinetiam ex comparationis loco locus
 pletari res potest maxime: si uirtutis præmia, monu-
 mentaq; huic post mortem constituta, cum regum
 parentationibus, funebribusq; honoribus conferas:
 atque ostendas, studio hominum ultrò hæc præstan
 tium illos superasse: rerū autē magnificentiā equasse.
 A' dissimili item: illis à regijs, regiaq; pecuniā fune-
 bria magnificentius adornata, huic ab uniuerso po-
 pulo

pulo, æreꝓ publico splendide instructa: illis, quia res
ges uixerunt, mortuiꝓ sunt, huic quod patriæ cōser
uator extitit, mortuusꝓ sit, habitus est honos: illis ne
regium nomen leue in animis uulgi putaretur, huic
ne sua uirtuti præmia deesse uiderentur. A` contra
rijs: illos subditi maxime oderunt, hunc sui summo
honore prosequuti sunt: illos noua constituendo ue
ctigalia, annonam, uictumꝓ communem aggrauasse
agnoscunt, hunc uirtute, prudentiꝓ consilio pluri
mum leuasse intelligūt: illos uiuos, tyrannos execrati
sunt, hunc patriæ patrem conseruatoremꝓ appellan
tes, amplexi sunt: illos post mortem, uel ab alijs ho
norari ægre ferentes, quantum in sua positum pote
state impediuerunt, hunc contra uniuersi æquali stu
dio, summis honoribus ultrò affecerunt. Quæ ratio
sit personas laudandi, ab externis, corporis, animiꝓ
bonis, atꝓ adeo ab ijs, quæ has tempore antecedunt,
simul iuncta, & post insecuta sunt ostendimus. Ante
cedunt autem homines tempore, patria, parentes:
cum ijs coniuncta sunt, fortunæ, corporis, animiꝓ
bona omnia: post autem insecuta sunt, habiti post
mortem honores, præclaræ de ijs hominum iudi
cia. Qua autem uia singula ex locis copiose instrui au
geriꝓ possint, utcunque aperuimus: non quidem eo
consilio, quod tantam copiam, quanquā paucis rem
perstrinximus, in cuiusuis hominis laudē, (quis enim
finis?) temere adducendā putemus: sed ut monstrato
locorum usu, pro causæ conditione quantam quisꝓ
m inde

inde uelit, copiā peteret. Neq̃ enim hic cuiquā quid fieri debeat præscribimus, sed quid possit.

Eadem quæ laudandi & uituperandi hominīs
ratio.

C A P. X V I I.

Porro uituperandi quæ ratio sit, hinc facile intelligi potest. Siquidem idem ordo eademq̃ per omnia uia in uituperandis externis, corporis, animiq̃ malis erit sequenda. Patriam igitur, parentesq̃ bonos habuisse, atque inde degenerasse, patrimoniumq̃ dilapidasse, ut Catilina, tam uitium dedecusq̃ est, quàm cui hæc mala obtigerunt. In corpore autem, si qua sit deformitas, ut in Therſite, suis erit uerbis exaggeranda: si nulla, forma uiribusq̃ male usum fuisse, odio dedecoriq̃ erit magno. Animo autem profecta uitia, flagitiq̃, seruato temporis ordine, nisi in sua uitiorum genera spargere quæq̃ mauis, perpetua oratione, quod in L. Pisone facit Cicero, erunt explicanda, atque exaggeranda. Quòd si forte & iam uita defunctis aliquid accidit, quo turpitudine odiumq̃ augeatur, non erit silentio prætermittendum. Singula autem eadem ratione, qua superiora, ex locis augenda amplificandaq̃ erunt.

Quæ urbes ex locis copiose laudandi ratio.

C A P. X V I I I.

VRbium laus quæ sit supra attigimus; sed cum laus tuius pateat, quàm in personarum laude indicare operæpretium esset, quæ has laudandi atque ex locis augendi ratio sit, seorsum hic breuiter aperiamus: laudantur

dantur non secus atq; homines. Quare & huc adiutorum locus erit admouendus : quo admonemur, primum ea spectanda , quæ tempore præsentem urbis celebritatem antecesserunt : ut conditor, ciuesq; qui administrarunt , inhabitaruntq; : deinde quæ ipsi sunt tempore coniuncta, ut ager, flumina, montes , mare , portus , moenia , foueæ , tecta & ciues, qui inhabitant : postremo quæ infecuta infortunia, quibus commemorandis commiserationem mouemus , ipsisq; euerforibus odium conflagamus. Vt si quis Athenas, aut Romam, ut quondam fuit , laudet, dicatq;, quibus artibus iam inde à primis iactis à Romulo fundamentis eò incrementum acceperit, ut non modo Italiæ urbium celeberrima, sed totius terrarum orbis caput lumenq; extaret : & quorum deinde uitio, inertiaq; concidere, retroq; labi cœperit. Sed cum ferè laudem sibi hæ potissimum uendicent, quarum celebritas dignitasq; in omnium posita oculis elucet maxime , quæ has ab ijs quæ tempore antecedunt, simulq; iuncta sunt prædicandi uia sit, insdicabimus.

Vrbis laus à conditore, per locos ducitur.

C A P.

XIX.

CONDITOREM igitur commode primum ex descriptionis loco, atq; adeo ab adiunctis describemus: unde cognosci potest, quæ ipsius potentia, & præsertim quæ animi uirtutes, prudentia, iustitia, fortitudo, temperantiaq; fuerit. Deinde à causis erit augens

m : dum;

dum : cur eo in loco urbem locarit : quæ si maritima fertilicq; in agro posita sit, eo nimirum consilio fecisse dicendum, ut hinc mari, hinc agro magna uis hominum ali sustentariq; posset. Tum euenta erunt explicanda : quanta iam inde à condita urbe hominum multitudo, uictum hic, quomodo, & quàm facile quærat. Postremò conferendo hanc cum aliarum urbium agro, situq;, mire rem extendas : ostendendoq; huius agrum, aut fertiliorē, aut certe parem esse, nullaq; in re deteriore. Dissimilitudinem autem ex situ forte colligas : hanc maritimam, illas esse campes-
 tres : huc cum terra magna, tum nauibus maxima onera aduehi : illuc plaustris modò res asportari. Iam & actus in primo illo urbis conditore spectandos esse, adiunctorum idem nos locus admonet. Quòd si igitur legibus & religione Rempub. nouam primus bene constituit, à causis extendenda res erit : eo nimirum consilio fecisse, ut iuste, pieq; uiueretur : & quos lex non posset, religio in officio retineret. Deinde euenta explicanda erunt : qui mores, ex eo usque tempore iuste, modeste, pieq; uiuentium, tum uniuerforum, tum singulorum extiterint. Quæ omnia si ut gesta sunt copiose exponas, incrementa sumet oratio, maiora quidem, si quæq; & ex comparationum loco dilates. Præter hæc, si quid recte instituit, considerandum : ut si idem simul cum urbis primordijs literarum bellicq; studia erexit : illis ut animi diuinarū humanarūq; rerū cognitione imbuerentur,
 his ut

his ut suas suorumq; fortunas tuerentur. Consilia ubi exposueris, euenta inde ab urbe condita enarranda erunt: quot quantosq; uiros undecumq; doctissimos, & quo quemq; tempore tulerit: quæ cuiusq; eruditionis testimonia scripta extent. Atque hæc subinde comparando dilatabuntur maxime. Hunc in modum & quæ interim belli studia, & fortia facta extiterint, prosequendum erit: quæ nunc uniuersorum, nunc singulorum militiæ fortitudo, uirtusq;, & quo tempore, quo in loco cognita perspectaq; sit. Atque hic non solum ex comparationis loco, si uoles, quæq; uarie extendas, sed & personas describas: consiliaq; faciendi aperias. Breuiter quæ ratio urbes laudandi ab ijs, quæ tempore præcesserunt, usumq; hic locorum ostendimus. Verum, si ut sæpe de conditore, bonisq; eius institutis nihil certi in medium adferre poterimus, solumq; in confesso sit urbem uetustam esse, semperq; ferè incrementum sumpsisse, nihilominus quorum id administratione uirtuteq; continerit, narrandum erit: quæ nunc singulorum, nunc uniuersorum prudenter, iuste, pie, fortiter, temperanterq; facta extiterint, quo Respub. nomen uiresq; accepit. Atque hic singula cuiusq; facta, ex adiunctorum loco copiose, omnibus expositis circumstantijs enarrari, personæq; describi possunt. Tum quæ causas iam uniuersos, iam singulos ad faciendum impulerint dicendum. Varie autem per comparationem unūquodq; amplifies, dum aut excessum, aut simi-

litudinem, aut dissimilitudinem, aut deniqꝫ rerum pugnantiam, contrarietatemqꝫ ostendis.

Vrbis laus ab ijs, quæ huic simul tempore coniuncta sunt, & primum ab æris temperie per locos ducitur. CAP. XX.

REstant ea persequenda, quæ urbi quam laudamus, simul tempore sunt coniuncta. Hic primum spectandum, quo in climate, cœlicꝫ parte sit posita, unde æris temperies cognosci potest. Neqꝫ enim parum refert, languidioribus, an feruentioribus, seu temperatis solis radijs sit subiecta: ut sunt ferè omnes hæ, quæ inter Cancrī Vrsæqꝫ circulos sunt positæ. Deinde dicendum erit de agris, qui adiacent: de fluminibus, stagnis, piscinis, montibus, ipsoqꝫ mari, si aut uicinum est, aut urbem alluit. In ijs autem omnibus ea, quæ fructuosa amœnaqꝫ sunt laudibus uehēda esse idem qui omnium, adiunctorum nos locus admonet. Siquidem agros fertiles, fluuios piscosos, nauigabilesqꝫ, montes uitibus consitos, tum mare nauibus frequentatum, hoc ipso quod fructus uoluptatesqꝫ maximas adferant, & urbis nomen dignitatēqꝫ imprimis conseruare dubium non est. Spectari item potest, in ora ne an mediterranea prouinciæ sit posita: quod genus circumstantias copiose Græci, ut quos uerba non deficiunt, persequuntur: præsertim Menander rhetor, qui de laude seorsum scripta reliquit. Verum dum hic in laudando ex loci positione circumstantias, quod infinitum est studiose prosequitur, eorum

rum quæ omitti minime debuissent, quæ uidelicet publicæ munitiones, interiorq; ciuiū structura esset, ne meminit quidem. Atqui nos ad locos, atque adeo ipsos ad fontes laudaturum ducimus: unde quantum pro suo quisq; arbitrio uolet, hauriat. Nam cū urbium ad laudem pertinentes circumstantias explicare infinitum sit, quod unicuiq; ferè, præter diuersa hominum studia, rationemq; quærendi uictus sua quædam propria à natura sint attributa, alijs nempe aurifodinæ, alijs thermæ, alijsq; alia id genus innumera, cognito adiunctorum loco, in hoc instructus sit, ut sciat, quæcunq; præterita præsentiaq; splendorem urbi, commodum'ue, seu proprium, seu cum cæteris commune adferant, laudari oportere: quæ per reliquos deinde ducta locos, augeantur plurimum. Postremo igitur de publicis munitionibus, interioriq; ciuium structura, & ipsis ciuibus erit dicendum. Hæc igitur ab adiunctis ministrata, copiose erunt singula omnibus enarratis circumstantijs explicanda: & per reliquos subinde locos ducenda, amplificandaq;. Itaque si in bono climate sita sit ciuitas, primum aëris temperies, cœliq; clemētia, & temperata sub ipsa solstitia dierum noctiumq; longitudo, pluribus erit describenda. Deinde à causis hæc erunt locupletanda. Non enim aut solis ignibus, aut septentrionalibus frigoribus nimis esse subiectam: sed in medio positam, hinc frigora, hinc æstus fugisse: unde & illud dierum noctiumq; suo tempore nec maius, nec minus iusto

iusto incrementum : quorum alterum sub Arcto, alterum sub solis cursu positum accidit. Ab euentis; quare homines nulla aëris intemperie impediri, quo minus toto anno uictum domi & foris quærant : omniaque in agris felicius proueniant. Accedit eò, & ipsa ingenia, cœli beneficio presentiora, perspicacioraque reddit. Et hæc quidem omnia multis explicari possunt. Postremo & ex comparatione petenda copia est; ut si hic auram salubriorem hominibus, maturescendi que frugibus accommodatiorem declares, quam eius, quam cum confers urbe. A simili autem extendas, si cum ea urbe conferas, cuius positum pluribus notum, maximeque probatum uides. Hunc in modum si uoles, & dissimilitudinem repugnantiæque collatione aperias. Quod autem hac uia, ordineque ex locis amplificandi comode utamur, tamen cum & aliter recte fiat, nemo sibi hic legem præscribi putabit. Nam postquam ex adiunctorum loco, qui omni rei de qua agitur adiunctus est maxime, quæ uoles ob oculos posueris, deinde ex comparatione copiam sumas : & si magis augere uoles, subinde à causis augeas licet. Verum id aliter atque aliter fieri posse, in uniuersum sit dictum uolo : adeo, ut sæpe dum uno in loco longiorem moram trahimus, plures interim alij ex suo aliquid, uel antequam inde digredimur communicent.

Laus urbis ab agris, fluminibus, publicis item munitio-
nibus, tectis, ipsisque ciuibus, per locos ducitur.

CAP.

XXI,

Hæc

HAcc de aëris temperie : de agris subinde dicendum : de fluminibus , stagnis , montibus , piscinis , & ipso denique mari , aut uicino , aut urbem alluente : quantaque ex singulis utilitas uoluptasque capiatur , ab adiunctis copiose erit exponendum : nunc ea ipsa describendo , nunc aut classicorum autorum , si fieri potest , aut uicinarum gentium testimonijs confirmando . Atque hac uia res quidem ipsa mire augeatur . Quod si uero magis hæc extendi uoles , singula celeberrimis urbibus comparando , ostendes hanc , siue agri ubertate , siue fluminum copia uoluptateque , siue denique ipso maris usu alijs longe superiorem , alijs certe per omnia parem esse iudicandam . Iam & de publicis urbis munitionibus , tectisque dicendum : quantaque sit fouearum , aggerum , murorumque altitudo , latitudoque erit describendum : quis portarum , turrium propugnaculorumque numerus : quæ magnitudo firmitasque : quot bellicis machinis rebusque ad arcedandam uim accommodatis , sint omnia referta . Hæc ubi pluribus exposita uerbis , descriptaque fuerint , à causis est augendum : cur foucas , moenia , aggeresque , ita duci poni que placuerit : quo consilio hac distantia , hoc in loco , turres propugnaculaque locarint : cur tantis sumptibus , tot tantisque laboribus eò omnia euexerint , nempe ut quàm minima manu hostiles incursiones , impetusque sustinendo propulsandosque , uitam fortunasque suas defensarent . Atque hic subinde euenta narrabuntur : quorum hostium im-

petum, oppugnationesq; quo, & quanto tempore fortiter sustinuerint : furorem fregerint : discedere demum cum ignominia pauci plurimos coegerint. Quin & postremo comparatione omnia maiora amplioraq; reddas, maximis munitissimisq; urbibus hanc, aut munitione per omnia parem docendo, aut multis etiam partibus superiorem. Atque hæc & à uicinarum gentium testimonijs, præclarisq; regum, atque magnorum hominum iudicijs dilatarî possunt. Tecta autem ciuium frequentiora, magnificeq; extructa, tum plateas, foraq; ad hominum usum latiora, diuorumq; templa augustiora esse, quod non parua laus sit : ut quæq; maxime excellunt, ita pluribus erunt uerbis ornanda, hominumq; de ijs testimonia iudiciaq; adferenda : tum cum uicinis pulcherrimisq; ciuitatibus conferenda, quo ipso, aut parem, aut longe maiorem huius celebritatem magnificentiâq; edoceas. Quod si lubet, & hæc ipsa ex alijs locis licet extendas. Restat de ciuib; esse dicendum : horum iam uiuentium, cum de uita defunctis dixerimus, quæ studia, qui mores, quæ præclare facta existant spectandum. Commode autem quæq; in sua uirtutum genera spargas : & sua prudentiæ, sua iustitiæ, quæ erga deos religio, erga parentes pietas dicitur, sua item fortitudini, temperantiæq; asignes. Cæterum cum supra in Patriæ laudibus laudandi hæc amplificandiq; rationem ostenderimus, quæ insistenda hic uia sit, inde peti potest. Hæc de urbium
laudi

laudibus, unde quæ uituperari oporteat, res nempe contrarias, facile colligi potest.

Quæ facta ex locis copiose laudandi sit ratio.

C A P.

XXII.

FActa ornandi, & amplificandi quæ ratio sit, subinde intueamur: in quibus laudandis uituperandisq; cum & rhetores, tum maxime historici heroicisq; uates uersantur. Temporis autem seruato ordine laudari oportere ipsa nobis præscribit ratio: poetis tamen id, quod suo loco dicitur, de industria mutantibus. Præcipui autem hic loci sunt, causæ & euenta: quanquam alij omnes, qui supra, & huc adhiberi possint: expositisq; primum causis, deinde quæ euenierint explicentur. Quare Vergilius postquam paucis proponendo, musasq; inuocando, hominum animos sibi beneuolos attētosq; reddidit, causas statim commemorat, cur Aeneam Iuno insignem pietate uirum, tot labores periculacq; adire coëgerit.

Vrbs antiqua fuit, Tyrij tenuere coloni
Carthago: Italiam contra: Tyberinacq; longe
Ostia: diues opum, studiisq; asperrima belli.
Quam Iuno fertur, terris magis omnibus unam,
Posthabita coluisse Samo: hic illius arma,
Hic currus fuit; hoc regnum Dea gentibus esse,
Si qua fata sinant, iam tum tenditq; fouetq;.
Progeniem sed enim, Troiano à sanguine duci
Audierat, Tyrias olim quæ uerteret arces.

n 2

Hinc

Hinc Populum late Regem, belloq; superbum
 Venturum excidio Lybiæ; sic uoluere Parcas.
 Id metuens: ueterisq; memor Saturnia belli,
 Prima quod ad Troiam pro charis gesserat Argis.
 Nec dum etiam causæ irarum, sæuiq; dolores
 Exciderant animo: manet alta mente repostum
 Iudicium Paridis: sprætæq; iniuria formæ:
 Et genus inuisum, & rapti Ganymedis honores.
 His accensa super, iactatos æquore toto
 Troas reliquias Danaûm, atq; immitis Achillis
 Arcebat longe Latio: multosq; per annos
 Errabant acti fatis, maria omnia circum.
 Tantæ molis erat Romanam condere gentem.
 His irarum Iunonis è causis, quæ infortunia Aeneæ
 Troianisq; euenerint, dum complures annos mari
 errare, & deinde in Latio bellum gerere coguntur,
 Poëta subinde fusilsime narrare occipit: & uix duos
 decim libris absoluit.
 Vix è conspectu Siculæ telluris in altum
 Vela dabant læti, & spumas salis ære ruebant, &c.
 Sic & ante hunc in utroque suo opere Homerus pri-
 mum causas, deinde insecuta canit euenta. Hunc in
 modum & T. Liuius secundo suscepti à Pœnis in
 Romanos belli, antequâ euenta resq; gestas enarrat,
 causas primû dicit, quod uidelicet Sicilia Sardiniaq;
 illa nimis celeri rerû desperatione Romanis concessa,
 hæc fraude ab illis intercepta esset: tum quod Annis
 bal, cû puer adhuc esset, à patre Amilcare Imperatore
 aris adm

aris admotus iurasset, & se quàm primum per etatem posset, hostem fore Romanis. Quin & Sallustium idem facere, ipsius argumento est historia. Quid? non igitur aliò hic causarum locus ualet, quàm ut causas rerum, quæ euenierunt, quod ab his autoribus factis tatum esse uidemus, primum exponendas esse sciamus? Est profecto multiplex huius, passimq; nec certo in loco usus; cum nunc præcedant, nunc suos sequantur euentus. Nam quanquam primæ quædam, principalesq; summæ rerum causæ sint, quas nosse principio lector auditor uel cupit, tamen cum subinde aliæ atque aliæ actiones casusq; existant, & ipsorum alias atque alias causas esse constat; unde si inter narrandum obiter amplificetur, mire orationis extendetur corpus. Quare Cicero, cum suarum se laudum minus grauem scriptorem fore intelligeret, uideretq; L. Luceium Q. F. insignem sui temporis historicum bellum ciuile scribendum suscepisse, scripta ad eum epistola, omnibus petit modis, suas ut res exemplo Græcorum seorsum perscribat, atque in se ornando historiæ leges negligat. Posse autem inde, si à contentibus suis scriptis se iungat, & à causis, euentis, adiunctisq; amplifcet, quoddam corpus confici. His porro ex locis augeri rem oportere, L. Luceium admonet, dum causas, consiliaq; rerum suarum, casus etiam & euenta explicanda esse scribit. Adiuncta autem sunt, tempus, testimoniâq; Luceij, quem ea, quæ suo iudicio laudanda putaret ornare, quæ contra uis-

tam dilucide enarrasse, quàm facta ubique mora omnia ob oculos posuisse uideantur: hic fusilsime, ille modo quodam usus: id quod is facile animaduertet, qui cognitis locis & amplificandi ratione, utrunq; cum iudicio legit. Sed hac de re suo dicetur loco: nunc quòd uolumus, usum locorum augendiq; rationem in celebrandis factis diligentius, & ad cuiusq; magis captum indicemus. Vnum igitur factum, si oratione laudandum sumamus, sit Theodosij Imperatoris, quod insigne maxime gymnasium Bononiæ instituit, primum ex descriptionis loco, atque adeo ab adiunctis ipsum describamus: unde ingenium, moresq; Principis eluceant: & causæ tam honesti & utilis facti, quasi per transennam appareant. Fecit id & T. Liuius principio historiæ suæ de secundo bello punico: ubi pluribus Annibalem depingendo, animiq; bona uitæq; plurima exprimendo, qui cum uiro Romanis futura res esset, lectorem statim instruit. Secundum hæc, ab adiunctis res ipsa erit explicanda: quantis & unde sumendis fructibus, qui in professores expenderentur, hanc scholam adornari confirmariq;. Deinde à causis: cur hoc in loco, & tot tantaq; stipendia professoribus constituerit: ut certe hinc, in reliquam totam Europam qui recte Rempub. administrarent, docti mitterentur. Tum ab euentis mirum in modum augeas, si quæ interea loci emolumenta, aliæ aliæq; nationes hac ex academia & ceperint, & quotidie capiant persequaris: qui quibus in locis hinc missi, siue

cogni

cognitione rerum humanarum physicarumq; uiles Reipub. extiterint, siue legum scientia quid æquum & iniquum esset edocuerint, siue denique medicinæ beneficio laborantibus opem tulerint. Postremo ex comparationis loco quantam uoles copiam sumas, factum hoc, aut cum alijs ipsius, aut cum aliorum Imperatorum præclare factis conferendo.

Exemplum facta ex locis amplificandi apud Ciceronem.

C A P.

XXIII.

INterdum factum laudamus & dilatamus, nō tam ferè à causis, & quæ has sequuntur euentis, sed saltem ex adiunctorum & comparationis loco: id quod Cicero fecit, gratias Cæsari agens, ipsumq; laudans, quòd Marcello ignouisset. Postquam igitur exordium à tempore, eiusq; quo dixit diei circumstantia duxisset, clementiam sapientiamq; Cæsaris ab adiunctis statim laudat, ornatq;: nempe à sua, totiusq; Senatus lætitia, factum hoc probantis: & propterea de Repub. subinde melius sperantis. Aspergit & paucis obiter laudem Marcelli: quod ipsum, & ex hoc ipso loco est ductum: & eò ualet, ut clarius illustriusq; factum eius reddatur, quod præstantissimo amplissimòq; uiro ignouisset. Deinde ex comparationis loco Cicero amplificat: & confert hoc Cæsaris factum cū maximis eius bellis, rebusq; gestis: quibus omnibus iure anteferri oportere, pluribus ostendit. Porro hac in comparatione orator tantam moram trahit, dum interim ab adiunctis circumstātiis admiscet, ut omnia quæ

quæ ad laudem pertineant, totaꝫ oratio, nisi quod pauca ad finem aliò spectantia adiecit, hoc solo ex loco uestita, amplificataꝫ deprehendantur. Quare quantum hoc ex loco res extendi possit, cum plurima apud Ciceronem exempla, tum hoc studiose perspicuum esse potest.

Exemplum res ex locis amplificandi apud T. Liuiũ his
 storicũ, breuiterꝫ easdẽ explicãdi. CAP. XXIIII.

Hinc autem quis locorum usus, quæ laudandi amplificandiꝫ ratio sit, quanquam satis liquere putem, tamen non abs re fuerit, & hæc ipsa in historia, classicisꝫ autoribus paucis indicare. Narraturus T. Liuius cõtra Romanos res ab Annibale gestas, ut statim intelligi posset, qualis is esset, qui tantum in discrimen Romanum nomen adduxerit, primum ipsum Ducem ex descriptionis loco depinxit his uerbis: Missus Annibal in Hispaniam, primo statim aduentu omnem exercitum in se conuertit. Amilcarem sibi redditum ueteres milites credere: eundem uigorem in uultu, uimꝫ in oculis, habitum oris, lineamentaꝫ intueri. Deinde breui effecit, ut pater in se minimum momentum ad fauorem conciliandum esset. Nunquam ingenium idem ad res diuersissimas, parendũ, atqꝫ imperandum fuit. Itaqꝫ haud facile discerneres, utrum Imperatori, an exercitui charior esset. Neqꝫ milites alio duce plus confidere, aut audere: plurimum audaciæ ad pericula capeffenda, plurimum consilij, inter ipsa pericula erat. Nullo labore, aut corpus fa-

o tigari

„ tigar, aut animus uinci poterat. Caloris ac frigoris
„ patientia par : cibi potionisq; desiderio naturali, non
„ uoluptate modus finitus : uigiliarum somniquē, nec
„ die, nec nocte discriminata tempora : id quod agens
„ dis rebus superesset, quieti datum. Ea neq; molli strā
„ to, neq; silentio accersita. Multi sæpe militari sagulo
„ opertum humi iacentem inter custodias stationesq;
„ militum conspexerunt. Vestitus nihil inter æquales
„ excellens : arma atque equi conspiciebantur. Equis
„ tum peditumq; idem longe primus erat. Princeps
„ prælium inibat; ultimus conferto prælio excedebat.
„ Has tantas uiri uirtutes ingentia uitia æquabant: in
„ humana crudelitas : perfidia plus quàm punica, nis
„ hil ueri, nihil sancti, nullius Dei metus, nullum iusiu
„ randum, nulla religio. Hactenus mores, ingeniumq;
„ descripsit : quæ quidem omnia ab eo, qui rem nude
„ explicare uoluisset, omitti potuissent. Subjicit autem
„ ex adiunctorum loco : his uerbis : Cum hac indole
„ uirtutum ac uitiorum triennio sub Asdrubale Impes
„ ratore militauit, nulla re, quæ agenda audendaq;
„ magno futuro duci esset, prætermissa. Hæc quidem,
„ cum illud tempus præcedant, quo belli dux decla
„ ratus est, omitti potuissent. Quæ sequuntur ex ad
„ iunctorum, seu qui inde nascitur causarum & even
„ torum loco sumuntur : cur uidelicet Annibal in susci
„ piendo bello, nihil prolatandum arbitretur : & dum
„ Saguntinos petit, in Olcadum fines exercitum ducat,
„ sic ille; Cæterum ex quo die dux est declaratus, ue
lut

Iul Italia ei prouincia decreta, bellumq; Romanum
 mandatum esset, nihil prolatandum ratus, ne se quo-
 que, ut patrem Amilcarem, deinde Asdrubalem cun-
 ctantem casus aliquis opprimeret: Saguntinis infer-
 re bellum statuit. Quibus expugnandis, quia haud
 dubie Romana arma mouebantur, in Olcadum fi-
 nes prius ultra Iberum ea gens in parte magis, quam
 in ditione Carthaginensium erat, induxit exercitum;
 ut non petisse Saguntinos, sed rerum serie finitimis
 domitis gentibus, iungendoq; tractus ad id bellum
 uideri posset. His demum subijcit euenta, gesta; rei
 narrationem. Carteiam urbem opulentam, caput
 eius gentis expugnat, diripitq;: quo metu percussæ
 minores ciuitates, stipendio imposito imperium ac-
 ceperunt. Victor exercitus, opulentusque præda,
 Carthaginem nouam in hyberna est deductus. Ibi
 large partiendo prædam, præterita cum fide exol-
 uendo, cunctis ciuium suorum sociorumq; animis
 in se firmatis, uere primo in Vacceos motum bellum.
 Nuda hæc satis narratio est: nisi quod obiter petitas
 ab adiunctis circumstantias inserat nonnullas: quod
 genus sunt, urbem esse Carteiam opulentam, & suæ
 gentis caput: tum exercitum opulentum præda de-
 ductum esse. Prosequitur autem narrationem tem-
 poris, cuius mentionem facit, seruato ordine. Her-
 mandica & Arbacala Cartorum urbes, ui captæ.
 Arbacala & uirtute, & multitudine oppidanorum
 diu defensa, Ab Hermandica profugi, exulibus Ol-
 cadum

„ cadum priore æstate domitæ gentis , cum se iunxis
 „ sent , concitant Carpentanos : adortiç Annibalem
 „ regressum ex Vacceis , non procul Tago flumine
 „ agmen graue præda turbauere. Pura hæc, nudaque
 sunt omnia : nisi quòd ab adiunctis est, oppidanor
 rum uirtute, & multitudine, Arbacalam diutius esse
 defensam : neque procul Tago impetum in Anni
 balis agmen esse factum. Quæ sequuntur, paulò co
 piofiora sunt. Nam & consilia Annibalis aperit, pro
 pterea amnem traijcientis, ut in transitu fluminis hos
 tes inuaderet : & causas ferociæ hostium Carpentan
 norum , tum sua multitudine, tum fuga Annibalis
 minus timentium. Atque hic Liuius, & à suo obiter
 testimonio amplificauit : dum inuictam aciem dicit,
 „ si æquo certaretur campo : sic ille, Annibal prælio
 „ abstinuit : castrisç super ripam positis, cum prima
 „ quies silentiumç ab hostibus fuit, agmen uado tras
 „ iccit: ualloç ita producto, ut locum ad transgredien
 „ dum hostes haberent, inuadere eos transeuntes sta
 „ tuit : equitibus præcepit, ut cum ingressos aquam
 „ uiderent, adorirentur. Peditum agmen in ripa ele
 „ phantes quadraginta disposuit. Carpentauorum
 „ cum appendicibus Olcadum, Vacceorumç cens
 „ tum millia fuere. Inuicta acies, si æquo dimicare
 „ tur campo. Itaque & ingenio feroces, & multitu
 „ dine freti, & quòd metu discessisse credebant hos
 „ tem : id morari uictoriam rati , quòd interesset a
 „ mnis ; clamore sublato, palsim, sine ullius imperio,
 quâ

quà cuiq; proximum erat, in amnem ruunt. Hactenus consilia causasq; exposuit, quibus subiicit euentus : nempe infelicem Carpentanorum pugnam, & deditionem. Et hæc quidem ipsa, satis à circumstantijs, quas explicat, illustrat his uerbis : Et ex parte altera, ripæ, uis ingens equitum in flumen immissa, mediocq; alueo, haud quaquam pari certamine concursum. Quippe ubi pedes instabilis, & uix uado fidens, uel inermi equite, equo temere acto perueriti posset. Eques corpore armisq; liber, equo uel per medios gurgites stabili, cominus eminusq; rem gereret. Pars magna flumine assumpta : quidam uerticoso amni delati in hostes, ab elephantis obtriti sunt. Postremi, quibus ingressus in suam ripam tutior fuit, ex uaria trepitatione cum in unum colligerentur, priusquam ex tanto pauore reciperent animos, Annibal agmine quadrato amnem ingressus, fugam ex ripa fecit : uastatisq; agris, intra paucos dies Carpentanos quoq; in deditionem accepit. Hunc in modum, reliqua toto corpore alia magis, alia minus, ut quæq; res postulat, his ipsis ex locis extenduntur. Rariores autem comparationes sunt : locus in hoc præsertim genere, omnino ad ornatum amplificationemq; accommodatissimus : unde poëtis, rhetoribusq; copiam sequentibus crebrior, historicis, ne ad ornandum magis, quàm ad narrandum orationem sumpsisse uideantur, minus familiaris. Porro Sagunti oppugnationes, excidiūq; quod proxime sequitur, pluribus adiectis peristalis

bus copiosissime explicatur. Verum hæc ipsa Livi-
na, ex locis aucta, amplificataq̃, nuda, omni ornatu,
quasi uestitu spoliata, ob oculos ponamus: unde
quid inter ieiunam, necessariamq̃ narrationem, & co-
piosam locupletēq̃ intersit, cognosci potest. Missus
Annibal in Hispaniam, postquam mortuo Asdruba-
le dux belli est declaratus, Saguntinos bello petit.
Quod dum facit, in Olcadum fines exercitum ducit.
Carteiam urbem expugnat, diripitq̃. Minoribus de-
inde ciuitatibus metu subactis, exercitum Carthagi-
nem nouam in hyberna deducit. Hic large prædam
partiēdo, præteritaq̃ cum fide exoluendo, cunctis
ciuium suorum, sociorumq̃ animis in se firmatis, uere
primo in Vacceos motum bellum. Hermandica &
Arbacala Carteiorum urbes, ui captæ. Ab Herman-
dica autem profugi, exulibus Olcadum, cum se iun-
xissent, concitant Carpentanos: adorti-
q̃ Anniba-
lem regressum ex Vacceis, non procul Tago flumi-
ne agmen turbauere. Annibal autem traiccto amni,
temere insequentes hostes ad centum millia partim
equitatu in flumine oppressit, partim in fugam con-
uertit: uastatisq̃ agris, & Carpentanos paucos intra
dies in deditionem accepit. Breuis hæc, nudaq̃ nar-
ratio est, quam ut uir ille eloquentissimus ex locis lo-
cupletarit, iam uisum est.

Nullis nō ex locis heroicos uates augere. CAP. XXV.
IAm uero quanto heroici uates nullis non ex locis
omnia magis illuminent, & quasi depicta ob oculos
los

los ponant, hic spectemus. Cum T. Liuius narrationem rerum ab urbe condita, ab excidio Troiano oritur, paucis Aeneæ in Italiam nauigationem, & bella ab eo in Italia gesta enarrat: in quibus describendis, quantam Vergilius moram trahit: nunc loca, personasque describendo: nunc alijs atque alijs orationes tribuendo: nunc explicatis omnibus circumstantijs, copiose res narrando: comparisonibusque dilatando: adeo, ut hæc ipsa, quæ ille paucis, uix duodecim absoluat libris. Non enim ante, quàm res tota exposita oculis sit, progreditur. Quare & ante pugnam, eorum, qui arma sumpserunt catalogum adiungit: ducum nomina, copiasque recenset: in quo tamen Homerus, quanto deum immortalem hoc nostro est uberior: Hic, antequam in pugnam iretur, non satis esse putauit, Græcorum omnium Principum nomina, regna, & quantas quisque copias adduxisset, fusissime recensuisse: insuper & senes Heroas in moenia turesque ducit: inde oculis totum hostium exercitum perlustrare: accersitamque Helenam de unoquoque Græcorum Principe percunctari: ut ex ea, quæ probe nosset, & quæ cuiusque forma, statura robur corporis, ingeniumque esset, cognosci posset. Nec hac modo copia, uno altero uel in loco est usus, sed facta ubique mora, omnia fusissime extendit: & quasi penicillo depicta ob oculos ponit. Quare huius poemæ, omnium maxime loquentem picturam esse recte dixerimus.

Eadem uituperandi, quæ laudandi ratio. CAP. XXXVI.
Quæ

QVæ autem facta reprehendendi ratio sit, ex laude facile intelligi potest: cōtraria namq; omnia uituperari debent. Quod si forte plura numero flagitia existant, temporis commode seruatur ordo: quod Ciceronem scriptis in Vatinius, & L. Pisonem orationibus fecisse uidemus. Hæc de personarū, urbiū, factorumq; laude: unde & quis cæteris in rebus laudandis, atq; extendendis, quas persequi infinitum foret, locorum sit usus, colligi facile potest.

De dispositione, ipsoq; exordio; & unde locorum
sumatur. CAP. XXVII.

IAm uero cum ita natura comparatum sit, ut copiose inuenisse nihil sit, nisi & hæc ipsa recte disponamus: quæ & hoc in genere collocandi ratio sit, paucis perstringemus. Summis rhetorum placuit, quatuor orationis constituere partes: Exordium: Narrationem: Confirmationem: & Epilogum. Exordio auditorum animos esse conciliandos: & quasi uiam ad ipsam causam esse sternendam: id autem commode fieri, si ipsos apud quos dicimus, nobis beneuolos, dociles, attentosq; reddamus. Narratione autem ipsa, quæ uolumus exponenda esse atque docenda. Confirmatione subinde, nostra omnia quibus poterimus argumentis, firma certaq; esse facienda: & aduersariorum obiecta diluenda. Postrema parte, epilogo ipso, pondera rerum esse repetenda: affectusq; mouendos. Hæc ita fieri oportere, cum summorum hominum præcepta, tum ipsa nobis ratio præscribit.

Verum

Verum hic in laude, ubi non dubia confirmanda, sed certa laudanda extollendâq; erunt, nihil tertia illa parte confirmatione opus erit. Quinetiam, si aut unius, aut plurium personarum multas, præclareq; res gestas describendas suscipias, ipse omitti epilogus potest. Neque enim heroici uates, historiciq;, quæ pluribus enarrarunt, repetenda sibi, claudendâque esse arbitrantur: adeo, ut exordium interim omittatur. Nam Cæsar res suas gestas, statim à Galliæ descriptione narrare cœpit. Sed hunc excusat, & quod de se ipse scripsit, ubi scribendi causas consiliaq; aperire forte inuidiosum fuisset, & quod commentarios, capitâq; saltem rerum suarum literis mandauit, ut qui uellet, hæc ipsa postea fusiùs splendiusq; tractaret. Cum igitur exordio sternenda uia sit, ad ea, quæ sumus dicturi, ut beneuole, intelligenter, attentèq; audiamur, sæpèq; uel rebus iam copiose inuentis nondum quod commode sumas appareat, unde duci debeat, erit indicandum. Porro beneuolentiam, aut à personis, aut à rebus esse petendam, rhetores passim docent. Alia autem nonnulla, unde præterea duci usu receptum Fabius uidit, partim personis, partim rebus attribuit. Verum plurima sunt, quibus animi moueri, beneuoliq; nobis reddi possunt. Nam & à meritis nostris id consequimur: unde Cicero exorsus suam ad Quirites orationem antequam iret in exilium; ab officio, unde pro Archia poëta; à tempore, unde pro M. Cœlio,

p & Marc

& Marcello : à loco, unde pars exordij pro Deiotaro: ab ipsis item, quas causæ aliæ alias, & subinde no-
 uas adferunt circumstantijs, quæ certis tradi præce-
 ptis nequeunt. Quare pro Milone, ab ipso armorum habitu est exorsus. Quæ cum ita sint, & hæc cap-
 tandæ beneuolentiæ ratio, ab illis, unde omnia, quos
 supra exposuimus generalibus locis recte petatur.
 Itaque unus adiunctorum locus, omnium horum,
 quæ tradiderunt, & plurium quidem nos admonet.
 Neque enim hæc solum dicenti adiuncta sunt, unde
 beneuolentiam capter, suum ipsius officium, & me-
 ritum, aliâq; id genus à se sumpta, auditores item
 ipsi, tum aduersariorum, eiusq; pro quo perorat per-
 sona, sed & tempus, locusq; in quo dicit : & ipsa de-
 nique causa : quæ cum aliâ alias latebras, recessusq;
 habeat, introspecti dicturo omnes diligenter erunt;
 eaq; elicienda, quæ ad exordium emerendumq; fa-
 uorem accommodata putet. Itaque Cicero Deiotarum
 defensurus, ab his causæ circumstantijs, quibus
 se moueri dixit, uarie sibi Cæsaris animum concilia-
 uit. Primum à persona Deiotari, qui rex præter mor-
 tem in uitæ discrimen uocatus esset : Deinde à per-
 petuis regis in Remp. Romanam meritis : tum à cru-
 delitate, atque indignitate accusantium: tum à perso-
 na Cæsaris, in sua ipsius causa iudicis: Postremò à
 loci, in quo dixit insolentia. Quare & nobis hoc in
 genere incepturis, quæ ad comparandum fauorem
 pertinebunt, ex adiunctorum loco petenda erunt;

qui pro

qui pro rerum ornandarum, uituperandarum uē uarietate, subinde alia atque alia suppediabit. Vt si forte amplum & Principem uirum laudaturus uenias, huiusq; magna perpetuaq; in eos, apud quos dicturus es merita constare intelligas, commode ab huius meritis principium sumas in hanc sententiam. Non uereri te, quin æquas tibi aures præbituri sint, huius de laudibus dicturo, cuius in eos, cum perpetua, tum maxima merita constare uideas. Quin & ab eorum uicissim in hunc declarato sæpius officio exordiaris licebit in hunc modum. Gaudere te, amplissimum, fortissimumq; uirum, apud eos laudandum suscepisse, quos pro multis summisq; in se meritis, maximos uicissim honores huic detulisse, officiâque præstitisse non ignores. Quod si & huic ipse debeas, hinc incipias licet. Ingratum te ciuem fore, nisi eum, quibus posses laudibus ornare, quem cum uniuersi ob plurimas singularesq; uirtutes maximi pendant, imprimisq; prædicent, tum te omnium maxime oportere, cuius aut hortatu, aut beneficio, literarum studia ingressum, ea quæ dicendo possis, consequutum intelligas. A loco item exordium ducas. Lætari te, de celeberrimi hominis bene gestis rebus, eo ipso in loco dicturū, ubi nō modo ipsius uita, fidesq; sanctissima satis spectata, sed & multa pro Repub. præclare facta, omnibus cognita perspectaq; essent. A tempore ita exorsus est Cicero pro M. Marcello. Diuturni silentij P. C. quo eram his tēporibus usus,

non timore aliquo, sed partim dolore, partim ueracundia, finem hodiernus dies attulit: idemque initium, quæ uellem, quæque sentirem, meo pristino more dicendi. A sententia etiam aliqua principium sumere licet. Si uirtus in animis bonorum plurimum semper ualuit, is omnibus laudibus uehementius extollendusque erit, qui à teneris ita uitam instituit, ut iam adulta uirilique ætate, in omni uirtutum genere maxime claruisse, cognitum sit atque perspectum. Titus Liuius scripturus res Romanorum ab urbe condita, beneuolentiam statim captauit suas in scribendo uires extenuando, eleuandoque, præ illorum splendore, qui ante se scripserant. Omnium horum unus adiunctorum locus nos admonet: & plurimum quidem, quam hic enumerari aut possint, aut debeant. Atque hic animaduertendum est, hæc ab adiunctis sumpta, ut cætera, & reliquis ex locis extendi atque augeri posse. Atqui & ex alijs ordiri licebit locis. An non exordium hoc Ciceronis pro Deiotaro, cuius iam mentionem fecimus, si diligentius introspiciamus, totum à caussarum euentorumque loco sumptum nos fateri necessum est: Siquidem suæ perturbationis Cicero, timorisque, qui sibi dicturo euenerat, causas complures adfert. Primum à persona regis capitis accusati: Deinde à perpetuis eius in Romanos meritis: tum ab accusatorum & crudelitate, & indignitate: tum à persona Cæsaris in suo ipsius negotio iudicis: Postremo à
loci

loci insolentia, ubi dicere non consueffet. His de cau-
 sis Ciceroni animi perturbatio, timorq; euenerat.
 Quare, quanquam non male dicimus à personis hic,
 atque adeo ab adiunctorum loco captatam esse bene-
 uolentiam, sunt namq; dicenti adiuncta hæc omnia,
 personæ eorum omnium apud quos dicit, tempus
 item, & locus, causæq; circumstantiæ: tamen, cum ut
 supra diximus ab adiunctis tum causarum euentos-
 rumq; locus nascatur, cum causæ ad euenta, & hæc
 uicissim ad illas referantur, rectius, magisq; proprie,
 à causis & euentis, quàm ab adiunctis petitum exor-
 dium esse dicemus. Quin & Ciceronis pro lege Ma-
 nilia, & C. Rabirio exordia, à causis & euentis sunt
 ducta. Ibi cur ita acciderit, ut ante eum diem è rostris
 ad populum non sit concionatus causas plures, ut ho-
 nestas, ita ad emerendum fauorem maxime accom-
 modatas adfert: hic facti sui, cur ad defendendum ue-
 nisset patronus, causas commemorat, cum uenustam
 suam cum C. Rabirio amicitiam, tum ipsius dignita-
 tem, tum humanitatem, tum deniq; perpetuam suæ
 uitæ consuetudinem. Quid? an non & ex compara-
 tionis loco pro domo sua ad Pontifices principium
 his uerbis duxit: Cum multa diuinitus Pontifices à
 maioribus nostris inuenta atque instituta sunt, tum
 nihil præclarius, quàm quod uos eosdem, & religio-
 nibus deorum immortalium, & summæ Reipub. præ-
 esse uoluerunt: ut amplissimi & clarissimi ciues Rem-
 pub. benegerendo, Pontifices religiones sapienter in-

terprætando, Rempub. conferuarent. Hic orator, hoc ipso, quòd nihil præclarius à maioribus inuentum atque institutum dicit, cum multa diuinitus inuenissent instituerintq̃, quàm Pontifices & religionibus deorum, & summæ Reipub. præesse uoluisset, mirum in modum ipsorum sibi animos conciliat. Ducuntur & ex definitionis loco. Siquidem à sententia insigniori sæpe exordimur: quæ ferè uires suas inde sumere solet: & Cicero ex descriptionis loco in Catilinam est exorsus. Rempub. Quirites, uitamq̃ omnium uestrum, bona, fortunas, coniuges, liberosq̃ uestros, atque hoc domicilium clarissimi imperij, fortunatissimam pulcherrimamq̃ urbem, hodierno die deorum immortalium erga uos summo amore, laboribus, cōsilijs, periculisq̃ meis, ex flamma atque ferro, ac penè ex faucibus fati ereptam, & uobis conferuatam ac restitutam uidetis. Sed & ex reliquis locis omnibus hæc trahi possunt: quod nisi hinc liquere putarem, persequi non grauarer. Quare cū illis ex locis omnia ad fidem, amplificandum, affectusq̃ mouēdos, quod suo docebitur loco ducantur, & hæc exordia, quibus dum conciliamus motum hominum animis adferimus, inde perēda esse nemo dubitabit. Quod autem rhetores à personis nostris, aduersariorum, iudicium, ipsaq̃ causa sumenda esse scriptum reliquerint, remq̃ latissime patentem exiguis terminis circūscripserint, inde esse puto, quòd in iudicio dicturos, quibus ferè solis scribebant, hinc commodè ducere, & posse, & so-

lere

lere intelligerent. Ad hos igitur locos tanquam fontes ducendi sumus : unde cum omnia, & hæc quoque sumi oportet : & hoc quidem magis, quòd his in generibus, ubi à iudice nihil petitur, liberiora sint exordia : interim nulla. Necque enim ab alienati, aut parum æqui conciliandi hic nobis sunt animi. Sallustius Castilinarij & lugurthini belli principia altius duxit : illud ab officio hominis, hoc à querela naturæ humanæ : neutrum, aut captandæ benevolentiae, aut narrandis rebus multum accommodatum. Heroici uates, rem paucis proponendo, dociles attentosque magis, quam beneuolos lectores faciunt : quanquam Musarum inuocatione, & id consequi, quod Fabio de Homero placuit, uideri possunt. Attentos autem docilesque, quæ ferè coniuncta sunt reddimus, si magna, noua, incredibilia, seu ipsis auditoribus ad exemplum, seu ad Reipub. religionisque statum pertinentia, te allaturum, aut his similia dicas. Itaque T. Liuius postquam beneuolum sibi, ut diximus, lectorem reddidit, attentum docilemque fecit, dum dixit, non se laborare, si quis minus credat quæ ante urbem conditam facta sint, & proxima originibus : modò spectet, quibus artibus Romana Respub. creuerit : atque ex ea, quæ exemplorum ditissima esset, quid sibi suæque Reipub. imitandum declinandumque esset, capiendum esse putet. Quin etiam id assequaris, si paucis summam rerum exponendarum complectaris, ut Homerus & Vergilius, reliquique uates principio operum suorum faciunt

faciunt : si & statim describas : quod Cicero, ut supra diximus, exordio in Catilinam fecit : & hic in laudandis personis, urbibus, factis, cæterisque rebus non incommode fiat : si item diuidas : & quo ordine dicturus sis aperias : atque id ipsum, aut principio facias : ut Cicero pro A. Cluëtio, Animaduerti iudices omnem accusatoris orationem, in duas diuisam esse partes : quarum altera mihi niti, & magnopere confidere uidebatur, inuidia iam inueterata iudicij Iuniani : altera tantummodo consuetudinis causa timide, & diffidenter attingere rationem ueneficij criminum : quæ de re, lege est hæc quæstio constituta. Aut postquam exordio animos hominum iam tibi conciliaueris, Cicero pro lege Manilia, causa iam breuiter exposita, quod ita rerum natura poscebat, diuisione usus est. Primum mihi uidetur de genere belli, deinde de magnitudine, tum de Imperatore deligendo esse dicendum. Hunc in modum si hominem ornaturus uenias, primum te de externis eius bonis, patria, parentibus, & fortunis, deinde de corporis, forma, & ualitudine : postremo de animi bonis, uirtutibus, & recte factis dicturum esse dicas. Porro attentio atque docilitas, non ex locis, quemadmodum beneuolentia, petenda est : propterea, quod dum beneuolos facimus, motum animis adferimus : quod ipsum ex locis petatur necessum est : attentos autem, docilesque, uel hoc solo reddimus, quod quas res, quantas, quam utiles, & quo ordine dicturi sumus, saltem proponamus, atque

atq; indicemus. Hæc de exordijs: quibus ubi audito-
rem, lectorem uel præparauerimus, res ipsa erit ex-
ponenda.

De narratione, & cur Homerus & Maro à fine

narrare cœperint.

CAP. XXVIII.

INnarrando igitur quæ copiose inuenimus, com-
mode temporis ordinem sequimur: & quidem quo
supra in personarū, urbium, factorumq; laude, atque
amplificatione usi sumus. Cæterum licet & neglecto
temporis gradu, in sua quæq; uirtutum genera, facta
distribuere: & parua magnis, obscura perspicuis, ius-
cunda tristibus, minus uerisimilia certis inferere.
Quinetiam quemadmodum commodissime à mino-
ribus ad maiora ascendimus, ita & interim à maiori-
bus ad minora descendere licet. Quæ collocatio est in
laudando, eadem & in uituperando. Porro historicis
hic minus licet: ut quibus in narrādo temporis ordo
seruāndus est semper. Poëtæ autem nullis hic omnino
legibus tenentur. Itaq; nunc à principio, nunc è me-
dio, nunc è fine narrare incipiunt. Homerus rerum à
Græcis ad Troiam gestarū narrationē à decimo de-
mum anno, & propemodū fine laborū orditur: idem
facit & in Odyssæa. Hunc sequutus noster Maro,
errorum Aenææ narrationē à septimo demum auspici-
atur anno, quo in Siciliensibus undis iactabatur:
Vix è conspectu Siculæ telluris in altum
Vela dabant læti, & cætera.

Temporis autem gradum Naso, in exponēda rerum

q uaria

uariarum metamorphosi sequitur. Causas autem Homericæ dispositionis, ubi nec principium, nec finis cōspicitur introspiciamus. Neque enim, cum ab ira Achillis, qui decimo demum anno Agamēnoni irasci cœpit expositionem incipit, aut quæ ante id tempus per nouē annos ad Troiam sint gesta, aut ipsius excidium urbis explicat. Aristoteles, cum commentatores hic ferè cæcutiant, & uatis consilium minus uideant, hanc rem scripto de poëtica libello diligenter ut omnia intuetur: dicitq; à diuino id uate propterea factum, ne, dum pro magnitudine rerum copiose omnia depingi uoluit, nimis magnū opus obscurūq; redderetur. Quod si profecto seruatō temporis ordine, & cætera, omnibus ut solet explicatis circumstantijs explicanda suscepisset, non Iliada, sed Chiliada scripturus fuisset. Nec finem inuenisset, si errores Vlyssis, casusq; à principio ad finem usque tam copiose, ut quinto libro cœpit ipse persequi uoluisset. Quare poëta, postquam nonnulla ipse non tam enarrasset, quàm facta mora depinxisset, cætera omnia Vlyssē ipsum Phæacum regi celerius narrare uoluit. Sequutus & noster diuini uatis consilium, postquā per paucos dies exhaustos in Siculo mari Aeneæ labores fusilissime ipse expressisset, ipsum deinde ad Didonem deduxit, cui breuiter, & Troiæ excidium, & quæ per totum ipse septenniū mari perpeffus esset enarraret. Quibus autem ex locis narratio sumatur supra uisum est.

De Con

De Confirmatione & Epilogo. CAP. XXIX.

Confirmationem laus nullam habet: neque enim hic dubia, sed certa cognitaq; prædicatur. Attamen interdum incidere nonnulla possunt, quæ suam probationem requirât. Ne epilogo quidem, quo rerum capita repetuntur, heroici uates historiciq; utuntur. Neq; enim plures numero res repeti reuocariq; possent. Oratori autem, ad confirmandam auditorum memoriam, augendamq; delectationem, perquã utilis. Cum autem epilogus, repetitio sit rerum ante ad laudem, seu uituperium adductarum, quibus sumatur ex locis nemini obscurum esse potest.

De Eloquutione seu Exornatione. CAP. XXX.

Diximus de locis, & quæ in laude inde inueniendi, & amplificandi, tum disponendi ratio esset: dicendum subinde erit de eloquutione, seu exornatione: ubi copiose inuenta, recteq; disposita, erunt exornanda & quasi quibusdam coloribus uarianda. Totum quidẽ orationis corpus, sed rude, ex locis erat sumendum: quod idem hic uestiendum, & figuris, quasi coloribus quibusdã, ut gratiã ueneresq; habeat oratio, illuminandũ erit. Atq; hic, cum hoc ipso, quod uestiatur illustreturq;, simul & augeatur dilateturq; oratio, quibus ex locis, unde omnia sumenda esse diximus, figuræ item affectusq; trahantur, indicabimus. Porro rebus copiose inuentis, atque dispositis, nihil perinde consequens necessariumq;, quàm siue dicturus, scripturus uel sis, ita exornare, ut auditorẽ, seu lectorem

q 2 doceas,

doceas, delectes, & moueas. Tria namq; hæc oratorū officia sunt: quæ ut quisq; maxime præstat, ita optimus rhetor est censendus. Docebimus autē, delectabimusq; si dilucida, numerosa, & figuris illustrata erit oratio. Mouebimus autē, si pro causæ cōditione, nunc leniores, nūc uehementiores affectus cōcitemus. De his igitur singulis breuiter nobis dicendum erit.

De Perspicuitate, ipsaq; Periodo. CAP. XXXI.

Dilucida igitur & p̄spicua erit narratio, atq; adeo totius orationis corpus, si cum uerbis cōstet simplicibus, atq; cōiunctis, simplicia latina sint, propria, atq; usitata: coniuncta uero recte locata, nec iusto longiore circūducta periodo. Porro latina ut sint omnia, quemadmodū imprimis est præstandū, summamq; perspicuitatē adfert, ita id ignorāti hic serius præcipitur. Propria autem sunt, atq; usitata, illa, quibus cuiusq; rei uis, pprietasq; maxime explanatur, hæc quæ à clāsicis quibusq; autoribus sæpius sunt usurpata. De translatis autem uerbis, quæ & gratiā habent maximā, mox suo dicetur loco. In cōiunctis dāda est opera, ne aut asperos habeāt cōcursus, ut si dicas, rex Xerxes, durū id quidē, lenius autē minusq; asperū erit, si inferas aliquid in hunc modū, Rex autē Xerxes: aut ipso uocaliū cōcursu quādā hiantiā atq; dissiūctionē: ut baccæ æneæ amoenissimæ impendebāt; aut nimīā eiusdē literæ repetitionē: quale est: O' Tite tute Tati tibi tāta Tyrāne tulisti. Hæc aut his similia uitia, dilucida de dicturis scripturis ue, magnopere fugiēda erūt. Dāda item

da item in contextu opera est, ne minus significantia, plus significantibus uerbis postponentur: sed hæc illis: ut Cicero in Antonium. Tu inquit istis faucibus, istis lateribus, ista gladiatoria totius corporis firmitate. Hic si uerborum ordo inuertatur, cum insurgere debeat oratio, ridicula, minusq; dilucida collocatio foret. Quinetiam commodissime uerbis sensum claudimus: inest enim ijs maior quædam uis, quæ in claudendo consistendoq; animis hominum imprimitur maxime: quemadmodum Cicero his in Antonium uerbis: Vt tibi necesse esset, in conspectu populi Ro. uomere. Hunc si ordinem inuertas, uerbumq; transferas, minus uirium habebit oratio. Verum si durius forte uerbum existat, & hic, ut passim, numeris erit seruiendum. Plurimum ad perspicuitatem momenti, & in ducenda periodo positum est: quæ si longius ducatur, quàm uno spiritu pronuntiemus, periculum, ne minus auditor intellectu sequatur. Hanc Cicero de oratore, quatuor hexametrorum uersuum modo dicit constare. Verum id de iusta & mediocri, cum sæpe ultra citraq; consistatur, accipiendum est. In breuiori ambitu, ne breuitas aures defraudet, in longiori, ne obtundat danda opera erit. Conflatur autem commatis & colis periodus. Comma, quod nostra lingua incisum est, id esse dicimus, cum in dicendo, sententia omnino imperfecta breuem moram facimus: quæ & in scripto, quo res magis dilucida existat, notari solet. Colon autem est, quod membrum

nos dicimus, cum utcunq; perfecta sententia, moram facimus : quam & suis notis signāt scriptores. Huius rei hoc sit exemplum. Cum in amicorum urbem uenisssem, nihil prius duxi, quàm mei amantissimos statim conuenire. Hic duo sunt commata, post uerbum uenisssem, & duxi, colon autem, post conuenire, ubi sensus quidem est expletus, sed tamen cui adjici commode possit : quod si fiat, excedet in periodum, quæ constat commatis & colis. Ex pluribus sæpe, & solis commatis conficitur periodus : qualis est hæc Ciceronis. Quanquam mihi semper frequens conspectus uester multo iucundissimus, hic autem locus ad agendum amplissimus, ad dicendum ornatissimus est uisus Quirites, tamen hoc aditu laudis, qui semper optimo cuiq; maxime patuit, non mea me uoluntas, sed meæ uitæ rationes ab ineunte ætate susceptæ prohibuerunt. Cæsim hic dixit Cicero : quando postremū tandem uerbum, totam complectitur sententiam. Cæsim autem & membratim idem statim pro Cluentio : Animaduerti iudices, omnem accusatoris orationem, in duas diuisam esse partes : quarum altera mihi niti, & magnopere confidere uidebatur inuidia iam inueterata iudicij Iuniani : altera tantummodo consuetudinis causa, timide, & diffidenter attingere rationem ueneficij criminum : qua de re lege est hæc cōstitutata quæstio. Hæc periodus tribus constat membris, nempe post, partes, Iuniani, & criminum : reliqua incisa sunt omnia. Est ubi ex pluribus commatis & colis

& colis constat : & his quidem præcedentibus , illis
 sequentibus. Quousq; tandem Catilina abutere pa-
 tientia nostra ? quandiu nos etiam furor iste tuus elu-
 det ? quem ad finem sese effrenata iactabit audacia ?
 nihil ne te nocturnum præsidium palatij , nihil ne
 urbis uigiliæ , nihil timor populi , nihil concursus bo-
 norum omnium , nihil hic munitissimus habendi se-
 natus locus , nihil horum ora , uultusq; mouerunt ?
 Est ubi ex uno atque altero commate saltem constat :
 ut eiusdem contra Rullum Tribunum plebis exor-
 dium. Commodius fecissent Tribuni plebis Quiris-
 tes , si quæ apud uos de me deferunt , ea coram potius
 me præsentem dixissent. Quemadmodum ex uno cõ-
 mate , quod sententia desideretur cõfici periodus ne-
 quit , ita cur ex solo membro non possit , nihil uetat :
 cuius rei scripta à Cicerone ad Terentiam suam epis-
 stola , nobis sit documẽto. Valetudinem tuam uelim
 cures diligentissime. Colon id est , quod membrum
 nos dicimus , atque ab ijs , quæ subijcit omnino seiun-
 ctum : subijcit autem. Nam mihi & scriptum , & nun-
 tiatum est , te in febrim subito incidisse. Huiusmodi
 periodis idẽ , cum & alibi passim , & scripta ad L. Lu-
 ceium epistola est usus. Coram me tecum hæc eadem
 agere sæpe conantem deterruit pudor quidam penẽ
 subrusticus , quæ nunc expromam absens audacius.
 Membrum est , atque adeo periodus : ut quæ ab ijs ,
 quæ sequuntur , seclusa omnino est , atque seiuncta.
 Interdum singulis uerbis constat : ut , diximus testes
 dare

dare uolumus. Hæc, & his similia, cum undiq; libera existant, incisaq; & membra propterea dici nequeant, quod sui ambitus partes hæc esse intelligantur: periodos certe breues, simplicesq; quarum Cicero, dum breuissimas duobus ex membris constare disputat non meminit, cum Aristotele appellandas esse puto. Is nanq; tertio rhetoricorum, ipsam periodum, aut ex pluribus colis, aut ex uno tantum constare dicit: quam ἀφελῆ, & μονόκυλον ille, nos simplicem & unis membrum uocemus. Verum non pugno, si quis cola, membraq; dici malit. Sæpenumero profecto simplex hæc, classicis in autoribus deprehenditur: præsertim ubi narrant. Quare non in epistolis modò, sed & in historia, ijsq; in orationis locis, ubi aut narrat, aut argumentis pugnat orator, sæpius occurret. Siue igitur breuior hæc, longior'ue existat, diligenter semper dicturis, scripturisq;, illis respirandi mora, his scripturæ nota distinguenda erit: quod si ulla alia, hac maxime re, dilucida perspicuaq; reddatur oratio. Nisi enim his discriminetur notis, obscura perplexaq; sit, ubi passim impingas, necessum est: qualem Herodoti, Thurijs, cæterorumq; omnium uetustiorum, temporis uitio fuisse Aristoteles tradit.

De numeris & pedibus in oratione seruandis.

CAP.

XXXII.

NVmeros etiam, pedesq; in oratione, quo magis delectet, seruandos esse autores tradunt. Huius autem rei Isocratem primum doctorem, Thrasimachusq;

chicæ & Gorgiae, qui ante eum infelicitè inchoassent, reprehensorem extitisse, Cicero de oratore testatur. Seruandos autem esse uolunt, cum in principio, & medio, tum maxime in fine periodi: ubi moram trahit orator. Aristoteles paucos admittit, heroum nempe, & duos pæonas: quorum alterum, qui ex prima longa, & tribus breuibus constat, ut hoc uerbum, incipite, initijs aptum, alterum, ex tribus primis breuibus, & ultima longa, ut hoc uerbum, domuerāt, clausulis accommodatū esse tradidit. Iambū autem, quem uulgarem, & trochæum, quem *νοδ' αλκυοντος* appellat, minus probat. Noster Cicero, cui & astipulatur Fabius, quemadmodum quos Aristoteles reijcit, perdes admittit, ita & pæonibus, quos ille maxime probauit, alios utiliores esse contendit. Creticum namq, cum initijs, & clausulis bonum, tum dichoreo, quem & ditrochæum uocamus, optime cludi posse docet. Hinc statim scriptum de oratore ad Quintum fratrem dialogum orditur: Cogitanti mihi sæpenumero, & memoria uetera repetenti, perbeati Quinte frater, illi uideri solent, qui in optima Repub. cum & honoribus, & rerum gestarum gloria florerēt, eum uitæ cursum tenere potuerunt, ut uel in negotio sine periculo, uel in otio cum dignitate esse possent. Principium creticus est; finis, cum ultimam Cicero indifferentem haberi uult, ditrochæus; seu trochæus & spondeus. Proxima item periodus à cretico incepta, & ditrochæo est finita. Ac fuit tempus illud, cum mihi quoq,

initium requiescendi, atq; animum ad utriusq; nostrū
 præclara studia referendi, fore iustum, & propè ab om-
 nibus concessum esse arbitrarer: si infinitus foren-
 sium rerum labor, & ambitionis occupatio, decursu
 honorū, etiam ætatis flexu constitisset. Sed quos quo
 in loco pedes nostri locandos esse uoluerint, ostenda-
 mus. Scripto ad Quintum fratrem de oratore dialo-
 go Cicero principijs pedes tribuit heroos, spondeū,
 pæonē illum, qui ex prima longa, & tribus sequentis-
 bus breuib; cōstat, & creticū. Clausulis autem cho-
 reos, hoc est dichoreum, seu ditrochæum, heroos,
 pæonem alterum, qui ex primis tribus breuib; ul-
 tima longa fiat, & item creticum, qui prima & ultima
 longis, breuem habet mediā, assignat. Idem autem
 Cicero de Oratore libro, præter hos ipsos, quibus clu-
 dendum esse uoluit, iambum etiam, & tribrachū clau-
 sulis, ubi maxime animaduernerentur, attribuit. Por-
 ro Fabius Quintilianus hunc sequutus, nullos non
 pedes cadere in orationem meo quidem iudicio non
 male disputat: miraturq; autores certos quosdā præ-
 scripsisse: quasi essent, quos arceri ab oratione oport-
 teret. Nam cum oratio soluta esse debeat, certis astrin-
 gi pedibus non debet: quod qui ex Græcis facere cœ-
 perunt, suo iure sunt derisi. Et ex nostris C. Carbo
 Tribunus plebis, ut de Oratore testatur Cicero, cum
 pro cōcione diceret, sæpiusq; dichoreo uteretur, stre-
 pitu clamoreq; à multitudine excitato, est interturban-
 tus. Cæterum Fabius, dum omnes pedes in orationē
 cadere

cadere recte quidem docet, hoc ipso mihi peccare uis-
detur, quòd, cum uideret Ciceronem præcepisse, pro-
ximos postremis, unum, aut duos superiores esse spe-
ctandos, nec tamen hos indicasse, ipse, qui penultimi
essent, certos quosdam præscribere nobis coeperit.
Nam penultimos esse quærendos, ultimis, ubi maxi-
me numerus sentiatur liberis, non puto: neq; ibi ma-
gis seruitutem, quàm hic, cum ipse præsertim nullam
admittat, esse oportere. Cum igitur omnes in ora-
tionem pedes cadant, nec certis ex his sæpius sit uten-
dum, quod de industria crebro positi, atque iterati,
fatient & fastidium adferant, nemo profecto in quæ-
rendis locandisq; ijs sollicitus erit: quod ultro ipsis,
quibus animi sensa explicantur uerbis inclusi, sese no-
bis, uel non uocati offerant. Quare, si quod res est fa-
tendum est, inanis propemodum omnis de ijs præce-
ptio est. Nam cum omne uerbum, aut ex longis, &
breuibus, aut ex his solis, aut illis constet, fieri non po-
test, quin uel rudissimi cuiusq; oratio numeros pe-
desq; habeat. Nec uero hos in Herodoto, qui nullius
rei minus, atque huius curam habuit, desideramus.
Equidem numerosam orationem esse oportere non
negauerim, sed idem dixerim, ijs potius, quorum sus-
pra meminimus, & similibus confici: si latinis, pro-
prijs, atque usitatis uerbis constet: si nec consonan-
tium asperos, nec uocalium hiulcos habeat concursus;
si non repetitionibus abundet: si non leuiora in
contextu grauioribus postponentur, sed ut quæq;

res postulet, apte omnia locentur: si non longior breuior'ue, quam conueniat, periodus ducatur: uerbisq̃, nisi asperitas obstet cludatur. Quod si fit, cum uerbis, quibus mentis concepta explicamus inclusi numeri sint, hoc assequemur, ut nec numerus desideretur, nec rebus cognoscendis intentum auditorem, lectorem'ue frustremur.

De figuris, quæ duo in genera, uerborum & sententiarum sparguntur. CAP. XXXIII.

Discendum subinde de figuris erit: quibus nō modo amplificatur oratio, sed & exornatur maxime. Schemata autem alia *λεξίς* esse, hoc est uerborū, alia *διδασκαλία*, hoc est sententiarū, sensuumq̃, tum Græcis, tum nostris placuisse uideo. Inter hæc autem, hoc discriminis Cicero tertio de Oratore, & Aquila Romanus esse dicunt, quòd uerborum figura tollatur, ipsa si uerba aut mutes, aut aliò transferas: sententiarum uero permaneat, quibuscunque uerbis uti uelis. Cum igitur schemata aut in uerbis, aut in sensu consistant, primum de uerborum schematis dicemus: quæ quòd uerbis tantum accidant, parum corpus orationis extendunt: deinde quæ sententiarū sunt subijciemus: quibus, cum non modò oratio augeatur, sed & plurimū exornetur, quòd non nisi ex locis fieri iam dudum docetur, quæ quibus ex locis sumpta sunt ostendemus. Singula porro ad eos, quos supra exposuimus locos, quo magis ipsorum uis declaretur exigemus.

De uerb

De uerborum figuris. CAP. XXXIIII.

INter uerborum igitur schemata, maximam gratiam habent, quos Græci *τρόποις* uocant. Sunt autem *τρόποι*, cum nunc uerbi, nunc sermonis natia propriaque significatio, in non propriam transfertur.

Huius generis sunt

Μεταφορά.
Συνεκδοχή.
Μετωνυμία.
Μετέλληψις.
Ἀντωνομασία.
Ὄνομα τοποιία.
Κατὰχρησις.
Ἀλληγορία.
Ὑπερβολή.

METAPHORA est, cum uerbi, seu nominis propria significatio, in non propriam transfertur. Fieri autem id autores dicunt, nunc uocabulorum penuria, nunc explicandæ augendæque rei causa. Penuria dicimus, generosum equum: durum hominem: & in uitibus gemmam: pascere apes: luxuriare, & sitire agrum: gemmare uitem: & equitare eum, qui a sino insidet: quæ, & his similia, alijs uerbis reddere non possumus. Explicandæ autem, atque augendæ rei causa, dicimus aliquem ira accensum: lumen eloquentiæ: belli fulmen. Atque hoc genus metaphorarum, quando aliqua ex parte orationem extendit, ex comparationis seu similitudinis loco sumitur. Siue enim dicas, Cicero est ueluti lumen eloquentiæ, quæ similitudo est: siue est lumen eloquentiæ, idem est. Verum quod breue, contractumque id sit, & à nostris

breuis est similitudo uocata. Sumitur uarie metaphora : à bruto ad hominem : ut si gannire, pro ineptire, & oblatrare, pro aduersari dicas: aut contra, si uulpē, perfidum : & cygnum, canorum appelles. Sumitur & magna cum gratia ab animali, ad inanimatum : ut terris irascitur aer : & ponto nox incubat atra. Aut contra : ut, florida ætas : uiridisq; iuuenta. Ducitur & ab animali ad animal : ut si equum incedere, aut currere, quod hominum est, aut uolare, quod auium est, dicas : & pascere apes. Iam & ab animato ad inanimatum : ut si orationem fluere, & odium suppullulascere dicas. Porro summum lumen orationi adfert recte accommodata : plurimumq; cum oratores, tum poetæ hac maxime re delectant. Danda autem opera est, ne aut dura, aut longius petita, sordidaq; sit: quali ille est usus, qui Scipionis morte, castratam Rempub. dixit.

SYNECDOCHE est admodum autoribus familiaris tropus, cum pars pro toto accipitur: ut tecta, pro ædificijs. Totum pro parte : ut apud Poëtam: ingens à uertice pontus. Numerus pro numero : ut Romanus prælio uicit, pro Romani : & oratores uisus sumus, de se solo Cicero dixit. Species pro genere : ut pocula Acheloia poeta pro quauis aqua dixit. Genus pro specie : ut ferrum pro gladio. Continens pro contento : ut Roma olim caput rerum, pro Romani. Deniq; quotiescunq; aliud est ex alio intelligendum.

METONYMIA superiori uicina est, cum inuicem
torem

torem, pro re inuenta, aut cui præsidet ponimus : ut Bacchum pro uino : Cererem pro frumento: Neptunum pro mari : Martem pro bello.

METALEPSIS est, cum à causis efficientibus, effecta indicamus : ut pallida mors. Pallentesq; habitant morbi, tristisq; senectæ. Morbi nanq; & senectæ, pallentes & tristes reddunt.

ANTONOMASIA est, cum breui uerborum circuitione, & descriptione, personam significamus: ut si Troiani belli scriptorem, pro Homero, & eloquentiæ Principem, pro Cicerone dicamus.

ONOMATOPEIA est nominis fictio, nobis non iuxta ac Græcis concessa. Huius generis sunt, mugitus, sibilus, & hinc uerba mugire, sibilare, conficta ex animantium uoce. Hunc in modum & personatos, laruatos, nummatus, laureatosq; dicimus: quæ quanquam à uerbis deducta participia uideantur, tamen unde cadant, uerba desiderantur. Et hoc tempore bellicum instrumentum, bombardam uocamus.

CATACHRESIS est uocabuli abusio : ut si hominis uires breues, & longum consilium dicamus. Quin & per hanc figuram, pro uirtutibus uicina uitia accipimus : dum audaciam, fortitudinem : prodigalitatem, liberalitatem dicimus.

ALLEGORIA est, cum aliud, quàm uerba præ se ferunt intelligi uolumus : hac, omiſſa altera collationis parte, nunc similitudinem, nunc contrarium significamus. Similitudinem hoc pacto : si canes

nes fungantur officijs luporum, cuinam præsidio pe-
 cuaria credemus? Huius generis & illa sunt, pedem
 conferre: pro eo quod est argumentis confutare: &
 iugulum petere: pro eo quod est firmis argumentis
 aggredi. Contrarium autem innuimus, si impium,
 qui patrem uerberauerit, Aeneam uocemus, quem in
 patrem pijsimum extitisse constat. Verum hoc pos-
 sitremū, Ironiam licet uoces: quā allegoriæ subijciūt.

ΜΙΜΗΣΙΣ cognata ironiæ est, quando alterius uer-
 ba, seu gestū imitamur: quod ferè deridētes impro-
 bantesq; facimus. Hac usus figura Phædria Teren-
 tianus, Thaida suam corripit his uerbis.

At ego nesciebam quorsum tu ires: paruula
 Hinc est abrepta: eduxit mater pro sua:
 Soror est dicta: cupio abducere, ut reddam suis.

AENIGMA allegoriæ quoq; adiungunt. Est nāq;
 perplexa allegoria: atque adeo, nisi suo loco posi-
 tum, omnino uitium.

Dic quibus in terris, & eris mihi magnus Apollo,
 Treis pateat cœli spatium, non amplius ulnas.

HYPERBOLEN tropis attribuunt: qua quæ
 uolumus, nunc attollimus, nunc diminuimus. Hac
 figura, quanquam corpus orationis nonnihil augeas-
 tur, tamen cum ornatus is in uerbis sit, quibus gra-
 uioribus hic, quàm ueritas requirat utamur, à tropis
 non separandam putauī. Huius generis sunt: ferit
 aurea sidera clamor: uix oīsibus hæret: geminiq; mi-
 nantur in cœlum scopuli, Interdum nonnihil uirium

ex comparationis loco sumit: ut, Nestoris ab ore sermo melle dulcior fluebat.

ἈΥΞΗΣΙΣ superiori uicina, cum pro proprio, grauiori uerbo utimur: ut si improbū, latronem: læsum, uulneratum dicas.

Hactenus de ijs λέξεις figuris, quas ῥόγους illi uocant: quæ sequuntur, grammatices præcepta sapiunt, unde petendæ sunt. Quod genus sunt, Syncope, Epenthesis, Aphæresis, Anastrophe, Hyperbatō, Eclypsis, Aposiopesis. Hypallage itē huc pertinet, quæ poëtis permittitur: & est inuersa sententia: ut dare classibus austros.

ὁμοιοτέλειον, quo & ὁμοίωμα, quod in casibus fit accipitur, est quando in similes casus, seu uerba, alias uē uoces desinit oratio: ut perditissima ratio est, amorē petere: pudorem fugere: diligere formā: negligere famā. Hoc exemplo utrūq; docetur, cum in similes casus & uerba desinat oratio.

ἈΣΥΝΔΕΤΟΝ est, quo festinātes utuntur, cū sine cōiunctionibus enūtiatur oratio: ut, Ferte citi flāmas, date tela, impellite remos. Nostri Articulum uocant.

ΑΝΑΦΟΡΑ est repetitio, quæ ut nūc in principio, nunc in fine, alijs atq; alijs modis fit, ita Græci uaria nomina dantes, tum πλοκῶν, tum παλινλογία, tum ἐπανάλυψις, tum ἀναδίπλωσις, tum προεπίδοσις, tum ἀντιστροφῶν, tum συμπλοκῶν appellant. Quæ cum parum inter se differant, satis est, quoties aliquid suis de causis repetitur, Anaphoram uocare: ut, Verres calūniatorē

s oppon

opponerebat: Verres de causa cognoscebat: Verres pronūtiabat. Itē, quis legem tulit? Rullus: quis tribus fortitus est? Rullus: quis decēuiros creauit? Rullus.

De figuris sentētiarū, qbusq; ex locis cadāt. CAP. XXXV,
Sententiarum autem schemata sunt, quibus oratio, ueluti corpus, grādescit & splēdescit maxime. Inter has insigne amplificandi lumen descriptio est, quam *ὑποτίπνωσις* Græci uocāt: qua res, omnibus explicatis circūstantijs ita depingitur, ut non narrari, sed geri ui deatur. Describūtur autem, tum personę, quas *πρὸς ὅσους* *προγραφίας* illi uocāt: quales sunt Annibalis apud T. Liuium: Therisitæ, & aliorum principū apud Homerū. Tum loca, quas *ὑπογραφίας* uocāt, si certa sint: ut regio num, urbīū, portuū, aliarumq; id genus rerum descriptiones passim apud autores: si uero ficta, *ὑποθεσίαις*: ut Cumææ Sybillæ antrum apud Maronē: & Regia solis apud Nasonem. Tum tempus, quam *χρονολογίας* dicunt illi: qualis est apud Maronem:

Vere nouo gelidus, canis cum montibus humor
 Liquitur, & Zephyro putris se gleba resoluit:
 Deniq; describūtur res omnis generis: passimq; autores, copiosa descriptione, res ueluti ob oculos ponūt: ut T. Liuius primo libro, cū & alibi passim, certamen tergeminorū fratrum Horatorū, & Curiatorū, in medio duorum exercitū confessu pro imperio, summaq; rerum dimicantiū: & noster uates Troiæ excidiū. Nā cum paucis urbem dolō à Græcis captam explicare Didoni potuisset, equum ligneū describit; Sinonem dolo

dolo instructū superinducit: quę deinde urbis flāme, quis ruentiū ædiū, templorūq; fragor, qui irruentiū resistentiumq; animi, quæ passim fugientiū, morientiumq; species extiterit, pluribus expressit. Sumitur autē *ἡ ἀπὸ τοῦ τοῦ* ex adiunctorū loco. Necq; enim aliūde T. Liuius Annibalē nobis describere, quā cū à corporis, tum animi uirtutibus uitisq; potuit: nec aliūde regiam solis Naso, quā ex quibus rebus constaret. Quarū personarū, locorum, urbium, factorū, deniq; omnis generis rerū, præsertim quæ cerni, tangiq; pos sunt, hoc ex loco, qui omnes cōplectitur circūstātiās, descriptiones petūtur. Verū uirtutes, uitiaq; quæ cerni oculis nequeūt, à causarū & euentorū loco, nēpe ab ijs, quæ in animis hominū efficiūt, cū aliunde non intelligamus, ferē describimus. Vt si iustitiā describas, quā hęc uirtus homines in officio retineat, nec alij alijs suū eripiāt, alij alios lædāt, pluribus erit depingēdū. Est nanq; descriptio, rhetorica definitio: atq; adeo per se locus: qui tamē rerum copiā sumit ab adiūctis. Hinc Naso inuidiā, & Maro liuorem ita descripsit: Liuor tabificum malis uenenum:

Intactis uorat ossibus medullas.

Reddit enim tabidos liuor. Quod si uero quę impen deant, suisq; de causis futura sint diuinemus, & ab euentis descriptio sumetur: ut illa apud Ciceronē, cui & exprimēde rei causa, similitudo est admixta. Quod si istum iudices, uestris sententijs liberaueritis, statim, sicut ex cauea leo missus, aut aliqua teterrima belua,

soluta ex catenis uolitatibit, & uagabitur in foro, acuēs dentes multos in cuiusq; fortunas: in omnes amicos, atq; inimicos, notos atq; ignotos incurſans: aliorum ſamam depeculans: aliorum caput depugnans: aliorum domum, ac omnem familiam perfringēs: Rems pub. funditus labefactans. Hic quæ euentura incommoda eſſent, ſi malum hominem ſuis ſententijs liberarent, multis deſcribit uerbis.

INCREMENTVM eſt, cum grauioribus uerbis, inſurgit increſcitq; oratio: ut Facinus eſt uincire ciuem Romanum: ſcelus uerberare: parricidium necare: quid dicā in crucem tollere: Id ſingulis interdū fit uerbis, ut ueni, uidi, uici. Sumitur autē ſchema hoc ex alijs atq; alijs locis. Prius ex definitionis loco ductum eſt. Sunt nanq; conglobatæ definitiones. Poſterius ex adiunctorum loco: nempe factis, rebusq; geſtis, quæ ijs, de quibus dicitur perſonis adiacēt. Interdum & ex comparationis loco ſumitur: ut illud Ciceronis in Verrem. Non enim furem, ſed raptorē, non adulterum, ſed expugnatorem pudicitiae, non ſacrilegum, ſed hoſtem ſacrorum religionumq; non ſicarium, ſed crudeliſſimum carnificem ciuium, ſociorumq;, in ueſtrum iudicium adduximus.

CONGRIES, quam *συνάθροιςμος* illi uocāt, eſt uerborū, ſentētiarumq; idem ſignificantīū coaceruatio: & eadē cum expolitione. Huius rei, hoc nobis ex oratione pro Ligario ſit exēplū. Quid enim tuus ille Tubero diſtriētus in acie Pharfalica gladius agebat: cuius

cuius latus ille mucro petebat; qui sensus erat armorum tuorum; quæ tua mens; oculi; manus; ardor animi; quid cupiebas; quid optabas; Vno hic in loco, sententiâque manetur: quæ alijs atque alijs, idem ualentibus uerbis inculcatur. Sumitur autem sæpius ex adiunctorum loco: sed & ab alijs potest.

SENTENTIA etiam, quam γνώμη illi uocant, ornatur oratio. Vt amicitia est, idem nolle, & idem uelle. Mors miseria nulla est, sed ad mortem aditus. Sumptæ hæ sunt ex definitionis loco: sed & ex alijs possunt. A' causarum & euentorum loco illud est. Obsequium amicos, ueritas odium parit.

ACCLAMATIO, quam ἐπιφώνημα uocant illi, est qua amplificamus, dictorum clausula quædam brevis, superiori figuræ omnino uicina: ut, Tantæ molis erat Romanam condere gentem. Adeo in tenebris assuescere multum est.

AETIOLOGIA est dictorum ratio, causâque subiecta: ut si postquam dixeris, pauciores id temporis mathemata sequi, causam subiicias, non posse fieri, ut ea in re sibi quisquam elaborandum putet, cui nec honorem, nec præmia satis digna constituta esse intelligat. Sumitur, quod & ipsa uis uerbi dicat, a causarum loco.

DISTRIBVTIO, quæ ab illis μερισμός dicitur, est qua & mire augetur exornaturque oratio, cum summam rei, totumque in partes dispartimus: ut Tota ciuitas euersa est: deiecta moenia: portarum turriumque

s 3 ruina

ruina impletæ fossæ: ciuium tecta, deorumq; templa, partim flamma absumpta, partim manu subuersa, atque disiecta: deniq; omnia publica, priuataq; solo sunt æquata. Item totus monstrum est: os, humeri, uenter, manus, pedes: & cætera. Sumitur distributio à partium enumeratione, atque adeo ab adiunctis.

GRADATIO est, quæ ab illis κλίμαξ dicitur, cum à uerbis in uerba subinde grauiora ascendit oratio: ut Africano industria uirtutem, uirtus gloriam, gloria æmulos comparauit. Torua leæna lupum sequitur: lupus ipse capellam. Item quæ reliqua spes libertatis manet, si illis, & quod audent, & quod libet, licet, & quod licet, possunt, & quod possunt, audent, & quod audent, faciunt, & quod faciunt uobis molestum non est: Sumitur ferè ab adiunctis, & euētis: quod ipsum, & his declaratur exemplis.

CONTRARIUM, quam & contentionē nos, illi ἀντίθεσις uocant est, cum pugnantibus inter se rebus dilatatur oratio: ut, In ocio tumultuaris, in tumultu solus es ociosus: in re frigidissima cales, in feruentissima friges: tacito cum opus est clamas, cum loqui opus est obmutescis: ades, abesse uis: abes, reuertī cupis: in pace bellum quæritas, in bello pacem desideras: in concione de uirtute loqueris, in prælio per ignauiam tubæ sonitum perferre nō potes. Quo autem ex loco ducatur ipsa uox indicat.

INVERSIO est, cum quæ contra nos adferuntur, pro nobis facere docemus: ut si alter Germanos parum

parum religioni deditos disputet, quòd in hac multa mutari uelint; alter autem, hoc ipso maxime pios esse contendat, quòd abusum tolli uelint, A' contrariorū hæc sumitur loco.

CORRECTIO est, quam illi ἐπανόρθωσις uocāt, quæ quod dictum est tollit, atque aliud pro eo idoneum magis reponit: ut, si ille ab amicis petisset, quid dico petisset? saltem fortunam suam indicasset, suis rebus optime consulisset. Sumitur autem ab adiunctis, nempe rerum circumstantia.

PARENTHESIS quoque, nulli non nota, auget aliqua ex parte orationem, dum periodis inseritur. Sumitur item ab adiunctis.

ΔΙΑΣΥΡΜΟΝΕ eleuatio est, qua grauiora in nos alata argumēta, quæ diluere labor est, eleuamus & contemnimus: nihil attinere ad ea respondere, quæ nihil ad rem facerent. Eleuanda autem res est ab adiunctis, à contrarijs, alijsque ex locis.

PRAETERITIO παραλείψις ab illis dicta, cum dicimus nos præterire ea, quæ maxime dicimus: Ut nō dico quàm fœde à puero uitam institueris: quàm parentes uerberaueris: quàm omnibus bonis posthabitis studijs, turpissimas quasque corporis uoluptates secutus sis. Sumitur schema, dum hominum facta insectamur, ab adiunctis.

OCCUPATIO illis προκατάληψις est, cum tacitæ obiectioni occurrimus: eaque, quæ obijci possent, præuenientes diluimus. Sæpius hac autores utuntur: &
Cicero

Cicero usus est in Pompeiana, cū aliās passim, postquam à L. Lucullo Mithridatem regno pulsum dixisset, ne bellum, quod maximum uideri uoluit, cuius summum ducem Cn. Pompeium præfici uoluit, eleuasse uideretur, subiicit. Requiritur fortasse, quēadmodum, cum hæc ita sint, reliquum possit esse magnum bellum: & quæ sequuntur. Sumitur à causæ personarumque circumstantia: hoc est ab adiunctis.

CONCESSIO est, qua aliquid concedimus, quo ea, quæ uolumus, magis aut impugnemus, aut recte facta defendamus. Cicero quidem concessit Milonem interfecisse Clodium, sed iure fecisse idem pluribus edocuit. Sumitur ut superior, ab adiunctis.

COMPARATIO grauissimum amplificandi lumen est. Quid enim comparatione non splendet, increscitque plurimum? Totam ferè pro Marcello orationem, hinc instructam esse diximus. Quantam autem & pro Muræna hinc copiam sumpsit orator, iurisprudentiam cum re militari conferendo, argumento est ipsa oratio. Cum autem locus sit, supra quæ hinc augendi ratio sit, satis ostendimus. Verum animaduertendum est, nunc ad exornandum solum, nunc ad probandum nos collationibus uti.

SIMILITUDO itidem ut comparatio, nunc ornandi solum, nunc confirmandi causa adhibetur: unde & exempla cadunt, quibus eodem pacto res, modò illustramus exornamusque, modò uerisimiliores probabilioresque reddimus.

Proso

PROSOPOPEIA est, cū modo defunctis exci-
tatis, modo Patriæ rebusq; inanimatis personā, ora-
tionemq; tribuimus: grauissimum schema, & ad or-
nandum, & ad commouendum. Cicero Patriam in
Catilinam loquentem introduxit. Maro Famæ per-
sonam uerbaq;, Naso suo de tristibus libello tribuit.
Sumitur autem ab adiunctis.

INTERROGATIO Græcis ἐρωτιμα, non sim-
plex schema est, orationemq; auget, sed cum instādi
causa plures conglobatæ admouentur: quale illud:
Quid enim tuus ille Tubero districtus in acie Phar-
salica gladius agebat? cuius latus ille mucro petebat?
qui sensus erat armorum tuorum? quæ tua mens?
Materiam sumit ab adiunctis.

EXCLAMATIO est, quæ Græcis ἐκπαύσις, qua
animi nostri dolorem indignationeq; significamus:
qualis illa Ciceronis in Catilinā: O tēpora: o mores:
Senatus hoc intelligit: Consul uidet: hic tamen uiuit.
Et hoc schema ab adiunctis res mutuatur.

SVBIECTIO est, quando quod obijci nobis
potest, ipsi quærimus, & statim id subijcimus dilui-
musq;: quale illud est: Quid me facere conueniret, cū
à tanta Gallorum multitudine circūfederer? an dimis-
carem? at cum parua manu tum prodiremus, locum
quoq; inimicissimū habebamus. Sederem in castris?
at neq; subsidiū quod expectarem, habebamus, neq;
erat quo uitam produceremus. Castra relinquerē: at
obsidebantur, Vitam militum negligerē: at eos uides

t bar acce

bar accepisse ea conditione, ut quoad possem incolu-
mes Patriæ & parentibus conseruari. Hostium con-
ditione repudiarem: at salus antiquior est militum,
quàm impedimentorum. Prædicat hoc schema Cice-
ro, ut quod multum acrimoniæ, & grauitatis ad ex-
ornandum adferat. Sumitur autem à rerum circums-
tantia: hoc est ab adiunctis.

APOSTROPHE est, cum ab eo, apud quem di-
cimus, ad alium orationem conuertimus: ita Cicerò à
Cæsare ad Tiberonem conuertit orationem. Habes
igitur Tubero quod est accusatori maxime optan-
dum, confitentem reum: sed tamen hoc ita confiten-
tem, se in ea parte fuisse, qua te Tubero, qua uirum
omni laude dignum patrem tuum. Materiam item
ab adiunctis sumit. Interdum simplex est, parumq[ue]
orationem extendit.

PROPOSITIO, quanquàm Cicerò inter senten-
tiarum figuras locet, schema non est. Neq[ue] enim quicq[ue]
exornat, sed quid dicetur, auditorem seu lectorē bre-
uiter docet. Reddimus autē nobis attētos, & dociles,
summam rei paucis proponēdo. Quare non rhetores
modò, sed & poëtæ principio summā euentorū, quæ
pluribus exposituri sunt, uel antequam causas expli-
cant, paucis proponūt. Verum & toto orationis cor-
pore, sæpe aliquid proponendum est. Titus Liuius
palsim ferè, rerum gestarum euentorumq[ue] summam,
breuiter proponit. Qua re hoc assequitur, ut semper
rerum cognoscendarum quadam uoluptate, in legen-
do lect

do lectorem retineat.

TRANSITIO est, cū quid dixerimus, & subin-
de dicturi sumus, breuiter indicamus: ut, Satis mihi
multa uerba fecisse uideor, quare hoc bellum esset ge-
nere ipso necessarium; magnitudine periculosum: res
stat, ut de Imperatore ad id bellum deligēdo, ac tantis
rebus præficiendo dicendum esse uideatur. De hac
autem idem, quod de propositione iudico.

EGRESSIO, quam modò excursum, modò di-
gressiōem uocant, Græci *παρεκβασις*, mirum in mo-
dum orationem extendit. Est autem egressio autore
Fabio, alienæ rei, sed ad utilitatem causæ pertinentis,
extra ordinem excurrrens tractatio. Excurrimus au-
tem, nunc in personarum laudem: qualem Cn. Pom-
pei pro L. Cornelio Balbo Ciceronis oratio cōtinet:
nunc locorum, atq; regionum, ut Siciliæ apud eun-
dem in Verrinis prædicatio. Deniq; in laudē omnis
generis rerum digredimur. Pro Archia poëta Cice-
ro, in commendationē studiorum humanitatis, à cau-
sa est digressus. Nec in harum rerum laudem modò,
sed & uituperium excursus adhibetur. Sæpe præterea
adhibetur aut ornandi, aut delectandi, aut præpa-
randi causa: ut illa T. Liuij de Lucumonis Tarqui-
nij Romam commigrantis Patria, atq; fortuna egres-
sio, altiusq; petita oratio. Sumitur autem ex adiuncto
rum loco: qui omnium horum, personarum, re-
rumq; ab ijs gestarum, temporum præterea, loco-
rumq; describendorum nos admonet. Verum cum
t 2 & in

& in locos communes excurramus, ne quis hos diuersos ab ijs, quos suprà explicuimus, quibus ut omnia, simul & hi continētur, qui sint, & unde cadant dicendum est.

Quid loci communes, & unde cadant.

C A P. XXXVI.

IN locos communes digredientes, mirum in modū orationem locupletamus. Aphthonius locum communem his definit uerbis: κοινός δὲ τόπος, λόγος αἰετῆς καὶ πάντων ἡνικαὶ καλῶν ἢ κακῶν, hoc est, communis locus oratio est amplificatoria, existentium alicui bonorū, aut malorū. Dici autem ita, idem subiicit, quod communes omnibus sint eodem in negotio uersantibus. Si quidem in proditorem, sermo omnibus idem, eam agentibus causam conuenit. Bona igitur & mala, quę hominibus adiacent, ut iustitia, prudentia, temperantia, fortitudo, innocentia, constantia, magnanimitas, misericordia, humanitas, pietas, clementia, luxuria, superbia, petulātia, ebrietas, ignauia, crapula, periuriū, parricidiū, proditio, cædes, perfidia, adulteriū, sacrilegium, aliāq; id genus innumera, cōmunes loci sunt. In his autem omnibus, & similibus, nihil dubij est. Nemo enim est, qui non uirtutes laudandas, & contra uitia uituperāda putet. Sunt & nonnulli controuersi, minusq; certi: ut testimonia, rumores, quæstiones, misericordia. Nam alter testimonijs, rumoribus, quæstionibusq; standum, alter nullam ijs fidem habendam esse disputet. Alter iudicem misericordia moueri

moueri oportere, alter in iudice misericordiæ locum nullum putandum esse contendat : ut quem non ex affectu , sed lege agere conueniat. Cicero ad Herennium, & item de inuentione , cuiusq; causæ propria argumēta proprios locos uocat : quæ uero in omnes alias eiusdem generis causas , aut plærascq; transferri possunt, communiacq; sunt , communes locos secundo de inuentione libro his uerbis appellat: Omni autem in causa, pars argumentorū est adiuncta ei causæ solum, quæ dicitur : & ab ipsa ita ducta , ut ab ea separatim in omnes eiusdem generis causas transferri non satis commode possit. Pars autem est peruagatior : & aut in omnes eiusdem generis , aut in plærascq; causas accommodata. Hæc ergo argumenta, quæ transferri in multas causas possunt , locos communes nominamus. Nam locus communis, aut certe rei quandam continet amplificationem, ut si quis hoc uelit ostendere, eum, qui parentem necarit , maximo supplicio esse dignū : quo loco , nisi perorata & probata causa, non est utendum. Aut dubiæ, quæ ex contrario quoq; habeat probabiles rationes argumentandi : ut suspicionibus credi oportere , & contrā suspicionibus credi non oportere. Hic orator, non solū quid sit, sed & quando utendum docet. Idem hac de re, in eandem sententiam tertio de Oratore his uerbis differit. Consequentur etiam illi loci, qui quanquam proprii causarum , & inhærentes in ipsorum neruis esse debent, tamen , quia de uniuerſa re tractari solent,

communes à ueteribus nominati sunt: quorū partim habent uitiorum acrem quandā cum amplificatione accusationē: aut querelā: contra quam dici nihil solet, nec potest: ut in depeculatore: in proditorē: in paricidam: quibus uti confirmatis criminibus oportet: aliter enim iciuni sunt, atque inanes. Alij autem habent deprecationem, aut miserationem: alij uero ancipites disputationes: in quibus de uniuerſo genere, in utranq; partem differi copiose licet. Haecenus ille. Aphthonio igitur definitore, loci cōmunes sunt adiuncta homini bona & mala: Cicerone uero, qui paulo latioribus uidetur circumscripsisse terminis, argumenta quaedam causis inhærentia, atque adeo aliquibus de rebus quaedam hominum animis acceptæ opinioniones, persuasionesq;: quæ in omnes eiusdem generis causas, aut plærasq; transferri possint: & modò omnino certæ, indubitataeq;, modò ancipites, dubiaq; existant. De certis autem, dubijsq; iam dictum est. Sunt porro omnes hi, philosophici loci: atq; adeo citra certarum personarum complexum, infinitæ theses: dandaq; opera est, ut earum rerum, in quas digrediendo amplificamus, non uulgarem cognitionē habeamus. Neque enim de iustitia, temperantia, luxuria, inuidia, cæterisq; id genus rebus, is probabiliter dicet, qui quantum in animis hominum hi affectus, habitusq; ualeant, minus compertum habeat. Cum igitur loci communes personis, earumq; rerum de quibus agitur, quasi nervis adhæreant, nemo dubitet

tet, omnes hos ex uno illo, quem supra explicuimus adiunctorum loco cadere: qui omnium horum, quæ rebus, de quibus dicitur, scribitur'ue, adiuncta sunt, nos admonet. Hæc de figuris, & ornamentis orationis: quæ quibus ex locis sumantur, obiter indicauimus: quod, dum de amplificatione usuq; locorum scribimus, faciundum esse putauimus: & hoc quidem magis, quod Cicero, scripto ad filium de partitione oratoria dialogo, ubi de peroratione disputat, hæc rerum ornamenta amplificationesq; & ex illis ipsis, unde argumenta ducuntur locis, sumenda esse, non tam commonstrauit, quam præcepit. Adhibentur autem, non modò ad amplificandum, illustrandumq; sed & sæpe ad faciendam fidem, motusq; animorum concitandos. Sed affectus, quanquam hac ipsa rerum amplificatione concitentur maxime, scorsum tamen de ijs paucis nobis dicendum est.

Quid affectus, quot genera, & unde ducatur.

C A P.

XXXVII.

Cum in eloquutione, tria potissimū oratori præstanda sint, ut doceat, delectet, & moueat, & de duobus primis dixerimus, de motu ut paucis dicamus restat. Quanquam ijs ipsis, de quibus diximus, dilucida, numerosa, figurisq; exornata oratione hoc ipsum, motus ut animis adferatur, assequamur maxime. Quem enim miserabilium, indignarū, turpium, superbarumq; rerum, atque similium, perspicua copiosaq; descriptio non commoueat? quem nō similitudi

litudines ducant : quò non egressiones, comparationes, ipsæ deniq; prosopopeiæ, quacuncq; modo incûbant, animos impellant : Quæ, quanquam ita sint, dicendum tamen breuiter, quid affectus sit, quot genera, & unde ducatur. Affectus igitur meo iudicio dici potest, animi motus ad iram, inuidiam, odium, metum, commiserationem, cæterasq; id genus animorum affectiones. Irascimur autem offensi contemnentes, iniuriæq; afficientibus aut nos, aut eos, quibus id fieri indignum putamus. Itaque iudices, partium contumacia, arrogantia, securitateq; dum se contemni putant, offenduntur maxime. Huic cõtrarius affectus est mansuetudo : qua amabiles nostros mores, quibus nihil inest turbulenti, ipsi significamus, quos aut inuitos offendisse, aut facti sui poenitere, aut deniq; irascentibus humiles celsisse, locumq; dedisse intelligimus. Inuidemus autem fortunatioribus, & maxime æqualibus, opes, honores, magnorûq; gratiam consequentibus : quorum de fortuna dolemus. Huic contrarius affectus est fauor. Nam ut inuidia animi dolor est ex aliena felicitate, ita fauor eadem ex re animi gaudium est, atq; uoluptas. Odium autem, ex turpitudine nascitur. Nam turpes, improbos, sceleratos, deniq; omnis generis uitia, atque malefacta odimus. Odio rursus amor repugnat. Metuimus autem, atque timemus, aut nobis, aut nobis maxime charis impendentia mala : nempe potentium iram : iniustorumq; omnium, quos & uelle, & posse nocere

uide

uidemus. Timori cōtrarius affectus est fiducia. Com-
miseratio, præcipuus hic, plurimumq; in bonorum
hominū animis ualens affectus est. Nascitur autē ex
aliorum infortunijs, calamitatibusq; : quos maxime
indigna pati arbitramur. Huius rei secūdos Aeneidos
liber exemplum esse potest. Quem non moueat dolis
instructum Sinonem Priamo, & grandæuo, & regi
tam misere imposuisse : qui hosti, unde sibi urbiq;
perniciēs struebatur, non modo pepercit, sed & insu-
per misericordia motus addidit,

Quisquis es, amissos hinc iam obliuiscere Graios,
Noster eris.

Cui non Anchisæ senis, Principisq; uiri oratio lachry-
mas excutiat, suis quidem, dum salutis rationem ha-
berent fugam consulentis, suam uero ipsius uitam
negligentis?

—Vos ò, quibus integer æui
Sanguis ait, solidæq; suo stant robore uires,
Vos agitate fugam—

Me si Cœcicolæ uoluissent ducere uitam,
Has mihi seruassent sedes: satis una, superq;
Vidimus excidia, & captæ superauimus urbi.
Sic ò, sic positum affati discedite corpus:

Ipse manu mortem inueniam: miserebitur hostis:
Exuuiasq; petet: facilis iactura sepulchri est.
Iam pridem inuisus diuis, & inutilis annos
Demoror, ex quo me diuūm pater, atq; hominū rex
Fulminis afflauit uentis: & contigit igni.

u Sed

Sed plena sunt omnia affectibus, & commiseratione digna. Porro affectuum duo genera sunt: alterum *modice* illi, alterum *modico* uocant: illud uehemens, concitatum, rapidumq; hoc lene, mansuetum, atq; amabile: illo uehementer commouemur, hoc perluademur: illo impellimur, hoc inducimur. Huius postremi generis est epistola Penelopes apud Ouidium ad coniugē suum Vlyssē. Tota nanq; *modice* est: ut quæ beneuolum, mansuetumq; pudicæ coniugis ingeniū, cui nihil turbulenti inest, hīdesq; erga maritum depingitur. Superioris autem generis, apud eundem Poētā Phillidis ad Demophoontem epistola est: quæ tota est pathetica. Concitatum nanq; atq; amoris impatientissimum ingenium fœminæ, non modo conuictantis, infamantisq; sed & suam ipsius uitam, modo ueneno, modo laqueo, modo undis finire uolentis introducit. Ducuntur autem affectus, ex illis ipsis, quos suprà exposuimus locis: unde ad fidem argumenta sumuntur. Neque enim potest fieri, quod & ipsum, cum Fabius, tum Cicero non uno in loco sentit, ut aliunde motum, quàm unde fidem, hominū animis adferas. Huius rei uel una illa Penelopes epistola nobis sit exemplum: ubi, postquam proposuisset, statim ex adiunctorum loco affectus mouet:

Troia iacet certe, Danaïs inuisa puellis:

Vix Priamus tanti, totaq; Troia fuit.

Deinde à causis & euentis, cōiugis animū cōmouet:
O' utinam tunc cum Lacedæmona classe petebat,

Obrutus

Obrutus infanis esset adulter aquis.
 Non ego deserto iacuissem frigida lecto:
 Nec quererer tardos ire relicta dies.
 Nec mihi quærenti spatiosam fallere noctem,
 Lassaret uiduas pendula tela manus.
 Qui sequitur affectus, ex definitionis loco petitus est.
 Quando ego non timui grauiora pericula ueris?
 Res est solliciti, plena timoris amor.
 Quin & ex cōparationis loco coniugis animū mouit.
 Diruta sunt alijs, uni mihi Pergama restant:

Incola captiuo, quæ boue uictor arat. & cætera.
 Postquā enim euerſa Troia Græcorum Principes omnes rediſſe, & nymphas dijs immortalibus gratias agere, resq; gestas à suis maritis cognoscere dixisset, mire sui cōmiserationem hac collatione mouit subiſciendo, cæteris omnibus quidem euerſa, sibi uero soli Pergama restare: & uictorem uirum abesse. Hunc in modū non hic modò, sed & in omni scripto, atq; oratione, ex illis ipsis, unde ad fidem argumenta, & affectus sumunt. Porro poëtæ, historici, oratores, omnis deniq; generis autores mire affectus mouent, copiosa omnibus explicatis circūstantijs, quas personarū negotiorumq; attributa Cicero uocat, rerū miseratione dignarū descriptione: cuius rei, secūds Aeneidos nobis exemplo esse liber potest. Sunt autē circūstantiæ, quis, quid, ubi, quando, quomodo, quamobrem, hoc est, persona, res, locus, tempus, modus, causa. Græci has *μεταστάσεις* propterea uocāt, quòd personis, seu rebus,

bus, de quibus agitur, quasi circumstant. Vt si facta cædes sit, quemadmodum non sine loco, & tempore, ita ne sine percussore quidem fieri potuit. Percussor igitur, locus, tempusq̃, quod interfectum quasi circumstant, circumstantiæ sunt: & præterea quo ordine, modoq̃ res sit gesta: tum causa, cōsiliūq̃ interficiendi, quod in percussore spectatur, huc pertinet. Has ergo circumstantias, si copiose omnes in persona, ut ætas, forma, ualetudo, fortuna, habitus, uox morientis, aliaq̃ id genus: in loco, planus an montanus, celebris an desertus, publicus an ipsius, sacer an prophanus, atq̃ his similia, hic, & in cæteris persequaris, mire affectus mouebis. Omnes autem circumstantias, unus adiunctorum locus complectitur: quanquam modum, & causas, ad causarum euentorumq̃ locum referas: qui tamen, quemadmodum ab adiunctis nascatur, supra ostendimus. Recte Cicero de inuentione præcipit, locis communibus sternendam uiam esse ad affectus mouendos: atq̃ ijs, antè, quàm ad commouendum descendamus esse utendum. Nam cum dixeris, nullam rem certam, definitamq̃ significet, non perinde animum hominis moueat, atque *varietas*, quæ res personasq̃ certas oculis subiicit. Quare communibus inductis locis, recte auditoris animum ad misericordiam nobis præparamus. Vt si de cæde facta commouendi hominum animi sunt, commode de uita humana, qui locus communis est, antè dixeris, quàm uarijs hæc fortunæ casibus, improborumq̃

borumq; hominum telis sit obnoxia : deinde de certo homine, quàm miserabiliter sit oppressus, dicere incipias. Hæc de ipsa exornandi ratione : quæ quidem satis esse possent. Diximus enim, quibus præstetur, ut doceamus, delectemur, & motum animis adferamus. Verum cum non quæuis causa omnem amplificationem, exornationemq; requirat, gradusq; hic ab autoribus seruati sint, dicendum nobis breuiter erit, de dicendi generibus : ut cognito, qui quibus, & quo in genere magis rhetoricati sint, nos de ijs, & melius iudicemus, & felicius imitemur.

De tribus dicendi generibus : & qui quo in genere
autores uersentur. CAP. XXXVIII.

TRia uero dicendi genera sunt : humile, quod & subtile, mediocriter seu floridum, sublime, quod & graue, atq; grande uocant. Humile genus, oratio est pura, latine, & quotidiano sermoni proxima : nulli, nisi breuiter dilucideq; explicandæ rei deseruiens : nullisq; , nisi in uulgari usu positis ornata figuris. Quare hoc in genere, nullæ descriptiones : nullæ comparationes similitudinesq; , nisi breuissimæ : nullæ omnino prosopopeiæ : nusquam excursus : lociq; communes : deniq; nihil earum figurarum, quibus oratio extendi exornariq; solet. Hoc in genere uersantur Ciceronis officia : eiusdemq; epistolæ : quamquam inter has, nonnullas exornatiores deprehendas. Terentianæ comœdiæ. Fabiana item, Ciceronianæ de rhetorica præcepta. Iam & Cæsaris Sallu-

u 3 strq;

stijq; historiæ; quanquam hi pleniores uideri possunt: hic in exordijs concionibusq;, ille toto quidem orationis corpore: ut qui passim sui similis est. Nam quanquam rerum à se gestarum historias propterea commentarios inscripserit, ut qui uellent post se magis extenderent, exornarentq;, ita tamen omnia enarrauit, ut nihil ferè auxisse, sed parum omisisse uideri possit. Quandoquidem à causis, consilijs, loco, tempore, reliquisq; id genus circūstantijs, tum breuibus regionum, locorumq; descriptionibus, habitaramq; orationum capitibus, & rerum ponderibus ita narrationem locupletauit, ut quidem transcurrisse, sed omnem tamen rem ostendisse intelligatur. Huc & Maronis Bucolica, deniq; narrationes, confirmationes, confutationesq; plæræq; pertinent.

Mediocre genus est, ubi oratio copiosior, sententij figurisq; ornatio instruitur, quàm uulgaris loquendi usus requirat. Hoc in genere Maronis Georgica ponenda sunt: ubi rusticandi præcepta quæ dedit, ita uerborum rerumq; ornamentis illustrauit, ut legendi cognoscendiq; tædium omne sustulisse uideatur. Hoc item in genere & Ciceronis plæræque omnia de philosophia scripta uersantur: & nonnullæ orationes: ubi non omni amplificandi genere exarsit: qualis, ut & ipse testatur, pro lege Manilia oratio est. Præterea huius generis Ouidianæ epistolæ sunt: & eiusdem uatis plæræq; omnia: & Titi Liuij decades. Nam hic plus cæteris, consilia, causas, euentata, simi

ta, similitudines, comparationes, digressiones, descriptiones, loci, temporis, aliarumque rerum circumstantias, concionesque crebriores, copiosioresque admiscendo, historiam suam exornauit. Atqui hic tamen ita se gerit, ut historicum se meminisse uideri possit: cuius officium est, res gestas dilucide, & quanta fieri potest cum delectatione enarrare: non facta ubique mora, omni amplificandi genere exardere. Itaque & in concionibus, argumentis est densior, quam rerum ornamentis copiosior. Cuius rei, cum & plarumque aliarum, tum Q. Fabii Maximi de Pu. Scipionis in Africam traiectione oratio, nobis argumento esse potest.

Sublime genus, quo pedem figentes, omni uerborum rerumque copia utimur: quo uerbis translatis, superlatis, denique omni ad fidem, motumque animorum figurarum, amplificandique genere, orationem nostram exornamus. Hoc in genere plarumque Cicero nis orationes sunt constitutae. Quanquam nulla ferè oratio sit, ubi non speciem aliquam, praesertim in narrationibus, & confirmationibus, mediocris, & interim subtilis illius generis deprehendas. Versantur & in sublimi charactere Vergilius noster, & Homerus. Verum apud hos, non modo graue illud, & sublime, sed & modo mediocris, modo subtilis illius generis uestigia reperias. Nam modò breues, modo mediocres, modo graues atque sublimes conspiciuntur: ut iure hos in omni genere eloquentiae clarissimos extitisse dicamus. Grauis huius, & sublimis generis, eiusmo

eiufmodi apud Ciceronem exemplum eſt. Nam quis eſt ueſtrum iudices , qui ſatis idoneam poſſit in eum pœnam excogitare , qui prodere hoſtibus patriam cogitauiſſet ? quod maleficiũ cum hoc ſcelere comparari ? quod huic maleficio dignum ſupplicium poteſt inueniri ? In ijs qui uiolaſſent ingenuam , matrem familiã conſupraſſent , pulſaſſent aliquem , aut poſtremo neceſſent , maxima ſupplicia maiores noſtri conſumpſerunt , huic truculentiffimo ac nefario facinori ſingularem pœnam non reliquerunt . Atque in alijs maleficijs ad ſingulos , aut ad paucos ex alieno peccato iniuria peruenit , huius ſcleris qui ſunt affines , uno conſilio uniuerſis ciuibz atrociffimas calamitates machinantur . O' feros animos : O' crudeles cogitationes : O' derelictos ab humanitate homines . Quid agere auſi ſunt , aut cogitare potuerunt ? Quo pacto hoſtes reuulſis maiorum ſepulchris , deiectis mœnibus , ouantes irruerent in ciuitatem ? quomodo deũ ſpoliatis templis , optimatibus trucidatis , alijs arreptis in ſcruitutem , matribz familiãz , & ingenuis ſub hoſtilem libidinem ſubiectis , urbs acerbiffimo concidat incendio conflagrata ? qui ſe non putant id quod uoluerint ad exitum perduxiffſe , niſi ſanctiffimæ patriæ miſerandum ſclerati uiderint cinerem . Neque uerbis conſequi iudices indignitatem rei : ſed negligẽtius id fero , quia uos mei non indigetis . Veſter enim uos animus amantiſſimus Reipub. facile edocet , ut eum qui fortunas omnium uoluerit prodere , præcipitem

pitem perturbetis ex ea ciuitate, quam iste spurcissimorum hostium dominatu nefario uoluit obruere. Hinc porro, quæ huius generis uis, copiaque sit, cognosci potest. Non autem committendum, ut si res priuata, leuiscum sit, omni figurarum affectuumque genere exardescamus. Sublime namque genus, leuia priuataque ferè respuit: maiora grauioraque se digna putat. Homerus tria hæc genera tribus in Principibus nobis proposuit, Menelao breue, Nestori mediū, Vlysi sublimem assignans. Verum & inter hæc rursum, media esse animaduertendum est. Inuenitur enim sæpe, quod inter tenue & mediocre, & inter hoc rursum, & sublimem, medium cursum seruet: quod is animaduertet facile, qui locorum usum, & amplificandi rationem tenet.

De actione & memoria.

CAP. XXXIX.

Scripturis nobis de locis, & amplificatione oratoria, ipsa præscripsit ratio, quinque illas rhetorices partes, inuentionem, dispositionem, eloquutionem, actionem & memoriam breuiter simul esse explicandas. Nam communibus illis dialecticorum rhetorumque locis explicatis, non solum quæ inde amplificandi augendi que ratio esset, quod quemadmodum in laude, & in reliquis subinde generibus sumus ostensuri, indicandum erat, sed & ut copiose inuenta disponenda, atque ita figuris exornanda essent, ut siue ad dicendum uenias, siue ad scribendum te conferas, docere, delectare, & commouere possis. Itaque cum de tribus prioribus, quæ præcipuæ sunt dixerimus, de reliquis

x duabus,

duabus, dicenti modò necessarijs, actione & memoria, subinde dicendum erit. Decora igitur actio, pronuntiatioq̃, quarum illa in gestu, hæc in uoce posita atq̃ eadem est, res dicenti tam necessaria, ut nonnulli clari homines palmam huic dederint. Nec herde immerito: quid enim copiose inuenisse, beneq̃ disposuisse, tum nullis non figuris exornasse profuerit, nisi decens, rebusq̃ accommodata actio, pronuntiatioq̃, hæc commēdet omnia. Verum cum foro, ubi regnare solebat, iam explosa sit eloquētia, & ne illi quidem omnes, qui tum foro probabantur, nostris id temporis placere gestus possint, prudenti cōsilio, pro loco, & tempore, caullæq̃ & auditorum respectu, moderanda hæc erunt omnia. Nusquam gentium à ueteribus pedum suppletionem acceptam esse puto: & in brachiorum iactu, plus apud Italos, quàm Germania dicturis permittitur. Quare hac de re in præsentia, nihil mihi præterea præcipiendum uidetur, quàm ut quisq̃, antequam ad dicendum prodeat, diligenter secum expendat, quæ actio, pronuntiatioq̃ conueniat: ne quid secus, quàm caussa & locus postulet, indecore fiat. Hoc uitijs, forte à circulatoribus acceptū, quis deum immortalem non suo iure rideat, nonnullos hoc tempore, non tam dicere quàm canere. Huius rei, adeo non apud Romanos, autoresq̃ ullum uestigium reperias, ut Iulius Cæsar, ne carmen quidem canendum, nedum prosam orationem putaret: diceretq̃, si legis cantas, si cantas peccas. Nam quos
à can

à canente minime, à legente numeros, temporaq; acci-
 pias commodè. De memoria quid dicemus? qua qui
 caret, ut ad nullam penè rem, ita ne ad dicendum
 quidem erit accommodatus. Iuuari tamen arte & hanc
 posse autores uoluerunt: si per loca, & quædam
 simulachra, aliâq; id genus signa animis im-
 pressa, rerum recordaremur. Quæ in remi-
 niscendis rebus, ut fortasse aliqua ex
 parte memoriam iuuerunt, ita qui
 hac ipsa ratione singula uerba
 in memoriam reducere co-
 nati sunt, quod non
 nulli Græci fecerunt,
 duplici cura ip-
 sam onera-
 runt.
 Diligens ad
 rem cogitatio,
 exercitatioq; si qua
 res alia, pluris-
 mum certe
 hâc iuua-
 bit.

GERARDI BV

KOLDIANI DE INVENTIONE
ET AMPLIFICATIONE
ORATORIA LIBER
TERTIVS.

Quid genus suaforium, & qui hoc in genere
uerfantur.

C A P. I.



OSTQVAM communes illos dias
lecticorum rhetorumq; locos expli-
cuimus, quæ inde in genere demon-
stratio inueniendi, & amplificandi,
deinde copiose inuenta disponendi,
tum omnia hæc figuris illustrâdi, augendiq; postre-
mo memoriter pronuntiandi ratio esset ostendimus;
idem & in suaforio hoc genere seruandus est ordo: ut
patefiat, & hic in suadendo omnia, siue ad fidem bre-
uiter, siue ad copiam, affectusq; mouendos adhibeân-
tur, eisdem illis ex locis sumi oportere. Suaforium ge-
nus, quod *Βελανκόν* illi, nos & deliberatiuum appella-
mus, esse diximus, quo ea, quæ futura sunt, cupi-
musq; seu nolumus fieri, suademus aut dissuademus.
Versamur & hoc in genere, dū petimus, hortamur,
dehortamur, consolamur, admonemus, eaq; doce-
mus, quæ perplexiora argumentis confirmâda sunt.
Nam reliqua, quæ certa non tam fidem, quàm expo-
sitionem desiderant, superioris generis sunt. Itaq; Ci-
cronicis

ceronis de philosophia scripta, ubi res probationibus agitur, huius potius quàm superioris generis, quicum multum commune habere suaviorum hoc supra diximus, uideri possunt. Quin & Ciceronis nonnullæ orationes, & epistolæ propemodum omnes, huius sunt generis: ut quibus aut suadet, aut contrà dissuadet, petit, commendat, hortatur, aut dehortatur, consolatur, admonet, aut his similia facit, quæ huc spectant. Ouidianæ item epistolæ, denicq; omnium illorū scripta, qui in ijs, quæ diximus occupati sunt, hoc in genere uersantur.

Diuisio & explicatio eorum quæ suaderi, seu contrà dissuaderi oporteat,

CAP. II.

Porro futurorum, atque adeo expetendorum omnium, quæ suademus, alia honesta sunt, alia utilia, alia necessaria, alia aut ex duobus modò superioribus honestis atque utilibus, aut ex tribus his honestis, utilibus, atque necessarijs permixta. Honestæ sunt, quæ, quia per se laudabilia pulchræq; uidentur, non emolumento aliquo, sed solo sui amore animos hominum alliciunt: ut uirtutes omnes: quarum genera sunt prudentia, iustitia, fortitudo, & temperantia: quæ singulæ, quòd late pateant, plures suo complectuntur gremio. Siquidem prudentia memoriam, intelligentiam, & prouidentiam: Iustitia religionem, pietatem, creditis in rebus fidem, gratiam, uindictam, obseruantiam, & ueritatem: fortitudo magnis

ficientiam, fidentiam, patientiam, & perseverantiam:
 Temperantia continentiam, clementiam, & mode-
 stiam continet. Cauendum hic maxime, ne uicina uir-
 tutibus uitia, nobis imponant. Nam fortitudini au-
 dacia, perseverantiæ pertinacia, iustitiæ acerbitas, reli-
 gioni superstitio, denique alijs alia uicina sunt uitia.
 Utilia quæ sint, satis liquet, nempe ea omnia, quæ fru-
 ctum nobis, utilitatemque adferunt. Necessaria autem
 ipsa, partim absoluta sunt, partim cum quadam ad-
 iunctione. Absolutæ necessitudines sunt, quibus res-
 sisti nulla ratione potest, quo minus fiant: ut quod-
 cunque natum est, necesse est aliquando emoriatur: &
 quodcunque manu factum est, temporis tractu depe-
 reat. De his sanè, non multum attinet dicere: quod
 uel nolentes, repugnantesque trahant. Reliquæ quæ
 cum adiunctione sunt necessitudines, aut honestatis,
 aut incolumitatis, aut rerum fructuosarum utiliumque,
 rationem habent. Honestatis, ut si suadeas obse-
 sis ciuibus, necessum esse urbem ut defendant, datamque
 Principi fidem seruent, modò probi atque honesti ha-
 beri uelint. Incolumitatis, ut si suadeas Saguntinis,
 quod Alorcus fecit, necessum esse, ut Annibale uictore
 ita uolente, relicta urbe, fortunisque omnibus, cum
 singulis uestimentis eò abeant, quò Annibal iuberet,
 modò incolumes esse & uiuere uelint. Rerum fructuo-
 sarum, ut si suadeas Principi, necessum esse cum ho-
 ste ut congregiatur, nisi exuri agros, abduci pecora,
 captiuos trahi colonos perpeti uelit. Non me præte-
 rit

rit, nonnullis placuisse, necessarium in sua foras non incidere: propterea, quod de ijs quæ simplices & absolutæ necessitudines essent, nihil opus esset dicere, quod uel inuitos cogerent: & reliquæ omnes, quas adiunctionem, hoc est faciendi causam habere diximus, honestatis utilitatisq; quæstione continerentur. Verum mihi ad cōmunem sensum & loquēdi usum, uel magnorum hominum exemplo de ijs hic ita dicere libuit. Permixa autem ex duobus modò honestis atque utilibus, sunt libertas, gloria, amicitia, & his similia: quæ nō modò honestate ipsa, sed & suo quodam utilitatis fructu, nos alliciunt atq; ducunt. Quæ uero ex tribus illis, honestis, utilibus, atque necessarijs permiscuntur, eiusmodi sunt, tueri patriam, religionem, literasq; conseruare. Nam honestū est urbē, leges, libertatemq; à maioribus acceptam tueri: utile fortunas suas, publicasq; & priuata omnia, sine detrimento conseruare: necessarium, per ignauiam non committere, ut hoste irrumpente, omnia in eius ueniant potestatem: ut ciuium tecta, deorumq; templa incendijs debeat: uirgines constupret: uiros alios trucidet, alios captiuos trahat. Eadem de religione, & literis conseruandis dici possunt. In his item omnibus spectandum, quid fieri possit, & quàm facile possit. Nam frustra honestum, utile, atque necessarium esse dixeris, si per difficultatem fieri nequeat. Possibilitas autem atque facilitas, à rerum, de quibus dicitur natura, circumstantijsq; ducitur: nempe auxilijs, facultatibus

tribus, loco, tempore, alijsq; id genus pro caussa subinde nouis atque nouis.

Quæ igitur suademus sunt: {
 Honestum,
 Vtile,
 Necessarium,
 Possibile,
 Facile.

Atque hinc facile colligi potest, quæ sint dissuadenda: nempe his contraria, turpia, inutilia, impossibilia, difficilia, quæ plurimum laboris & periculi habent.

Quæ suadentur aut dissuadentur ab adiunctis quidem non male, sed potius à causarum & euentorum loco sumi possent. CAP. III.

CVM igitur hæc sint quæ suademus & dissuademus, uidendum subinde, quibus ex locis eorum, quos supra explicuimus cadant. Ostendimus supra, unum adiunctorum locum ea omnia nobis suppeditare, quæ laudari, & contra uituperari debeant: qui idem & hic, quæ suaderi, dissuaderi uel oporteat, subministrare poterit. Nam quemadmodum ibi honeste, utiliterq; facta laudamus, & quæ contra turpiter, inutiliterq; facta sunt uituperamus, ita hic, ad honeste, utiliterq; faciendum, animos hominum suadendo impellimus: & contra turpia, atque inutilia, dissuadenda ducimus. Ibi recte facta ab adiunctis, qui locus omnium temporum est laudamus, hic adhuc facienda, quæ recte fructuoseq; fieri putamus suademus. Itaque honesta utiliaq; illi maxime, cui sequenda esse

esse uolumus, sunt adiuncta. Necessaria quoque ei maxime ad sunt, uicinaque sunt, quem urgent atque impellunt. Iam & possibilitas, facilitasque, an non hinc colligitur? nempe à parentum, amicorumque opera, ab ipsius ætate, ualitudine, copijs, facultatibusque, à loco item, & tempore, & similibus circumstantijs, quæ pro causa aliæ atque aliæ semper existunt, eisque cui suademus adiacent adiunctisque sunt maxime. Hæc ita esse negari quidem nulla ratione potest. Verum cum ita natura comparatum sit, ut nemo aliquid fieri uelit, aut suscipi nolit, sine causa, à causarum & euentorum potius loco, quem ab adiunctis nasci diximus, suadere nos, atque dissuadere uideri possumus. Nam honestas, utilitas, necessitas, ipsaque faciendi possibilitas, atque facilitas, causæ sunt, quæ animos hominum ad faciendum stimulant, atque impellunt: ipsa autem laboris negotijque susceptio, euentum est putandum. Et quanquā dignitas, atque comoditas, post ipsum demum factum capiuntur, tamen cum hæc sperata hominum animos ad agendum incitent, causæ efficientes, eaque quæ fiunt, euenta effectaque sunt putanda. Licet enim rerum, quæ fiunt, finis sit honestas utilitasque, quod comoda post facta primum sentiuntur, suscipiendarum tamen, causæ ante extiterunt. Quare omnia hæc, honesta, utilia, necessaria, possibilia, facilia, quæ suademus, & his contraria quæ dissuademus, recte quidem ex adiunctorum loco, qui complectitur omnia, sed proprie magis à causis & euentis, quæ inde nascuntur cadere dicimus. Adiuncta enim

y in cau

in causas conuertuntur, cum ad faciendū aliquid, animos hominum impellūt. Sed harum rerum exempla subiiciamus. Quod si Principibus & ciuitatū gubernatoribus suafurus uenias, imprimis esse prospiciendum, literarū ut studia conseruētur: primū commodē ab honesto probes. Vnum hoc esse literarū munus, à Dijs immortalibus hominibus datū, quo ceteris præstare brutis possint, cognitīs literis, mentis concepta, nunc splēdida longaq; oratione explicare, nunc stilo mandare, modò aliorū scripta de Rep. administrāda, modò de religione cōseruāda legēdo, cognoscēdoq; optime sibi in futurū cōsulere: rerumq; publicarū status feliciter retinere; qua uel sola re, ut maxime ceteris animātibus antecellere, ita Dijs immortalibus, p̄xime accedere uideri possunt. Ab utili: literis animos hominū natura ferociōres ad humanitatē effingi, atq; excoli: fieriq; ut cū quisq; literarū beneficio suū officiū quod sit intelligat, suū dignitate præcellētibus honorem tribuat, & Reipub. Principibusq; quod debet, haud grauate pendat. A` necessario: futurū breui, si literæ negligantur, ut homines omnino obbrutescāt, ipsaq; religio, & Reip. status, atq; adeo diuina humanaq; omnia quæ his conseruantur labefactata concidant. A` facili: Possē iam eos facile his rebus cōsulere, sua si præmia, suosq; honores rectis studijs cōstituāt: & amice monendo, iubendoq; dent operam, ut ij, in quos imperium habent, suos ad literarum studia liberos alant. Hic itaq; omnia hæc, dignitas, cōmoditas, necessit

neccelsitudo, facilitasq̃, causæ Principibus sunt, cur in conseruanda literarum studia incumbant.

Quæ ab adiunctis seu causis inuenta, ad maiorem animorū motū cæteris ex locis amplificandi sit ratio; & primū honestū per locos ducitur. CAP. IIII.

QUæ suaderi aut contrā dissuaderi oporteat, & quibus ex locis cadāt diximus: dicendū est subinde, & quibus ex locis hæc ipsa amplificāda sint, atq̃ extendēda: quod ex omnibus fieri potest. Nam cū in singulis his generibus tota uersetur rhetorica, omniū & locorū incidet usus. Animaduertendū autem, cum omnia hic ad faciendā fidem dirigātur, amplificationē esse, quæ motu animorū fidem faciat. Hanc Cicero de Partitione oratoria, nūc uehementē quandā argumentationē uocat, nūc grauiorē quandā affirmationem, quæ motu animorū conciliet in dicendo fidem. Quod quidē nō de superiori, sed de his rhetorices generibus, ubi ad fidem spectāt omnia, dici recte potest. Amplificādi autem quæ hic ratio sit, exēplis declaremus. Suadeamus Cæsari nostro, ut infestissimū, & cōmunē omniū Christianorū hostem Turcā Asiaticū, Græcia, quam post hominū memoriā occupatā tenet rursus depellat. Causæ autem pellendi hostis & hic sunt, honestas, utilitas, neccelsitas, quæ quidem omnes nullæ essent, si præ difficultate res fieri minus posset. Quare & possibilitas ab ipsius potentia, & sociorum Principū auxilijs petenda est: quæ & ipsa exposita, causa Cæsari expellendi hostis erit. Hæc autē singula

ex alijs atq; alijs locis explicanda, atq; exaggeranda erunt. Nam si paucis modò, ut in superiori de confer uādis literis exemplo, perstringantur, non ita magnā fidem, animorumq; motū faciunt: exaggerata ualent: ut maior uis hominū, quacūq; incumbat impressiōe facit, atq; perrūpit, ita & hæc amplificata, secū uel in uitum trahunt. Primum itaq; ex adiunctorū, seu qui inde nascitur ex caussarum potius loco honestas, ratioq; pellendi hostis explicanda est: decere eum, qui Cæsar Princepsq; Christianorum omnium creatus sit, in id omnium maxime incumbere, ut is hostis repellatur, qui ex Asia ueniens, totam Græciam inuaserit: Christianam religionem oppresserit: leges proculcarit: omnem Græciæ statum, & Christianum conuictum sustulerit: atq; pro his, luxum Asiaticum, libidinum genera multa, fœdaq; imperium uero in omniū uitam atq; fortunas maxime intolerabile inuexerit: nec modò eo contentus sit, quod totam Græciam oppressam occupet, deuastarit subiugaritq; Pannoniā: & in Germaniā usq; uictor perrexerit. Huius furorē quamprimū reprimi, audaciā frenari, quid magis Cæsarem, cuius fidei cōmissa sunt omnia decere potest: quid Christiano Principi honestius? Imperatori ad gloriā, & sempiternā nominis memoriā consequendā maius? Sed cum hæc nuda minus, amplificata autem ad motū animorū plurimū ualeāt, adiunctorū locus introspiciendus est: qui psonis & rebus de quibus agitur adiunctus, rerū nobis copiā suppeditat: præteris

taq;

taq̃ præsentiā & futura, unde hic suadendum, intue-
da esse nos admonet. Ex his autem non quæuis sine
delectu, sed ea saltem sumenda sunt, quæ honestam
pellendi hostis causam Cæsari præbent. Ex præteri-
to igitur Cæsari adiuncta sunt cum sua dicta factaq̃,
tum ea, unde hic maxime suadeas, quæ ipsi & à suis
pellendi Asiatici hostis causa ad gloriam, & ab hoste
ad ignominiam acciderunt. Gloriosum autem, am-
plumq̃ Cæsari, omnium eum Principem, & Roma-
ni imperij Imperatorem aduersus infestissimum ho-
stem esse creatum: ignominiosum uero, breui tem-
pore tantum in Europa imperium Turcam esse con-
sequutū: eiusq̃ uires indies magis ac magis in Chri-
stianorum omnium perniciem inualefcere. Itaque pri-
mum hic copiose exponas, quæ crudeliter, impieq̃,
ex quo primum in Europam uenit, egerit: quo mili-
te, & technis Græciam oppresserit. Atque hic & ex
descriptionis loco ipsa depingi prouincia poterit:
quot urbes, & quàm potentes, quoq̃ in loco positas
habeat: qui hominum mores, religioq̃ ante hostis
incursum fuerit. Quo autem maior & insignior sit,
magisq̃ integros mores, & puram religionem habue-
rit, hoc grauior Cæsari eam recuperandi, omniacq̃
suo loco restituendi causa uideri debet. In exponen-
do autem, ut quasq̃ urbes ceperit, temporis seruan-
dus est ordo: omnibusq̃ circumstantijs locorum,
temporum, rerumq̃ gestarum explicatis, copiose
quaq̃, quo miserabilia uideantur erunt enarran-

da : quod in ijs, quæ proximis his annis gesta sunt, dum totam Pannoniam deuastat, & in Germaniam usque uictor penetrat, faciendum erit maxime. Recentiora enim mala magis hominum animos commouere solent. Itaque pluribus exponendum, qua tyrannide omnia egerit : quàm late omnia deuastarit : caestella euerterit : urbes incenderit : infantes, senesque trucidarit : mediæ autem ætatis homines, alios ad libidinem, alios in miseram perpetuamque seruitutem captiuos abduxerit : denique diuina, humanaque omnia proculcarit. Atque hæc & ex comparationis loco plurimum extendi possunt, si nationes, urbesque deuastatas, aut occupatas, religionem item, moresque hominum qui fuerant, cum nostris conferendo ostendas, aut paria, aut maiora melioraque nostris fuisse omnia. Quin & magna imposta uectigalia, superbumque in uictos imperium insignius reddas, cum illorum seruitute comparando, quibus superbe crudeliterque imperatum esse constet : & hæc quidem suo quaque loco sunt facienda. Postquam autem amplificando hunc in modum miserabilia omnia, indignioraque reddiderimus, sui Cæsarem officij admonebimus, quem cum omnium Principem, Romanique imperij Imperatorem eo consilio creatum esse intelligamus, ut Christianam Rempub. atque conuictum ab hoste crudelissimo defendat, diuinamque & humana omnia integra conseruet, ereptaque recuperet, imprimis hinc admonendus erit, ut quæ hominibus ipsum Imperatorem creandi

creandi causa est potissima uisa, eadem ei & pellendi hostis honestissima uideatur. Iam si quid huius dixerit, promiseritque, non erit prætermittendum. Ex factis autem ipsis, nihil ferè præterea huc adferas, nisi ut adhorteris, rem inceptam non abijciat, & semel sumpta in Turcam arma, non ante, quàm pulsus fugatusque ille sit deponat. Huiusmodi sunt præteriti temporis adiuncta, unde suadeas. Præsentis uero temporis ea sunt omnia, quæ Cæsari ab hoste, suisque subditis accidunt atque fiunt. Quæcunque igitur animo hostis agitet, moliaturque in Cæsaris, Christianorumque omnium perniciem, aut arma in belli usum parando, aut milites copiasque contrahendo, copiose omnia consilijs, causis que explicatis, erunt exponenda. Quod si uero contractas copias esse constet, armorum militumque genus ex descriptionis loco depingi, & per comparisonem deinde extendi auge-ricque potest. Hunc in modum & ab ijs, quæ à subditis fiunt, commouendus est animus. Itaque dicendum, quæ uniuerforum uota, quantaque expectatio sit, eo duce, atque Imperatore, recuperandam Pannoniam & Græciam esse: finem miseriarum, calamitatumque omnium propemodum futurum. Atque hic eorum omnium, qui summo in periculo, aut seruitute uiuunt, opemque Cæsaris unicam suam putantes implorant conditio, luctusque pluribus erit explicandus. Iam & fratris Ferdinandi, summo in periculo constituti honesta, & pia petitio, fidem fraternam in crudelissimum hostem

hostem implorantis : quem suæ , suorumq; ceruicibus , cum maximis copijs imminentem prospiciat. Possunt autem hæc & exemplis ex cōparatione maiorum , minorumq; adductis , dilatari maxime. Quod si uicinis & amicis , suam in periculo opem expetentibus officium omnino deferendum putet , quanto magis fratri plurimum laboranti succurrendum esse ducet ? Et si intelligat , Alexandrum illum magnum , & Romanos , non religionis suæ conseruandæ causâ , & aliqua in Deos pietate , sed sola dominandi cupidine , & augendi nominis gloria inductos in tot , tantasq; dimicationes periculose se coniecisse , & aliena interim appetiuisse , quanto honestius erepta modo sibi rependa esse putabit , ad quod eū & religio , & in Deum fratremq; pietas inuitat maxime ? Futuri autem temporis adiuncta ea sunt , quæ turpia , ignominiosaq; Cæsari , si hostem negligat , magna uero , amplaq; ad nominis gloriam si sumptis armis reprimat , euentura esse uideantur. Siquidem in foribus hæc esse uidentur , ut oppressis uicinis gētib; , religionē , omnemq; Christianæ Reipub. statum penitus hostis euertat : luxum autem , & libidinem Asiaticam in hæc loca inuehat. Atque hic copiose describi , quæ rerum diuinarum , humanarumq; confusio futura esset , quæ seruitutis libidinumq; species. Quin & ex contrariorum loco rei indignitatem exaggeres , affectusq; moueas , si his in locis homines nunc pijsime uiuere , mox impijsime uicturos esse dicas : nunc summa in libertate , pro

te, propediem maxima in seruitute : nunc honestissime, mox turpissime: nūc optimis legibus moribusq; bene constitutam Rempub. habere, breui omnibus ijs spoliata, scelere, rapinis, omniq; uitiorum genere inquinatissimam habituros. Quæ omnia, ut misera, maximeq; indigna futura essent, ita imprimis excitare Cæsaris animum debent, honestissimeq; causæ uideri, cur is, unde hæc immineant, quamprimū pellendus sit atq; fugandus. Iam uero contra si hostem reprimat, quantam nominis gloriam, omniumq; gentium fauorem, & gratulationem, maxime eorum, qui in seruitute, aut metu seruitutis uixerunt consequuturus sit, erit exponendū. Quin & commoda ex fugato hoste ad Cæsarem redirent : ut cui eæ gentes omnes, quæ iam Turcæ, uectigales essent futuræ. Verū nondum de utilitate nobis oratio est. Quod si igitur uoles, & hæc ex comparationis loco extendas plurimū, si hanc ipsius de Turca futuram uictoriam, cum maximorum quorunq; Romanorum Imperatorum rebus gestis conferas, atq; ostendas, magnitudine rerū, hominumq; gratulatione aut parem, aut multo etiā maiorem fore. Quemadmodum honestum ab adiunctis præteriti, præsentis, futuriq; temporis tractandū, cæterisq; ex locis ad motum animorum extendendū sit, paucis perstrinximus. Atq; hic quidem & ex minoribus illis locis, copiam petere licuisset: ab etymologia nominis: & à coniugatis: ut cum & Augustus dicatur, uirtute efficiendum ei esse, ut augendo imperium,

rium, minus inuidiosum hoc nomen uideri possit. A coniugatis : cum nullis non in rebus suam in Deum pietatem semper declararit, non esse ei committendū, ut ferendo Turcā nostrā proculcare religionē, minus pius existimari possit. Verū cum hi loci, & maioribus illis adiunctorū caussarumq; locis, ut supra annotauimus cōprehendātur, hinc iuxta argumēta, copiamq; petendi rationem sapius ostendere, nihil attinet.

Vtilia ut ex locis extendantur. CAP. V.

Diximus de honestate, dicendū subinde est de utilitate: quæ quibus ex locis cadat, diximus, nēpe ab adiunctis seu causis. In has enim adiuncta, & ex reliquis ducta locis dū suademus, aut dissuademus, conuertere solent: quod iterare sapius non grauior, quo locorum natura magis patefiat. Dicendū igitur, Cæsari maxime fructuosum fore, si recuperata Græcia, atq; Pannonia, omnes eas nationes urbesq; uectigales impleat, quæ in præsentiā Turcarū regi pendūt. Atq; hic ex descriptionis loco regiones, urbes, portus, uectigalia itē quot, quātaq; sint, additis causis describi possunt. Eadē hæc omnia & ex cōparationis loco latius spargas, si cū Italiæ, Hispaniæ, & maximis aliarū nationū uectigalibus cōferas, atq; probes, aut paria, aut maiora duci oportere. Quin & ex testimoniorū loco, quæ cōparādo extuleris cōprobes: si aut uniuerſi, aut ij, qui his de rebus iudicare possunt idem sentiāt. Docendū item, harū nationū adiectione eò uires eius incrementū capere, ut non modo in Europa, sed ne in Asia

Asia quidem, atq; Aphrica, quenquam metuat: quod ipsum eadem ratione & per locos duci potest.

Necessarium ut per locos ducendū. CAP. VI.

NEcessitudo item ex adiunctorū loco cadit. Quid enim hominī magis adiunctū, ac id, quod ipsum cogit? Sed ut superiora, & hæc in suadendo in caussum uertitur locū: estq; faciēdi caussum ipsa necessitas. Necessum igitur Cæsare in id totis uiribus incūbere, ut Asiaticū hostem Europa quāprimū expellat: qui, ex quo Græciā inuasit, oppressis subiugatisq; uicinis gētibus, sui imperij fines semper proferat: hocq; dies noctesq; cogitet, hoc agat, ut armis, uel inuitis omnibus totius Europæ imperiū cōsequatur: & unus rerū omnium Dominus, Princepsq; existat. Atq; hic copiose explicandū, quantū regnum totam Pannoniā proximis annis deuastarit, subiugaritq; & in Germaniā usq; armatus descenderit: quam, si qua uia suo adijcere regno posset, serius in eū arma sumi. Describenda autem res erit ex descriptionis loco, Romani imperij occasus, omnium Christianorū seruitus, religionis legumq; interitus. Deniq; ea omnia mala, quę nisi maturæ his rebus prospiciatur euentura uideantur, pluribus erunt enarranda: exemplisq;, quę plurimum in hoc genere ualent, & ex similitudinis comparationisq; loco sumuntur, corroboranda. Iulium Cæsarem, cum Galliam prouinciā Senatus permissu plures annos obtinuisset, tantos inde spiritus uiresq; sumpsisse, ut cum postea quę uellet per Senatum

z z obtin

obtinere non posset, sumptis armis Principem orbis terrarum Senatum oppresserit: eamq̃ democratiam, quæ omnium longe maxima fuit, in suam monarchiam conuerterit. Cuius crescentem potentiam si obseruassent, & in tempore fregissent, dignitatē suam Senatus, summumq̃ imperium retinuisset: nec uniuersi ciues, ab uno fracti, domitiq̃ fuissent. Nihil initio Regibus olim, magnisq̃ ciuitatibus minus periculosum esse potuit pyratibus illis, marinis prædonibus, qui tamen dum negligebantur, ferebanturq̃, eò numero uiribusq̃ creuerunt, ut non Regibus modò, urbibusq̃, sed terrarum dominis ipsis Romanis terrore essent: cogerētq̃ eos, Duce Cn. Pompeio, quem bellicæ rei expertissimum habuerunt, in dubium belli euentum, maximumq̃ rerum discrimen secum descendere. Quare & necessum esse, crescentem Turcæ potentiam mature frangere, ne nostra negligentia aliquando præuale scat.

Possibilitas ut ex locis sit amplificanda. CAP. VII.

Possibilitas etiam ex adiunctorum loco ducitur: quæ & ipsa hic ut cætera, in causas conuertitur. Sumitur enim à Cæsaris potentia: à gentium ipsius multitudine, & uirtute: à peditum, equitum, armorumq̃ genere: à loco item, & tempore, alijsq̃ id genus circumstantijs. Itaque ex descriptionis loco, quanta natio Germania, quæ uicina est, quàm bellicosa, quanta & quàm potens Italia, atque Hispania, cæteræq̃ omnes sint, multis erit explicandum.

Nulla

Nulla enim Europæ gens est, nulla natio, quam non pietas, periculumq; in communem hunc hostem armare debeat. Iam & ex comparationis loco possibilitas, atq; adeo facilitas, magis cluceat. Turcam Græciam modò armare, nostrum uniuersam Europam: illum auro Asiatico, nostrum lacertis ualere. Conferendus & noster, cum hostili exercitu, robur corporum: genus armorum: belli scientia: & militis in pugnando fides. Et cum Germano ferè milite agenda res sit, quæ gens hac exercitatio? quæ corporum robore ualidior? quæ armorum genere instructior? quæ deniq; ipsa in pugnando fide sanctior, incorruptiorq; adduci ab hoste potest? ut quæ non fugere, sed aut uincere, aut in uestigio moriens, fidem suo Principi exoluere soleat. Statarium militem cum instabili, grauem armaturam cum leui, ordinatam atq; instructam aciem, cum confusa multitudine esse concursuram. Quin & ex eodem hoc loco exemplis possibilitatem aperias. Pannoniæ modò Regē suis ipsius uiribus nixum, omnem Turcarum impetum sæpe sustinuisse: & tandem, non tam horum uiolentia, quàm suorum fraude circumuentum cecidisse: tantū abesse, ut consentientis Germaniæ uires, Italiæ, reliquarumq; nationum lacertos feliciter experiri, & ferre possint. Proximo anno, cum ad Viennam Cæsari nostro pugnam hostis denuntiasset, & eò quantis potuit copijs uenisset, certior per exploratores de nostris copijs factus, fugam inde maturauit: quod,

nisi suis rebus desperasset, fecisset minime : ubi cognitum, nullam rem militem nostrum magis execratum, quàm oblatam prædam fuga hostis sibi creptâ fuisse. A loco etiâ possibilitas ostendatur. Cæsarianis enim hostem propemodum circuncinctum teneri: hinc Siculis, atque Italis : hinc Germanis : illos clâsse, hos terra aggredi posse.

Exemplum copiose ex locis suadendi apud Ciceronem pro lege Maniliâ. CAP. VII.

QVæ ex locis copiose suadendi ratio sit breuiter aperuimus : idem exemplis apud Ciceronem ostendere operæ precium erit. Suasurus Cicero Populo Romano bellum in Mithridatem suscipiendum, & Cn. Pompeium huic bello Imperatorem præficiendum esse, diuisione usus est : primum se dicturum de genere belli, deinde de magnitudine, postremo de Imperatore ad id bellum deligendo. Postquam ita diuisit, redit ad primum, & proponit, genus belli eiusmodi esse, quod maxime animos eorum excitare atque inflammare debeat : hoc est, quod maxime suscipiendum sit. Confirmat id quatuor argumentis, ductis ab adiunctis, atque adeo à causis, in quas illa in suadendo conueriti iam sæpe diximus. Agitur enim inquit, salus sociorum, atque amicorum: pro qua multa maiores uestri magna, & grauius bella gesserunt. Aguntur certissima Populi Romani uestigia, & maxima: quibus amissis, & pacis ornamenta, & subsidia belli requiretis. Aguntur bona multorum ciuium

uium : quibus est à uobis, & Imperatoribus Reipub. ,,
 consulendum. Et quoniam semper appetentes glorie ,,
 præter cæteras gentes, atque auidi laudis fuistis, de ,,
 lenda est uobis illa macula Mithridatico bello supe ,,
 riore suscepta, quæ penitus iam insedit, atque inuete ,,
 rauit in Populi Romani nomine, quod is, qui una ,,
 die tota Asia, tot in ciuitatibus uno nuntio, atq; una ,,
 literarum significatione ciues Romanos necandos ,,
 trucidandosq; denotauit, non modò adhuc pœs ,,
 nam nullam suo dignam scelere suscepit, sed ab illo ,,
 tempore annum iam tertium & uigessimum regnat, ,,
 & ita regnat, ut se non Ponto, & Cappadociæ late ,,
 bris occultare uelit, sed emergere è patrio regno, atq; ,,
 in uestris uestigalibus, hoc est in Asiæ luce uersari. ,,
 Sunt porrò quatuor hæc Romanis, quibus suadebat
 adiuncta maxima : socij periclitantes, uestigalia, bo-
 na ciuium, & accepta à Mithridate ignominia. Ve-
 rum cum hinc suadeat, eadem hæc causæ sunt, cur
 animi ipsorum ad bellum excitari, atque inflammari
 necessario debeant. Atqui Cicero non contentus
 nude hæc modò proposuisse. Neque enim fidem,
 motumq; animis ita magnum attulisset. Quare repe-
 tit omnia, & singula fusiùs explicat: quod antequam
 faciat, postremum argumentum, acceptam à Mithri-
 date ignominiam esse delendam, ex adiunctorum,
 causarum, comparisonisq; loco, copiosissime pri-
 mum his uerbis explicat. Etenim adhuc ita uestri,,
 cum illo rege contenderunt Imperatores, ut ab illo,,
 insignia

„ insignia uictoriæ, non uictoriam reportarent. Triū
 „ phauit L. Sylla, triumphauit L. Muræna de Mithris
 „ date, duo fortissimi uiri, & summi Imperatores: sed
 „ triumpharunt, ut ille pulsus superatusq; regnaret.
 „ Veruntamen illis Imperatoribus laus est tribuenda,
 „ quod egerunt, uenia danda, quod reliquerunt: pro
 „ pterea, quòd ab eo bello Syllam in Italiam Respub.
 „ Murænam Sylla reuocauit. Mithridates autē omne
 „ reliquum tempus, non ad obliuionem ueteris belli,
 „ sed ad comparationem noui contulit. Qui posteaquā
 „ maximas ædificasset, ornassetq; classes, exercitusq;
 „ permagnos, quibuscūq; ex gentibus potuisset com
 „ parasset, Bosphoranis finitimis suis bellum inferre si
 „ mulasset, usque in Hispaniam legatos Electanis mi
 „ sit, ad eos duces, quibuscum tum bellum gerebamus:
 „ ut cum duobus in locis disiunctissimis, maximeq; di
 „ uersis, uno consilio, ab unis hostium copijs bellum
 „ terra, mariq; gereretur: uos ancipiti contentione dis
 „ tracti, de imperio dimicaretis. Sed tamen alterius
 „ partis periculum Sertorianæ, atque Hispaniensis,
 „ quæ multo plus firmamenti ac roboris habebat, Cn.
 „ Pompei diuino consilio, ac singulari uirtute depul
 „ sum est. In altera parte, ita res à L. Lucullo summo
 „ uiro est administrata, ut initia illa gestarum rerū ma
 „ gna, atque præclara, non felicitati eius, sed uirtuti, hæc
 „ autem extrema, quæ nuper acciderunt, non culpæ,
 „ sed fortunæ tribuenda esse uideantur. Sed de Luculo
 „ lo dicam alio loco, & ita dicam Quirites, ut neq; uera
 laus

laus ei detracta, oratione nostra, neq; falsa afflicta esse,,
uideatur. Sed pro uestri imperij dignitate, atque glo,,
ria, quoniā is est exorsus orationis meæ, uidete quem,,
uobis animum suscipiendum putetis. Haftenus Ci,,
cero ab adiunctorum & causarum loco argumētum
dilatauit, explicando, adiectis personis, tempore, lo,,
co, causis, atq; consilijs, quæ, ex quo tempore tanta
ignominia populum Romanum Mithridates affece,,
rit, sint gesta. Figuris item, præsertim occupationibus,
de quibus supra in exornatione diximus illustrauit,
atq; extendit. Nunc subinde eandem hanc rem, & ex
comparationis loco exaggerat. Maiores uestri sæpe,,
mercatoribus ac nauicatoribus iniuriosius tracta,,
tis, bella gesserunt: uos tot ciuium Romanorū millis,,
bus uno nuntio, atq; uno tempore necatis, quo tan,,
dem animo esse debetis? Legati quod erant appellati,,
superbuis, Corinthum patres uestri totius Græciæ lu,,
men extinctum esse uoluerunt: uos eum regem inul,,
tum esse patiemini, qui legatum populi Romani con,,
sularem uinculis, ac uerberibus, atq; omni supplicio,,
excruciatum necauit? Illi libertatem ciuium Roma,,
norum imminutam non tulerūt: uos uitam ereptam,,
negligetis? Ius legationis, uerbo uiolatū illi persecuti,,
sunt: uos legatum populi Romani omni supplicio,,
interfectum, inultum relinquetis? Videte, ne ut illis,,
pulcherrimum fuit tantam uobis imperij gloriam re,,
linquere, sic uobis turpissimum sit, illud quod accepi,,
stis tueri & conseruare non posse. Haftenus postre-

A mum

mum illud argumentum ex locis dilatauit, nunc superiora illa tria ordine prosequenda repetit: & primum quidem, agi uidelicet sociorum salutem, ex adiunctorum, causarum, & comparationis loco confirmat, atque explicat his uerbis. Quid? quod salus sociorum summum in periculum, ac discrimē uocatur? Regno expulsus est Ariobarzanes rex, socius populi Romani, atque amicus: imminet duo reges toti Asiæ, non solum uobis inimicissimi, sed etiam uestris socijs atque amicis. Ciuitates autē omnes, cuncta Asia, atque Græcia, uestrum auxilium expectare propter periculi magnitudinem coguntur. Imperatorem à uobis certum deposcere, cum præsertim uos alium miseritis, neque audet, neque se id facere summo sine periculo posse arbitrantur: uident, & sentiunt, hoc idem, quod & uos, unum uirum esse, in quo summa sint omnia: & eum prope esse, quo etiam carent ægrius: cuius aduentu ipso, atque nomine, tametsi ille ad maritimū bellum uenerit, tamen impetus hostiū repressos esse intelligunt: ac retardatos. Hi uos, quoniā libere loqui non licet, tacite rogant, ut se quoque, sicut cæterarum prouinciarum socios dignos existimetis, quorum salutem tali uiro commendetis. Atque hoc etiā magis, quā cæteros, quod eiusmodi in prouinciā homines cum imperio misimus, ut etiam si ab hoste defendant, tamen ipsorum aduentus in urbes sociorum, non multū ab hostili expugnatione differant. Hunc audiebāt antea, nunc præsentē uident, tanta temperantia, tanta mansuetudine, ut ij beatissimi esse uident

esse uideantur, apud quos ille diutissime cōmoratur. „ Sociorū periculū Cicero ex adiunctorū loco expre- „ sit: ab ijs uidelicet, quę gesta sunt, atq; gerātur: causis etiam admixtis, quod cū Cn. Pompeiū prae ceteris du- „ cem expetant, aperte petere socij non audeāt. Quin & „ spectata Cn. Pompei temperātia, māfuetudo, atq; hu- „ manitas, ex comparationis loco, cum ceterorū Impe- „ ratorū in socias urbes aduentu parū ab hostili expu- „ gnatione differente, cōfertur atq; cōmendatur. Eodē „ ex loco, & argumēti huius clausulā, ut quæ à minori „ sumpta est adduxit. Quare si ppter socios, nulla ipsi „ iniuria lacelsiti maiores uestri cum Antiocho, cū Phi- „ lippo, cum Aetolis, cum Pœnis bella gesserūt, quāto „ uos studio conuenit iniurijs prouocatos sociorū salu- „ tem unā cum imperij uestri dignitate defendere? Se- „ cundū autem argumentū, ex cōparationis statim loco „ extendit hoc pacto. Præsertim cum de uestris maxi- „ mis uectigalibus agatur. Nam ceterarū prouinciarū „ uectigalia Quirites, tanta sunt, ut his ad ipsas pro- „ uincias tutandas uix contenti esse possimus. Asia ue- „ ro tam opima est, & fertilis, ut & ubertate agrorum, „ & uarietate fructuum, & magnitudine passionis, & „ multitudine earum rerum quæ exportantur, facile „ omnibus terris antecellat. Hinc Cicero infert clausu- „ lam, atq; adeo nouā propositionē: non solum Asiam „ à calamitate, sed etiam à metu calamitatis esse defens- „ dendam. Confirmat autem hanc subinde à causarum „ loco: cur uel à metu calamitatis defendi debeat. Itaq;

A : hæc uo

„ hæc uobis prouincia Quirites, si & belli utilitatem, &
 „ pacis dignitatem sustinere uultis, non modo à calamitàte, sed etiam à metu calamitatis est defendēda. Nam
 „ ceteris in rebus cum uenit calamitas, tum detrimentū
 „ accipitur: at in uestigalibus, non solū aduentus mali,
 „ sed etiam metus ipse affert calamitatē. Nam cum ho-
 „ stium copię non longe absunt, etiam si irruptio facta
 „ nulla sit, tamen pecora relinquuntur: agricultura de-
 „ seritur: mercatorū nauigatio conquiescit. Ita neq; ex
 „ portu, neq; ex decumis, neq; ex scriptura uestigal cō-
 „ seruari potest. Quare sæpe totius anni fructus, uno
 „ rumore periculi: atq; uno belli terrore amittitur. Ha-
 „ ctenus & breui admixta collatione, copiose rē à causis
 „ cōfirmauit, atq; extēdit: nūc subinde ex adiuncto-
 „ rum loco exaggerat, dum ex imminenti hostis incur-
 „ su, & eorum qui uestigalia pendunt, & publicanorū
 „ qui exercent, metum describit. Quo tandem animo
 „ esse existimatis, aut eos qui uestigalia uobis pensitāt,
 „ aut eos qui exercent, aut exigunt, cum duo reges
 „ cum maximis copijs prope adsint: cum una excursio
 „ equitatus, per breui tempore totius anni uestigal
 „ auferre possit? Cum publicani familias maximas,
 „ quas in salinis habent, quas in agris, quas in portu-
 „ bus atque custodijs, magno periculo se habere arbi-
 „ trentur. Putatis ne uos illis rebus frui posse, nisi eos,
 „ qui uobis fructuosi sunt conseruaueritis, non solum
 „ ut antea dixi calamitate, sed etiā calamitatis formidi-
 „ ne liberatos? Tertiū & postremū argumētū ex adiun-
 „ ctorum

ctorum, atque adeo caussarum loco, in quas illa con-
uertuntur explicat. Ac ne illud quidē uobis negligen-
dum est, quod mihi ego postremū proposueram, cū
essem de belligenere dicturus, quod ad multorū bo-
na ciuium Romanorum pertinet, quorum uobis pro-
uestra sapientia Quirites, habenda est ratio diligen-
ter. Nam & publicani homines & honestissimi, & or-
natissimi, suas rationes & copias in illam prouinciam
contulerunt. Quorum ipsorum per se res, & fortu-
næ, uobis curæ esse debent. Etenim si uestigalia ner-
uos esse Reipub. semper duximus, cum certe ordinē,
qui exercet illa, firmamentum cæterorum ordinum,
recte esse dicemus. Deinde cæteris ex ordinibus hor-
mines naui & industrij, partim in Asia negotiantur,
quibus uos absentibus consulere debetis: partim eor-
um in ea prouincia pecunias magnas collatas ha-
bent. Erit igitur humanitatis uestræ, magnum eorum
ciuium numerum calamitate prohibere: sapientiæ ui-
dere, multorum ciuium calamitatē, à Reipub. seiun-
ctam esse non posse. Etenim illud primum parui re-
fert, uos publicanis amissis uestigalia postea uictoria
recuperare. Neque iisdem redimendī facultas erit,
propter calamitatem: neque alijs uoluntas, propter
timorem. Deinde quod nos eadem Asia, atque idem
iste Mithridates initio belli Asiatici docuit, id quod
certe calamitate docti, memoria retinere debemus.
Nam tum, cum in Asia res magnas permulti amise-
runt, scimus Romæ solutione impedita, fidem concis-

„ diſſe. Non enim poſſunt una in ciuitate multi rem,
„ atque fortunas amittere, ut non plures ſecum in ean-
„ dem calamitatem trahant. A quo periculo prohibe-
„ te Rempub. & mihi credite, id quod ipſi uidetis, hæc
„ fides, atque hæc ratio pecuniariarum, quæ Romæ,
„ quæ in foro uerſatur, implicita eſt cum illis pecunijs
„ Aſiaticis, & cohæret: ruere illa non poſſunt, ut hæc
„ non eodem labefactata motu concidant. Hactenus
Cicero ab adiunctis, qui locus eſt omnium tempor-
rum, rem fuſius explicauit. Nam primum publicano-
rum rationem habendam eſſe, ducta ab adiunctis de-
ſinitione, confirmauit, uidelicet, cum ueſtigalia nerui
Reipub. ſint, publicanorum ordinem, qui illa exer-
cet, firmamentum cæterorum ordinum eſſe putan-
dum. Aliorum præterea multorum in Aſia negotian-
tium, & collatas pecunias habentium ciuium commo-
da non negligere, eſſe humanitatis eorum, atque offi-
cij. Deinde ab ijs confirmauit, quæ euentura publica
incommoda eſſent. De futuros enim poſtea, qui ueſti-
galia redimerent. Poſtremo ab expertis ante Romæ
incommodis impeditæ ſolutionis. Omnia quidem
hæc ab adiunctis ſunt petita: quæ in ſuadendo hic
in cauſas uertuntur, cur multorum ciuium commo-
dis, ſeruiendum eſſe putent. His ſubiicit Cicero bre-
uem omnium horum argumentorum epilogum.
„ Quare uidete, num dubitandum uobis ſit, omni ſtu-
„ dio ad id bellum incumbere, in quo gloria nominis
„ ueſtri, ſalus ſociorum, ueſtigalia maxima, fortunæ
pluri

plurimorum ciuium cum Repub. defenduntur. Belli autem magnitudinem Cicero, ex adiunctorum loco probat : nempe narratione rerum à L. Lucullo gestarum, & à Mithridate renouatarum ; ubi & ex similitudinis loco exempla admiscuit. Quin & ex eodem hoc adiunctorum loco, Cn. Pompei laudem sumit : dum prædicat ipsum, à scientia rei militaris , uirtute, autoritate, & felicitate. Quæ singula dum explicat, ex alijs atque alijs subinde locis dilatat, atq; amplificat.

Exemplum ut in petendo ex locis sit amplificandum ; totaq; apud Ouidium Penelopes epistola, quibus ex locis sit sumpta. CAP. IX.

EAdem quæ suadendi, iisdem ex locis & hortandi, petendiq; ratio est : idq; & apud poëtas exemplo ostendamus. Penelopes ad coniugem Vlysssem epistola, suaforij generis est. Petit enim, ut capta Troia, omnibusq; Græcorum Principibus reuersis, & ipse tandem ad se redeat. Quibus autem ex locis argumenta ducat, affectusq; moueat, indicabimus. Exordio, quo beneuolos, dociles, attentosq; reddimus, non hic ferè est usa. Neq; enim opus huic erat, eum sibi conciliare, à quo ipsa potius, quòd coniunx in uigesimum usque annum abesset reconcilianda fuit. Primo tamen uersu beneuolum, docilemq; reddit : dum dicit, epistolam illi à sua Penelope transmitti, his uerbis :

Hanc tua Penelope lento tibi mittit Vlysse.

Subijcit

Subijcit autem propositionem, quid sit quod ab eo petat, uidelicet:

Nil mihi rescribas, attamen ipse ueni.

Confirmat hanc argumento ex adiunctorum loco sumpto, quod Troia, ad quam expugnandam profectus esset, iam sit euersa:

Troia iacet certe, Danaïs inuisa puellis:

Vix Priamus tanti, totaꝑ Troia fuit.

Inuisam autem Troiam esse Graijs puellis, Priamũꝑ & totam Troiam uix tanti putandam, amplificatio est à circumstantijs: quas idem locus suppeditat. Quæ sequuntur à causarum & euentorum loco petita sunt. Male enim imprecatur Paridi, unde ea, quæ enumerat incommoda acceperit.

O' utinam tunc cum Lacedæmona classe petebat,

Obrutus insanis esset adulter aquis.

Non ego deserto iacuissem frigida lecto:

Nec quereretur tardos ire relicta dies.

Nec mihi quærenti spatiosam fallere noctem,

Lassaret uiduas, pendula tela manus.

Quando ego non timui grauiora pericula ueris:

Res est solliciti plena timoris amor.

In te fingebam uiolentos Troas ituros:

Nomine in Hectoreo pallida semper eram.

Siue quis Antilochum narrabat ab Hectore uictum,

Antilochus nostri causa timoris erat:

Siue Menætiaden falsis cecidisse sub armis,

Flebam successu posse carere dolos.

Sanguine

Sanguine Tlepolemus Lyciam tepefecerat hastam:

Tlepolemi leto cura nouata mea est.

Deniq; quisquis erat, castris iugulatus Achiuis:

Frigidius glacie pectus amantis erat.

Hactenus à caussarum & euentorum loco amplificauit: ubi, dum quanta in cura & metu de coniuge uixerit significat, mire sui commiserationem mouet.

Nunc subinde redit ad adiunctorum locum, confirmandamq; propositionem. Troiam enim esse euersam: Argolicosq; duces domum reuerfos suis res à se gestas commemorare: ubi explicatis circumstantijs, omnia ueluti depicta ob oculos ponit: quod schema hoc sumptum ex loco, illi Hypotyposim, nostri descriptionem uocant.

Sed bene consuluit casto deus æquus amor:

Versa est in cineres, sospite Troia uiro.

Argolici rediere duces, altaria fumant:

Ponitur ad patrios barbara præda deos.

Grata ferunt nymphæ pro saluis dona maritis:

Illi uicta suis Troïca fata canunt,

Mirantur iustiq; senes, trepidæq; puellæ:

Narrantis coniunx pendet ab ore uiri.

Iamq; aliquis posita monstrat fera prælia mensa:

Pingit & exiguo Pergama tota mero.

Hac ibat Simois, hic est Sigëia tellus:

Hic steterat Priami regia celsa senis.

Illic Aeacides, illic tendebat Vlysses:

Hic lacer admissos terruit Hector equos.

B

Quæ

Quæ sequuntur ex eodem hoc adiunctorum sumpta sunt loco: & figurata occupatione. Suspiciari enim potuit, unde ea certò accepisset. Quare à certis hominibus ipsis Græcorum reuersis Principibus, ea cognita habere scribit. Atq; hic, dum audaciam eius in adeundo periculo improbat, suumq; inde metum ostendit, mire affectus mouet.

Omnia nanq; tuo senior te quærere misso,

Rettulerat nato Nestor: at ille mihi.

Rettulit & ferro Resum, Dolonaq; cæsum:

Vtq; sit hic somno proditus, ille mero.

Aufus es ò nimium, nimiumq; oblite tuorum

Thracia nocturno tangere castra dolo:

Totq; simul mactare uiros adiutus ab uno:

At bene cautus eras, & memor ante mei,

Vsq; metu micuere sinus, dum uictor amicum

Dictus es Ismarijs isse per agmen equis.

Ab adiunctis hætenus, quæ sequuntur ex comparationis loco sunt petita: & interrogationibus figurata. Suam enim fortunam, cum cæterarū Græcarū foeminarū felicitate, quibus sui redissent mariti conferendo, indigniorē miserabilioremq; reddit. Cum porro tota sit hic in mouendis affectibus, ut ille, quod petit, ad se tandē redeat: moueriq; hi, nisi copiosa, multumq; amplificata oratione non possint, non contenta est Troiam euersam esse dicere, sed circumstantias explicat, eum ipsum locum arari iam, segetemq; ferre, ubi Troia fuit: ædesq; delectas herba occultari: unde tem
poris

poris diuturnitas innuitur.

Sed mihi quid prodest uestris disiecta lacertis

Ilios? & murus quod fuit ante, solum?

Si maneo qualis Troia durante manebam:

Virq; mihi dempto sine carendus erit.

Diruta sunt alijs, uni mihi Pergama restant,

Incola captiuo quæ boue uictor arat.

Iam seges est ubi Troia fuit, resecandaq; falce

Luxuriat Phrygio sanguine pinguis humus.

Semiseputa uirum curuis feriuntur aratris

Ossa, ruinosas occulit herba domos.

Victor abes, nec scire mihi quæ caussa morandi,

Aut in quo lateas ferreus orbe licet.

Quæ sequuntur ab adiunctis trahuntur. Ex suis enim,

filijq; factis, & suam in maritum, & filij in parentem

pietatem declarat.

Quisquis ad hæc uertit peregrinam littora puppim,

Ille mihi de te multa rogatus abit.

Quamq; tibi reddat, si te modo uiderit usquam,

Traditur huic digitis charta notata meis.

Nos Pylon antiqui Nileia Nestoris arua

Misimus: incerta fama remissa Pylo est.

Misimus & Sparten; Sparte quoq; nescia ueri,

Quas habitas terras: aut ubi lentus abes.

Et hæc quæ sequuntur, ex adiunctorum loco cadunt.

Mire autem affectus mouet; à sua fortuna, dum eam

urbem adhuc stare uelle dicit, quam ante mature ruer

re à dijs esset precata. Causas autem subiicit plures,

B 2 cur id

cur id optare potius posset.

Vtilius starent etiam nunc moenia Phœbi:

Iraſcor uotis heu leuis ipſa meis.

Scirem ubi pugnareſ; & tantum bella timerem:

Et mea cum multis iuncta querela foret.

Quid timeam ignoro: timeo tamen omnia demens:

Et patet in curas area lata meas.

Quæcunq; æquor habet, quæcunq; pericula tellus,

Tam longæ cauſſas ſuſpikor eſſe moræ.

Quæ ſequuntur à cauſſarum & euentorum loco ſunt.

Siquidem eius cognita libido, cauſſa fuit, cur ſuſpiceſ
tur peregrino cum amore captum eſſe poſſe: & narra
rare, quàm ruſticam coniugē habeat, quæ tota in tra
ctando lanas ſit occupata.

Hæc mihi dum ſtulte meditor, quæ ueſtra libido eſt,

Eſſe peregrino captus amore potes.

Forſitan & narras quàm ſit tibi ruſtica coniunx:

Quæ tantum lanas non ſinit eſſe rudes.

Fallar: & hoc crimen tenues uaneſcat in auras:

Né ue reuertendi liber, abeſſe uelis.

Quæ ſequuntur argumenta ad maturandum redi
tum grauiora adferuntur. Reuocat enim coniugem
ab Icarij ſui parentis imperio, uolentis ſe alteri nubes
re: à procorum in ſe multitudine, & uiolentia. Vtro
biq; autem amplificat: ibi in fide tamen coniugali ſem
per ſe manſurā, patremq; pudicis ſuis precibus frāgi
addendo: hic procos in ſe, ſuaſq; fortunas & ſeruos,
uiolētiores, uel nominatim enumerādo. Omnia qui
dem hæc

dem hæc ex adiunctorum trahuntur loco.

Me pater Icarius uiduo discedere lecto

Cogit : & immensas increpat usque moras.

Increpet usque licet, tua sim, tua dicar oportet:

Penelope coniunx semper Ulysis ero.

Ille tamen pietate mea, precibusq; pudicis

Frangitur : & uires temperat ipse suas.

Dulichij, Samijq;, & quos tulit alta Zacynthus,

Turba ruunt in me luxuriosa proci.

Inq; tua regnant, nullis prohibentibus, aula:

Viscera nostra tuæ dilacerantur opes.

Quid tibi Pisandrum, Polybum, Medontaq; dirū,

Eurymachiq; auidas, Antinoiq; manus,

Atque alios referam : quos omnes turpiter absens

Ipse tuo partis sanguine rebus alis.

Irus egens, pecorisq; Melanthius autor edendi,

Ultimus accedunt in tua damna pudor.

Quæ porro sequuntur omnia ad commouendū gra-

uissima sunt : eodemq; ex adiunctorū loco deprom-

pta. Argumēta autem ducit, affectusq; mouet, à suo

sexu muliebri atque inutili, Laertæ autem senili, &

Telemachi nondum matura ætate, atque periculo.

Atque hic à suo in filium materno affectu, cui sua lon-

giorem uitam precatur, amplificat : enumeratq;, qui

domi ex seruis in officio maneant. Deinde quo magis

affectus moueat, atque impetret, ad se ut omni abrus-

pta mora reuertatur, repetit Laertæ senectutem mi-

nus accommodatam ad capeffendum regnum, Teles-

B 3 machi

machi ætatem nondum maturam, & suas vires muliebre, nullasq; ad resistendum hostibus esse. Quare quod ante proposuit infert, ipse domum citius ut ueniat. Tertio & postremo ad has ipsas personas redit: argumentaq; hinc sumit, & mouet affectus: à persona Telemachi, qui filius à patre bonis artibus iam instituendus erat: à persona Laertæ senis, cui iam iam emorituro, filius ipse patri adesset: Deniq; & à sua persona, quæ longiore temporis spatio, quod absuit, anus facta uideri posset. Omnia porro hæc, cōiunx, pater, filius, unde argumenta affectusq; depromuntur, Vlysi, cui scripsit sunt adiuncta.

Tres sumus imbelles numero: sine uiribus uxor:

Laertesq; senex: Telemachusq; puer.

Ille per insidias penè est mihi nuper ademptus,

Dum parat inuitis omnibus ire Pylon.

Dij precor hoc iubeant, ut euntibus ordine fatis,

Ille meos oculos comprimat, illic tuos.

Hoc faciunt custosq; bouum, longæuaq; nutrix,

Tertius immundæ cura fidelis haræ.

Sed neque Laertes, ut qui sit inutilis annis,

Hostibus in medijs regna tenere potest.

Telemacho ueniet, uiuat modo, fortior ætas,

Nunc erat auxilijs illa tuenda patris.

Nec mihi sunt vires inimicos pellere tectis:

Tu citius uenias, portus, & aura tuis.

Est tibi, sitq; precor natus, qui mollibus annis

In patrias artes erudiendus erat.

Respice

Respice Laerten, ut iam sua lumina condas:

Extremum fati sustinet ille diem.

Certe ego quæ fueram te discedente puella,

Protinus ut uenias facta uidebor anus.

Hinc quæ ex locis amplificandi, copiosèq; suadendi ratio sit, satis declaratum esse puto. leiuana nanq; nudaque, non perinde fidem facit oratio, atque ea, quæ per locos ducta, uires contrahat: reluctantemq; cōmoueat: & ui tandem secum uel inuitum rapiat. Nos quidem non grauati sumus, pluribus locorum hic usum explicare: quod nemo ferè est, quocunq; in genere uitæ existat, cui non aliquando suadendum, hortandum, petendum uel sit: ubi, si intelligat unde sumi commodè possit, quo cum motu animorū sibi fidem in dicendo conciliet, felicius hunc quæ uolet, ex sententia impetraturum dubium nulli esse debet. Dissuadendi autem quæ sit ratio, ex superioribus satis liquet. Contraria nanque, turpia uidelicet, inutilia, impossibilia, difficilia, quibus multum inest periculi, dissuadenda erunt: quæ ex eodem illo adiuncto rum, caussarum sumpta loco, unde superiora, ad maiorem fidem motumq; animorum faciendum, & ex reliquis dilatantur amplificanturq;.

Exemplum copiosè ex locis dissuadendi apud

Titum Liuium. CAP. X.

Sed & hic exemplo apud T. Liuium, cum in omnibus passim, tum in concionibus eloquentissimum historicum ostendamus. Elegans apud hunc, doctaq;
Q. Fabij

Q. Fabij Maximi extat oratio,neruis,& rerum pon
dere perquam munita. Qui cum senex iam nulli Ro
mæ rerum gestarum gloria secundus,uideret Publiũ
Scipionem admodum iuuenem totam Hispaniam,
cæsis,pulsisq; Pœnis recuperasse, atq; inde Romam
reuersum ingenti fauore populi,& summa spe finien
di per eum Punici belli creatum cõsulem statuisse cũ
exercitu in Africam, trahendi ex Italia Annibalis
caussa traicere,eaq; de re, eo consilio ad Senatum re
ferre,ut si hic non impetraret,cum populo ageret, ro
gatus in Senatu sententiam,consilium Scipionis,sive
inuidia,sive Reipub. periculo commotus totum im
probat: dissuadetq; ante in Africam esse traicien
dum,quàm Annibal Italia pulsus sit atque fugatus.
Exordium,quo animos patrum cõciliat, uiamq; sibi
ad dissuadendum sternit,ex adiunctorum loco ducit:
nempe à causssæ,& Africæ prouinciæ circumstantia,
Scipionisq;,& sua persona.Sunt enim dicturo adiun
cta hæc omnia: personæ eorum,apud quos dicit: ad
uersarij: sua ipsius: caussa item ipsa: deniq; locus,&
tempus: qua de re,supra de principijs est disputatũ.
Duo maxime hoc in exordio præstat Fabius. Primũ
Scipioni odium conflat: quod de Africa prouincia
sibi decernenda ad Senatum se referre simulet, cum
uel inuitis Patribus hanc sibi prouinciam dari uellet.
Deinde,cum & ipse natura cunctatior ad res geren
das uideri posset,crescentiq; Scipionis gloriæ inuide
re,omnem suæ cunctationis & inuidiæ suspicionem
amouet

amouet. Cum igitur animaduertetet Fabius Scipio-
nem, eo consilio ad Senatū de Africa prouincia, quā
in eum diem nec Senatus prouinciam censuisset, nec
populus iussisset, referre, ut si is non concederet, à po-
pulo impetraret, ab hac rerum circūstantia ita est ex-
orsus. Scio multis uestrum uideri Patres Conscripti, „
rem actam hodierno die agi: & frustra habiturū ora- „
tionem, qui tanquam de integra re, de Africa prouin- „
cia sententiam dixerit. Ego autem primum illud igno- „
ro, quemadmodum certa iam prouincia Africa con- „
sulis uiri fortis, ac strenui sit, quam nec Senatus cen- „
suit in hunc annum prouinciam esse, nec populus „
iussit. Deinde si est, consulem peccare arbitror, qui de „
re transacta simulando se referre, Senatum ludibrio „
habet: non senatorem modo, qui de quo consulitur, „
suo loco dicit sententiam. Haecenus Patrum animos
à Scipione abalienauit: nunc subinde suæ cunctatio-
nis, atque inuidiæ suspensionem tollit: ab acta sua uita,
& moribus, summisq; gestis honoribus: denique ab
sua iam ingrauescenti ætate. Atq; hic ex comparatio-
nis loco, hæc extendit atque confirmat, dum cum fi-
lij sui ætate, Scipionis confert: & exemplum rerum à
se gestarum à maiori sumptum adducit. Se dictato-
rem, cum Magistro equitum imperium secum equa-
retur, rebus quàm uerbis assequi maluisse, ut qui sibi
aliorum iudicio comparatus esset, sua mox cōfessio-
ne se sibi præferret, tantum abesse, ut certamina sibi
cum adolescente Scipione proponenda esse putet.

C Atque

Atque hinc ex eodem hoc loco, & quidem à maiori,
aliud infert argumentum: quo & Patrum sibi ani-
mos admodum conciliat: æquum esse Scipionem sibi
ignoscere, si, cum in se ipso pluris semper Rempub.
quàm famam hominum fecerit, non ipsius gloriam,
,, bono publico præponat. Atque ego certum habeo,
,, dissentienti mihi ab ista festinatione in Africam traj-
,, ciendi, duarum rerum subeundam opinionem esse.
,, Vnius, insitæ ingenio meo cunctationis, quam me-
,, tum pigritiamq; homines adolescentes sanè appella-
,, lent, dum me non poeniteat adhuc, aliorum spe-
,, ciosiora primo aspectu consilia semper uisa, mea
,, usu meliora. Alterius, obrectationis atque inuis-
,, diæ, aduersus crescentem in dies gloriam fortissis-
,, mi consulis. A qua suspitione, si me neque uita acta,
,, & mores mei, neque dictatura cum quinque consus-
,, latibus, tantumq; gloriæ belli domiq; partum uins-
,, dicat, ut propius fastidium eius sim, quàm deside-
,, rium, ætas saltem liberet. Quæ enim mihi æmulatio
,, cum eo esse potest, qui ne filio quidem meo æqualis
,, sit? Me dictatorem, cum uigerem adhuc uiribus, &
,, in cursu maximarum rerum essem, recusantem nemo
,, aut in Senatu, aut apud populum audiuit, quo mi-
,, nus insectante me Magistro equitum, quod fando
,, nunquã ante auditum erat, imperium mecum æqua-
,, retur: rebus quàm uerbis assequi malui, ut qui alios
,, rum iudicio mihi comparatus erat, sua mox confes-
,, sione me sibi præferret, nedum ego perfunctus ho-
noribus,

noribus, certamina mihi atq; æmulationem cum ado-
 lescente florentissimo proponam: uidelicet, ut mihi
 iam uiuendo, non solum rebus gerendis fessò, si huic
 negata fuerit, Africa prouincia decernatur. Cum ea
 gloria, quæ parta est, uiuendum atque moriendum
 est. Vincere ego prohibui Annibalem, ut à uobis
 quorum uigent nunc uires, etiam uinci posset. Illud
 te mihi ignoscere P. Corneli æquum est, si, cum in me
 ipso nunquā pluris famam hominum, quàm Rem
 pub. fecerim, ne tuam quidem gloriam bono publi-
 co præponam. Hactenus Fabius, sumpto ab adiun-
 ctis exordio, & Scipioni odium conflauit, & quo gra-
 uior dissuadendi autor esset, suæ cunctationis atq; in-
 uidia suspitionem sustulit: nunc subinde dissuadet,
 ante Italia esse discedendum, quàm Pœni hinc pulsi
 sint atque fugati: idq; ductis argumentis ab adiun-
 ctorum loco: uidelicet à persona hostis Annibalis:
 ab eius incolumi exercitu: à multitudine annorum
 quos Italiam obsideat. Atque hoc in genere obiter
 animaduertendum est, propositionem, ut hic, sæpe
 omitti, cum id, quod suadetur, aut dissuadetur, satis
 eluceat perspicuumq; sit. Satis enim hic apparet, Fa-
 bium uelle, Italia hostem ante esse expellendū, quàm
 in Africam trajciendum: sicille. Quanquam si aut
 bellum nullum in Italia, aut is hostis esset, ex quo ui-
 cto nihil gloriae quæreretur, qui te in Italia retineret,
 etsi id bono publico faceret, simul cum bello mate-
 riam gloriae tuæ ire creptum uideri posset. Cum ue-

„ ro Annibal hostis, incolumi exercitu quartumdecim
 „ mum annum Italiam obsideat, pœnitebit te Publ.
 „ Corneli gloriæ tuæ, si eum hostem, qui tot funcrum,
 „ tot cladum nobis caussa fuit, tu Consul Italia expul-
 „ leris? Subijcit ex similitudinis loco, & sicut penes C.
 „ Luctatium prioris Punici perpetrati belli titulus
 „ fuit, ita penes te huius fuerit? Quæ sequuntur ex
 „ comparationis loco sunt petita: ubi hunc hostem
 „ Annibalem, cum Amilcare parente, superiorisq; bel-
 „ li duce, & hoc secundum bellum Punicum, cum pri-
 „ mo, deniq; hanc futuram uictoriam, cum illa supe-
 „ riori conferendo, ostendit longe maximam gloriam
 „ in hoc hoste Italia expellendo, belloq; finiendo Sci-
 „ pionii positâ esse. Nisi aut Amilcar Annibali dux est
 „ præferendus: aut illud bellum huic: aut uictoria illa
 „ maior, clariorq; quàm hæc, modo contingat ut te
 „ Consule uincamus, futura est. Ab Drepano atque
 „ Eryce detraxisse Amilcarē, quàm Italia expulisse Pœ-
 „ nos atq; Annibalem malis? Ne tu quidem, etsi magis
 „ partam, quàm speratâ gloriam amplecteris, Hispania
 „ potius, quàm Italia bello liberata gloriatus fueris.
 „ Nondum is est Annibal, quem non magis timuisse
 „ uideatur, quàm contēpsisse, qui aliud bellum malue-
 „ rit. Quin igitur ad hoc accingeris? nec per istos circui-
 „ tus, ut cum in Africā traieceris, secuturū te illuc Annib-
 „ balē speres potius, quàm recto hinc itinere, ubi Anni-
 „ bal est, cō bellū intendis? Quæ his adhiūtur, ab ad-
 „ iunctis argumenta trahūtur, atq; extendūtur: nempe
 „ à nat

à natura, atq; ordine gerendarum rerum. Egregiam,,
 istam palmam Punici peracti belli petis? Hoc & natu,,
 ra prius est, tua cum defenderis, aliena ire oppugna,,
 tum. Pax ante in Italia, quàm bellum in Africa sit: &,,
 nobis prius decedat timor, quàm ultro alijs infera,,
 tur. Si utrunq; tuo ductu, auspicioq; fieri potest, An-,,
 nibale hic uicto, illic Carthaginem expugna. Si alter,,
 utra uictoria uobis consulibus relinquenda est, prior,,
 cum maior, clariorq;, tum caussa etiam inseguētis fue-,,
 rit. Quæ item sequuntur argumenta, ab adiunctis sus-
 muntur: ab inopia ærarij: & à periculis, quæ & urbi
 Romæ, & ipsi in Africa pugnaturò impendeāt. Atq;
 hæc tribus confirmat exemplis ex similitudinis loco
 petitis, ipsius parentum, Atheniensium, & M. Attilij
 Reguli. Nam cum quidem, præterquam quòd & in,,
 Italia, & in Africa duos diuersos exercitus alere æra:,,,
 rium nō potest, præterquam quòd unde classes tuca:,,,
 mur, unde com meatibus satisfaciamus præbendis,,
 nihil reliqui est, periculi tandem quantum adeatur,,
 quem fallit? P. Licinius in Italia, P. Scipio bellum in,,
 Africa geret. Quid si, quod omnes dij omen auertāt,,
 & dicere etiam reformidat animus, sed quæ acciderūt,,
 accidere possunt, & uictor Annibal ire ad urbē per-,,
 gat: tum demum te consulem ex Africa, sicut Q. Ful-,,
 uium à Capua accersemus? Quid quod in Africa,,
 quoq; Mars communis belli erit? Domus tibi tua,,
 pater, patruusq; intra triginta dies cum exercitibus,,
 cæsi documēto sint, ubi per aliquot annos, maximis,,
 C ; rebus

„ rebus terra mariq; gerendis , amplissimum nomen
 „ apud exteras gentes Populi Romani, uestræq; fami-
 „ liæ fecerant. Dies me deficiet, si Reges, Imperatoresq;
 „ temere in hostium terras transgressos cum maximis
 „ cladibus suis, exercituumq; suorum enumerare ues-
 „ lim. Athenienses prudentissima ciuitas, bello domi
 „ relicto, autore æque impigro, atque nobili iuvene,
 „ magna classe in Siciliam transmissa, una nauali pu-
 „ gna florentem Rempub. suam in perpetuum afflixer-
 „ unt. Externa, & nimis antiqua repeto. Africa eadem
 „ ista, & M. Attilius, insigne utriusq; fortunæ exem-
 „ plum nobis documento sint. Proxima ex compara-
 „ tionis loco sunt ducta: ubi Hispania & Africa com-
 „ parantur: resq; à Scipione in Hispania gestæ enume-
 „ rando eleuantur, & cum ijs, quæ in Africa futuræ
 „ sint conferuntur. Næ tibi P. Corneli, cum ex alto
 „ Africam conspexeris, ludus & iocus fuisse Hispaniæ
 „ tuæ uidebuntur. Quid enim simile? Pacato mari
 „ præter oram Italiæ Galliæq; uectus, Emporias in ur-
 „ bem sociorum classem appulisti: & expositos mili-
 „ tes, per tutissima omnia ad socios, & amicos Populi
 „ Romani Tarraconem duxisti: ab Tarracone deinde
 „ iter per præsidia Romana: circa Iberum exercitus pa-
 „ tris, patriuq; tui, post amissos imperatores ferociores
 „ calamitate ipsa facti. Dux tumultuarius quidem ille
 „ L. Martius, & militari suffragio ad tempus lectus,
 „ cæterum si nobilitas, & iusti honores adornarent, cla-
 „ ris Imperatoribus qualibet arte belli par, Oppugnata per

ta per summum otium Carthago, nullo trium Punis „
 corum exercituum socios defendente. Cætera, neque „
 ea eleuo, nullo tamen modo Africo bello comparans „
 da: ubi non portus ullus classi nostræ apertus: non „
 ager pacatus: non ciuitas socia: non rex amicus: nō „
 consistendi usquam locus: non procedendi: quæ „
 cunq; circumspexeris, hostilia omnia atque infesta. „
 Confutat subinde, quæ obijci à Scipione possent, „
 quod amicitiam, fœdusq; cum Numidarū rege Sy- „
 phace in Carthaginenses fecisset. Barbaris enim regis „
 bus non esse credendum: probatq; primum exem- „
 plis parentum Scipionum, atque ipsius, quæ ex simi- „
 litudinis, & comparationis loco sumuntur: deinde „
 argumentis ex adiunctorum loco sumptis: nempe à „
 natura, atque ingenijs regum Numidarum, & ho- „
 stium Carthaginensium. An Syphaci Numidisq; cre- „
 dis? Satis sit semel creditum. Non semper temeritas „
 est felix: & fraus fidem in paruis sibi præstruit, ut cū „
 operæ precium sit, cum mercede magna fallat. Non „
 hostes patrem patruumq; armis prius, quàm Celtis „
 beri socij fraude circumuenerunt. Nec tantum tibi „
 ipsi à Magone, & Asdrubale hostium ducibus, quā „
 tum ab Indibili, & Mandonio in fidem acceptis peris „
 culi fuit. Numidis tu credere potes defectionem milis „
 tum tuorum expertus? Et Syphax & Masinissa, se „
 quàm Carthaginenses malunt potētes in Africa esse: „
 Carthaginenses, quàm quenquam alium. Nunc illos „
 æmulatio inter sese, & omnes causæ certaminum „
 acuunt

„acuunt, quod procul externus metus est: ostende Ro
 „mana arma, exercitum alienigenam, iam uelut ad
 „commune restinguendum incendium concurrent.
 „Aliter ijdem illi Carthaginienses Hispaniam defende
 „runt, aliter mœnia patriæ, templa deûm, aras, & fo
 „cos defendent, cum euntes in prælium pauida profes
 „quetur coniunx: & parui liberi occurrabunt. Quæ
 „sequuntur, ex adiunctorum trahuntur loco: pericu
 „lorumq; magnitudinem, quæ emergere ex Scipionis
 „in Africam traiectione possunt, ostendunt. Quin &
 „similitudo, quò res periculosior uideatur, admisce
 „tur. Confutatiuncula item, non uictum ab eo Asdru
 „balem, quem in Italia descendere passus sit: quod ab
 „adiunctis est tractum. Quid porro, si satis cõfisi Car
 „thaginenses consensu Africæ, fide sociorum regum,
 „mœnibus suis, cum tuo exercitusq; tui præsidio nu
 „datam Italiam uiderint, ultro ipsi nouum exercitum
 „in Italiam, aut ex Africa miserint, aut Magonem, quẽ
 „à Balearibus classe transmissa iam præter oram Ligu
 „rum Alpinorum uectari constat, Annibali se coniun
 „gere iusserint: nempe in eodẽ terrore erimus, in quo
 „nuper fuimus, cum Asdrubal in Italiam transcendit:
 „quem tu, qui nō solum Carthaginem, sed & omnem
 „Africam exercitu tuo es clausurus, è manibus tuis in
 „Italiam emisisti. Victum à te dices: eo quidem minus
 „uellem, & id tua, nō Reipub. solum causa iter datum
 „uicto in Italiam esse. Quæ sequuntur, ab adiunctis pe
 „tuntur: firmacq; sunt argumenta. Primum autem
 diffuadet

dissuadet ab ipsius Scipionis p̄sona: qui quo melior,
 bellicosiorq̃ sit, hoc cōmodius eū Patria totaq̃ Italia
 retineat. Deinde ab ipsius iudicio, consentientis ibi belli
 esse caput, ubi sit Annibal. Tum à caussa trañciendi,
 quę fuit, ut Annibalē in Africā secū ex Italia traheret,
 atq̃ ibi cū eo manus cōsereret: quod minus periculosū
 se in Italia fieri posse, ubi & collegæ sui exercitu iuuari
 possit, recēti Claudij & Liuij C O S S. exēplo cōfir-
 mat. Atq̃ hic rem & ex cōparationis loco exaggerat,
 atq̃ extendit, dum collatis locis Africa, atq̃ Italia, co-
 pijsq̃, quibuscum aut hic, aut ibi futura res sit, ostendit
 minus periculose in Italia, cū Annibale manus cō-
 serere posse, ubi & à collega iuuari possit, quā in
 Africa, ubi soli aduersus plures hostiū copias sit pug-
 nandū. Figurata quidem & hæc sunt urgēdi caussa
 crebris interrogationibus. Patere nos omnia, quæ,,
 prospera tibi & populi Romani imperio euenere tuo,,
 cōsilio assignare: aduersa casibus incertis belli, & for-,,
 tunæ legare. Quo melior, fortiorq̃ es, eo magis talem,,
 p̄sidentem sibi Patria, atq̃ uniuerſa Italia retinet. Non,,
 potes ne ipse quidē dissimulare, ubi Annibal sit, ibi ca,,
 put atq̃ arcē huius belli esse: quippe qui præ te feras,,
 eam tibi caussam esse trañciendi in Africā, ut Anniba,,
 lem eò trahas. Siue igitur hic, siue illic, cum Annibale,,
 est tibi futura res. Vtrum ergo tandem firmior eris in,,
 Africa solus, an hic tuo collegæq̃ tui exercitu cōiun-,,
 ctor: ne Claudius quidē & Liuius Consules tam res,,

„ Quid? Annibalē utrū tandē extremus angulus Bru-
 „ tū agri, frustra iam diu poscentē ab domo auxilia, an
 „ propinqua Carthago, & tota socia Africa potentiorē
 „ armis uirisq; faciet? Quod istud consiliū est, ibi malle
 „ decernere, ubi tuæ dimidio minores copię sint, hostiū
 „ multo maiores, quàm ubi duobus exercitibus aduer-
 „ sus unū, tot praelijs, & tam diuturna, & graui militiā
 „ fessum pugnandū sit? Quæ sequuntur ex contrariorū,
 „ adiunctorū, seu caussarū, similitudinisq; loco sunt de-
 „ prōpta. Nam ut magis atq; magis Scipionis consiliū
 „ improbareret, à paterno maxime pugnare, contrariūq;
 „ esse ostendit. Ab adiunctis est, atq; adeo à causis, non
 „ Reip. cōmodū hic cum quærere, sed sui nominis glo-
 „ riā uænari: quod subinde rerum ante ab ipso gestarū
 „ exēplo, ducto à simili confirmat. His adiicit clausulā,
 „ atq; adeo suam sententiā. Quàm compar consiliū tuū
 „ parentis tui cōsilio sit reputa? Ille consul profectus in
 „ Hispaniā, ut Annibali ab Alpibus descēdenti occur-
 „ reret, & in Italiā ex prouincia redijt: tu cum Annibal
 „ in Italia sit, relinquere Italiā paras: non quia Reip. id
 „ utile, sed quia tibi amplū, & gloriosum censes esse. Si-
 „ cut cum prouincia, & exercitu relicto, sine lege, sine
 „ S. C. duabus nauibus populi Romani imperator for-
 „ tunā publicā, & maiestatem imperij, quæ tum in tuo ca-
 „ pite periclitabatur, cōmisisti. Ego P. Cornelium P. C.
 „ Reip. nobisq; non sibi ipsi priuatim creatum consu-
 „ lem existimo: exercitusq; ad custodiam urbis, atque
 „ Italiæ scriptos esse: non quos regio more per super-
 „ biam

biam consules, quò terrarum uelint traiciant. Ani-
 maduertendū autem, quod ipsum & sepius diximus,
 omnia hic, quibuscunq; ex locis ad fidem, motumq;
 animorū ducantur, in causas cōuerti, cur non ante in
 Africam traiciendum Scipioni putet, quàm Annis-
 bal hostis Italia pulsus sit atq; fugatus.

De dispositione & exordio.

CAP. XI.

OMnia quæ in suadendo & dissuadendo ad fidē,
 copiamq; orationis adhibētur, ex locis sumi, cū
 nostris, tū apud Oratores, Poëtas, Historicosq;, exē-
 plis ostēdimus: nunc subinde, & quæ hoc in genere di-
 sponendi ratio sit, paucis erit dicendū. Quò enim co-
 piose inuenisse ualebit, nisi recte disponas? Totidē igitur
 & hic, quot in superiori genere, orationis erūt par-
 tes. Principiū conciliandorū animorū causa adhibe-
 tur. Sumitur autem, ut supra, à personis, nostris, dis-
 sentientiū, & eorū quibus consiliū datur: à loco item,
 & tempore: deniq; à causæ circūstantijs: quæ ut pro
 causa subinde aliæ atq; aliæ sunt, ita unus ille adiun-
 ctorū locus, omniū, unde duci debeat nos admone-
 bit. Qua de re, cum supra copiosius disputatū sit, ni-
 hil attinet hic repetere. Vnus certe adiunctorū locus,
 eorum omniū, unde sumi possit nos admonet: quæ si
 magis extēdere, atq; ad motū animorū dilatare uelis,
 & per ceteros locos ducas licebit. Verum cum hoc in
 genere, ij, quibus suademus, aut dissuademus, nobis
 ferè sint conciliati, longiore non opus erit exordio:

tatur. Nam ut breui quidem contenti esse possumus, ita totum omitte, & abrupte exordiri, quod in rebus omnibus naturaliter aliquid sit primum, probari quod potest. Quod si uero male audias, aut inuidere, aut tui cōpendij rationē habere uidearis, omnibus uiris bus ad conciliandū, purgandūq; erit abutendū. Itaq; pro causa, hæc moderanda erunt omnia.

De narratione, & propositione: & quibus illa sumatur ex locis.

C A P. XII.

RARæ hic, breuesq; si quæ narrationes sunt. Suasurus Cicero Populo Romano bellū in Mithridatem esse suscipiendū, & Cn. Pompeiū Imperatorē huic præficiendū, breui narratione, quid ab hostibus pararetur, populū docuit. Sumitur autem, si qua incidit, ab adiunctis: nempe ab ijs, quæ gesta sunt, gerantur, sintq; futura bona mala ue. Ceteris ex locis narrationes, quod breues esse solent, debentq; non ferè multū amplificantur: adeo, ut ne ex hoc quidem loco, omnes circūstantias sumant. Porro sæpius hic omnino nulla narratio est: propterea, quod nō, quibus consiliū datur, res ipsa, causaq; tota sit cognita: aliūde tamē incidere possunt, quæ exponi oporteat. Quare breui propositione, quæ ferè semper est necessaria, quid suasurus, aut dissuasurus uenias, erit indicandū: quæ tamen & ipsa, cū satis apparet, quid agas, interdū omittitur: ut in proximo exēplo uidimus. Nam cum ipso exordio Fabius satis indicasset, displicere sibi Scipionē in Africam trajcere, nihil attinebat id certius proponēdo facere.

cere. In epistolis, scriptisq; breuioribus, interdum in finem usq; propositio differtur. Porro conclusio, repetita propositio est, & per omnia eadem. Dicitur autem propositio, cum ante conflictum argumentorum probanda ponitur; conclusio, cum ex rerum argumentorumq; pugna, confirmata ducitur. Diuisione item, si pluribus de rebus dicendum sit, nos hic uti posse animaduertendum est: ut Cicero, primum se de genere belli, deinde de magnitudine, postremo de Imperatore deligendo se dicturum dixit.

De confirmatione.

CAP. XIII.

EXposita res, seu modo proposita, argumentis erit probanda. Atque hic primum cōmode de honestate, deinde de utilitate, tum de necessitudine dixerimus: de qua, quanquam duobus illis, honesto atque utili comprehendatur, seorsum tamē sæpe oratio est: postremo possibilitas, & si fieri potest facilitas etiam erit ostendenda. Frustra enim honestum, aut utile esse contendas, si præ difficultate minus fieri potest. Sed & hunc ordinem mutas licebit: primumq; de utilitate, deinde de honestate dicas. Habenda autem eorum, quibus consules, ratio diligēter. Nam si doctos uiros esse, uirtutemq; sequi intelligas, plurima tibi de honestate erit oratio: sin uero rudiores, omniaq; utilitate metiri uideas, commoda maxime, atque euentura emolumenta erunt ostendenda. Quod si uero

quæ uoles alijs recte probes, nisi ea ex animis hominum interim tollas, quæ in diuersum rapiunt atque trahunt. Quæ in suadendo, eadem & in dissuadendo, quod contrarijs constat officijs collocandi, confirmandiç ratio est. Quibus autem ex locis confirmatio sumatur, explicatum est.

De epilogo.

CAP. XIII.

Postquam autem ijs, quæ nocitura erant refutatis, tua satis argumentis confirmaris, rerum pondera, atque firmamenta, epilogo deinde erunt repetenda, affectusç mouendi. Quæ pars orationis, cum tota ad amplificandum, motusç animorum accommodetur, licebit hic, si causa postulat, in locos communes excurrere: & prosopopojas admiscere: eacç omnia, quæ ad concitandum ualent, de quibus supra in exornatione diximus adhibere. Atque hæc item, quibus sumantur ex locis, demonstratum est.

De eloquutione seu exornatione.

CAP. XV.

Postquam autem copiose inuenerimus, recteç collocauerimus, eo omnia uerborū, figurarumç genere erunt exornanda, atç enuntianda, ut doceamus, delectemus, & moueamus: de quibus tribus oratoris officijs, cum pluribus supra dixerimus, eademç huc pertineāt, nihil corū hoc loco repeti oportere putamus. Quæ itē de actione, & quinta ultimaç rhetorices parte ipsa memoria nobis uidebantur, supra diximus.

TEL.

GERARDVS BVKOLDIANVS
LECTOR S. D. P.

DVm quartum librum de genere iudiciali, quem forte desideras, scribendum suscipio, Hippocrates atque Galenus è medio me cursu quasi longius digressum ad grauissima *ιατρικῆς* studia reuocant: ad quos ea lege redeo, ut illorum pace mihi & hunc alio quando addere liceat. Magna enim omnium artium inter sese cognatio est. Itaque & ipse Galenus, ex quingentis, aut ultra quos scripsit libris, complures & his ipsis de rebus, ut magno futuro medico admodum necessarios edidit. Quare quanquam hoc tempore foro explosa sit eloquentia, nullusque propemodum in iudicio oratori relictus sit locus, tamē, cum omnes ferē Ciceronis orationes hoc in genere uersentur, & hic locorum usum ostendisse iuuabit: & hoc magis, quod in Topicis Cicero, proprios cuiusque status locos nō recte indicasse uideatur. Quapropter & quartum si aliquando librum de usu locorum in genere iudiciali addo, ab hoc nostro Gryphio de studijs literarum optime merito expecta.
Vale.



... ..
... ..